

Badische Landesbibliothek Karlsruhe

Digitale Sammlung der Badischen Landesbibliothek Karlsruhe


Das ander teyl wider die himlischen propheten vom Sacrament.

Luther, Martin

Straßburg, 1525

VD16 L 7469

urn:nbn:de:bsz:31-40160




125

132 | 56 | 1

Diese Binnengesetz
Bücher sind in die
Zusammen gebunden.

- 1 Des Costenzer rjd so sie dem
ganze Österreich gethon haben. &c.
- 2 Des tüzelen Kriegszüftung
wider K. Carolinn. &c.
- 3 Protestation K. Caroli zu Rom
auch des König vß Frank
zeich ant wirt.
- 4 D. Martin Lütgers warnung
an die Deutschen.
- 5 D. Martin Lütgers predig von
dem ablast.
- 6 D. Martin Lütgers andert geil
vom Sacrament wider die him
lischen propheeten.
- 7 Wie man berichten soll vß D.
Martin Lütger &c.
- 8 D. Martin Lütgers Rathhand.

- 9 Der pzeichter schafft zu Zürich
handlung von wegen des Euangely.
- 10 Vergleichung des bapsts sätzung
gegen der leib Christi Jesu.
- 11 Verantworte text vñ dem bapst-
lichen rechten.
- 12 81. articel, denen sich die stend
des reichs am bapst beschwären.
- 13 Von einer tochter so von dem
bösen geist besessen gewesen ist.
- 14 Von den vridertaniffelen zu
stänstet.
- 15 Die Cantdisier Reitz Cazolo
übergeben sy.



PSALM II7
DAVID



Das ander
teyl wider die him-
lischen Propheten vom
Sacrament.

Martin. Luth.

Ir thorheit würt jederman offens-
bar werden. 2. Timoth. 3.

Zu Straßburg bey Wolff Köppel
Anno. M. D. XXV.



LUCAS XX.





Fragment of text from the adjacent page, including words like "so", "de", "lic", "ab", "w", "te", "li", "he", "de", "S", "wo", "ch", "fel", "gel", "m", "tr", "on", "fü", "m", "X", "ly", "v", "w", "h", "B", "n", "A".

Mir ist kein zweyfel dz bey
den Papisten dise vnser zwoytracht ein gross-
freud vn hoffnung machet als solt dadurch vn-
ser thun nun ein end nemen. Wol an / die lassen
wir rümen vn ein güten müte über vns haben. Ich hab offte
vnd lengst gesagt / Ists auß gott / was ich hab angefangen /
so sols niemant dempffen / Ists nit auß gott / so halts ein an-
der / ich wils freylich nit erhalten. Ich kan nichts daran ver-
lieren / dan ich habe nichts darauff gewandt. Das weiß ich
aber wol / dz mirs sol niemant nemen / on gott allein. Vn wie
wol mir dise ergernuß auch leyd ist / ist mir doch lieb / das der
teüfel an tag kompt vn zü schandē würt durch di-^{er} seine him-
lischen propheten / die nun lang gemuckte haben / vn noch nie
herfür gewölt / bis ich sye mit ein gulde heraus gelockt hab /
der ist von gottes gnaden wol angelegt / vn rewet mich nit.

Es hat nit not / in gottes namen / Ich weys vn bin gewiß /
wer hie der meyster ist / der hat mir bis her nit gefelet / in man-
chem starcken puffe / Es würt mir auch in diesem buße nicht
felen. Darumb sey nur frisch vnd vnuerzagt / wem dz Euang-
gelion geben ist. Wir haben einen frölichen trost vnd güten
müte / vnd sechten wider schwermütige / blöde / verzagte / Be-
trübte geyster / die sye auch vor ein rauschend blat fürchten /
on das sye sich vor gott / wie der gotlosen art ist / Psal. 35. nit
fürchten / vnd sein wort vnd werck dürstiglich meistern / das
macht / er ist verborgen vnd laßt sich nit sehen noch fülen /
Were er aber ein gegenwertiger / sichtlich mensch / er solt
sye mit ein strohalm züm land auß jagen.

Dan also hat diser geyst gethon. Erstlich schleych er hyn
vnd her im land / vn schmeyste heymlich vmb sich / süchte /
wo er funde / die im züfielen. Nun so er sich laßt duncken / er
hab einē anhang / brücht er truglich herfür / vn meynet / es sey
gewonnē. Dz sein trutz nit steet auff gott / der mit jnen redet /
wie sye rümen / sond auff dem züfal des pofels / vn bawt auff
fleysch vnd blüt. Dan wen gott treibt zü reden / der hebt frey

öffentlich an/ob er gleich allein/ vnd im niemant züffiel/wie
Jeremias thät/ Wie auch ich rümen kan/dz ich thon habe.
Darumb ist dz gewislich der teuffel/der heymlich vñ meich
lings so hereyn schleycht vnd entschuldigt sich darnach/Er
sey zü erst nicht starck gnüg gewest im geyst. Ja so entschul
digt sich gottes geist nicht mein teuffel. Ich ken dich wol.

Es ist auch noch nie der rechte teuffel herauß/ Dan er hat
noch anders was im sin/ das ich lengest wol gerochen hab/
Das kome auch herfür/wan gott wil. Es ist/gott lob/so fern
komē/dz man mein nit sonderlich darff/es seind leüt gnüg/
die solichem geist antwortē künden/on dz ich/weyl ich lebe/
auch mit im spil sein müß. Ich weyß auch wol dz D. Carlstat
disen Brey lengest hat in sein hertzen gekocht vnd nye künde
anrichten/Ich hab auch gewußt/er wurde es nicht vil besser
machen/dan ers gemacht hat/vñ alle seine klüge gedanken
vñ sunst bey sich kwen/Dan es hülff kein kunst/kein witz/
kein dichte/wid gott. Er kans mit einem wort alles zü schan
den machen. Er weiff/das menschen gedanken eytel seind.

Ist nun jeman der so schwach ist/ das er den stoss nit hat
mügen tragen/vñ zweyffelt am Sacrament/der laß im rat
ten/vnd bleibe die weyl on Sacrament/vnnd übe sich sonst
im wort gottes/im glaubē vñ der liebe/lasse die damit umb
geen/die sicher seind im gewissen. Du bist nit verdampt/ob
du on das Sacrament bleybst. Den Papisten aber/die sich
diser ergerniß frewen/sey gesagt/das sye sich fürsehen vnd
nicht ir hertz verstocken/Dan gott hat sich wol mer malen so
nerisch vnd schwach gestelt/als solt sein wort vnd thun vn
dergeen/die gotlosen da mit zü verstocken vñ zü verblenden/
vnd ist doch eben da durch aller sterckest auff gangen/Vnd
die jenigen/so sich an seiner thoheyt vnnd schwachheit ver
stockten vnd verblenten/auffs aller grewlichst umbkomet
wie den Juden geschach durch das kreüz Christi/vnnd den
heyden durch das leyden der marterer.

Weyl aber der teuffel so vnordig vnd wüß eins ins ander
wüß/vñ seine schriffte gleich steet wie D. Carlstats kopff ist/

auffs aller vnordigst vn̄ vngeschickst/ dz auß der massen ver-
driesslich ist zū lesen/ vn̄ schwer zū behalten/ will ich verſichē
ob ich sein vnlust vn̄ giffte/ in ein ordnung m̄g bringen/ vnd
von stück zū stück dauon handeln. Vnd will zū erst den grund
vn̄ meinung/ da hin sich all sein toben lendet/ auß streychen/
da mit der leser ein liecht habe/ disen geist durch vnnd durch
recht anzūsehen vn̄ zū erkennen. Die meynung ist aber dise.

Gott hat vns auß grosser gūte widerumb geben das rein
Euangelion/ den edle theurē schatz vn̄sers heyls. Diser gabe
m̄ß nun volgē auch der glaube vn̄ geyst inwendig in gūtem
gewissen/ Wie er dan̄ verheyßet/ Isa. 55. das sein wort sol mit
vergeblich außgen/ Vnd Ro. 10. Der glaub kompt durch die
predig. Disem Euangelio ist der teuffel seynd / vnd wils nit
leyden/ Vnd weyl er bissher nichts dawider vermocht hat
mit gewalt noch schwert/ greiffet ers nun an mit list (wie er al-
le zeyt gethon hat) vnnd mit falschen propheten. Vnd bitte
dich Christlicher leser/ wöllest darauff sehen/ Ich will dir ob
gott will/ den teuffel auff decken in disen propheten/ das du
in greiffen m̄gest/ Es geschicht doch dir vnd nit mir zū gūt
was ich schreybe/ Vnd die sacht geet also zū.

So nun gott sein heyliges Euangelion hat außlassen gon/
handelt er mit vns auß zweyerley weyß. Ein mal eüsserlich
dz ander mal in̄erlich. Eüsserlich handelt er mit vns durchs
mündlich wort des Euangelij/ vnd durch leypliche zeichen
als da ist/ Tauffe vnd Sacrament. Innerlich handelt er mit
vns durch den heyligen geyst vn̄ glauben sampt andern ga-
ben. Aber das alles/ der massen vnd der ordnung/ dz die eüss-
serlichen stück sollen vn̄ müssen vorgeen. Vnd die innerlichen
hernach vn̄ durch die eüsserliche komen/ also/ dz ers beschlos-
sen hat/ keinem menschen die innerlichen stück zū geben/ on
durch die eüsserlichen stück/ Dan̄ er will nyemandt den geyst
noch glauben geben/ on das eüsserliche wort vnd zeychen/ so
er dazū eingefezet hat/ wie er Lu am. 15. spricht/ Laß sye Mo-
sen vnd die Propheten hören. Da her auch S. Paulus darff
nennen die Tauffe ein bad der newen geburt/ darinnen gott

den heyligen geyst reichlich auß geüßt. Tit. 3. Vnd dz mündelich Euangelion ein göttliche krafft / die da selig mache alle die daran glauben. Roma. am. 1.

Auff diese ordnung hab acht / mein Brüder / da würtz ganz vnd gar anligen / Dañ wiewol sich diser rotten geyst stellet / als hielte er groß von gottes wort vñ geyst / vnd rümet treffliche bunnst der liebe vnd eyffers zür warheit vnd gerechtigkeit gottes / so ist doch das sein meinung / das er disen orden umbkere / vñ einen widersynnischen auffrichte / auß eignem freuel / vnd füret die sach der massen. Erstlich / was gott eüßerlich ordnet züm geyst innerlich / wie gesagt ist / Ach wie hömisch vnd spöttisch schlecht er das in wind / vnd will züuor hineyn in den geyst. Ja spricht er / solt mich ein hand vol wassers von sünden rein machen : Der geyst / der geyst / der geyst muß es inwendig thun / Solt mir brot vñ weyn helffen : Solt das hauchen über das brot Chustum ins Sacrament bingen : Neyn / Neyn / man muß Christus fleysch geystlich essen / Die Witterberger wissen nichts darumb / Sye stelen den glauben auß den büchstaben / Vnd der prechtigen wort vil / das / wer den teüffel nicht kennet / möcht wol meynen / sye hetten fünff heylig geyst bey sich.

Wañ man sye aber fragt / wie kompt man danñ zü dem selbigen hohen geist hineyn : So weysen sye dich nicht auff s eüßerlich Euangelion / sonder ins schlauraffen land / vñ sagen / Stee in der lang weyle / wie ich gestanden bin / so wirst du es auch erfahren / Da würt die hymliche stym komen / vnd gott selbst mit dir reden. Fragstu weiter nach der langen weyl / so wissen sye eben so vil dauon / als D. Carlstat von kriechischer vnd Ebreischer sprach. Sihestu da den teüffel / den seynd göttlicher ordnung : wie er dir mit den worten / geyst / geyst / geyst dz maul auff sperret / vñ doch die weyl / beyde brucken / sieg vñ weg / leyttet / vñ alles umbreißt / da durch der geyst zü dir komen sol / nemlich die eüßerlichen ordnung gottes in der teipliche tauff zeichen vñ mündeliche wort gottes / vñ wil dich leren / nit wie der geist zü dir / sonder / wie du züm geist komen

solt/Das du solt lernen auff den wolcken faren/vñ auff dem
winder eytten/vñ sagen doch nicht/wie oder wann/wo oder
was/sonder solts erfahren selbst/wie sye.

Widerumb / was gott nit ordnet eüsserlich / da lobern sye
heraus / als weren sye vn Sinnig / vnd gleych wie sye einen ey
gen innerlichen geyst erdichten / also richten sye auch eygne
eüsserliche ordnung an / da gott weder von gebortē noch ver
botten hat / als / dz man sol kein / bilder / kirchen / altar haben /
nit Mess nennen / nit Sacrament heissen / oder auff heben /
nit kassel haben / sonder grawe rōck tragen / lieber nachbaur
nennen / gotlose fürsten todtschlahen / kein vnrecht leyden /
vnd vil der eüsserlichen demüt vñ geberden treiben / die sye
selbst erdichten / vñ die gott nit achtet. Wer hie anders thüt /
dan sye / der ist ein zwifeltiger Papist / der hencfet vñ mordet
Christum / vñ müssen schufftgelerten sein. Wer es aber thüt /
der ist schon in den geyst hineyn gesprungen mit stüffeln vnd
mit allem / vñ ist ein geyst gelertter. O treffliche heyligen Frag
stu sye / wer sye solchs heist / So werffen sye die hand dahin /
Ach mein gott sagt mirs / der geyst heysts auch / Ja alle ire
trewme seind eytel gottes wort. Wie dunckt dich vmb die ge
sellen: greyffestu schier / wer diser geyst sey:

Weytter / was gott innerlich ordnet / als den glauben / Das
gilt nichts / faren zū / vnd nöttigen alle eüsserliche wort vnd
schuffte / die auff den innerlichen glauben dringen / auff eine
eüsserliche newe weyß den alten menschen zū tödten / vnd er
dichte alhye / entgröbung / studierung / verwunderung / lang
weyl / vñ des gauckelwercks mer / da nit ein büchstab von in
der schuffte steet. Daher blumbt mein Carlstat hereyn wie ein
saw / die nun die perlen fressen / vñ wie ein hund der dz heylig
thüm verschlunden hat / vñ zerreißt alles was Christus redt
vnd setzt von innerlichem glauben / auff solche eüsserliche er
dichte werck / so gar auch / dz er auß dem abentmal Christi vñ
sein gedechtnüß / vñ auß d erkantnüß Christi nichts anders
macht dan ein mēschlich werck / dz wir mit bünnstiger hitz vñ
(wie ir tölpische wort lautē) mit außgestrecktē lust / sollē auch

also vns tödten. Damit er einen nebel vnd wolcken macht/
das man dise helle wort nicht sehen sol/Da Christus spricht/
Mein blüt würt vergossen für euch zur vergebung der sünd
de. ic. welche on zweyffel allein mit dem glauben gefasset/er
langet vnd behalten werden / vnnnd mit keinem werck. Wie
wir sehen werden/wan wir nun dahin komen.

Jetzt sey so vil gesagt zum anzeigen/dz du wissest/wie dises
geysts art sey/stracks ein verkerte weysß wid gottes ordnung
zü treyben / Das / was gott vom innerlichen glauben vnnnd
geyst ordnet / da machen sye ein menschlich werck auß. Wie
derumb/was gott von eüsserlichen wort vnnnd zeychen vnd
wercken ordnet / da machen sye einen innerlichen geyst auß/
Vnnnd setzen die tödtung des fleyschs form an zü erst für den
glauben/ Ja für dz wort/faren also (wie dan des teuffels art
ist)herausß/wo gott hineyn will/vñ hineyn/wo gott herausß
will. Das ich in nun einen teuffel nenne/ sol sich niemant ver
wundern/ Dan an D. Carlstat ligt mir nichts/ Ich sehe auff
in nicht/sonder auff den/der in besessen hat vnd durch in re
det/Wie S. Panlus spricht/Wir sechten nit mit fleisch vnd
blüt/sonder mit den geistlichen bößwichten in der lufft. ic.

So halt nun du/mein brüder fest/an der ordnung gottes/
Nemlich / das die tödtung des alten menschen / darinnen
man Christus exempel volget/wie Petrus sagt/sol nicht das
erste sein/wie diser teuffel treybet/sonder das letzte/also das
niemant müg sein fleisch tödten / creütz tragen vñ Christus
exempel volgen/er sey dan züvor ein Christen/ vnd hab Chri
stum durch den glauben im hertzen als einen ewigen schatz.
Den selben kriegt man aber nicht durch werck (wie dise Pro
pheten toben) sonder durch hören das Euangelion/ das die
ordnung also gee. Zü erst vor allen wercken vnd dingen höret
man das wort gottes/Darin der geist die welt vmb die sünd
straffe/ Jo. 16. Wan die sünd erkennet ist/höret man von der
gnade Christi/Im selben wort kompt der geyst/vñ gibe den
glaubē/wo vñ welchem er will/Darnach geet an die tödtung
vnnnd das creütz/vnd die werck der liebe. Wer dir ein andere
ordnung

ordnung für schlecht/da zweyffel nicht/es sey der teuffel/wie
difer Carlstater geyst ist/wie du noch Bas sehen solt.

Wolan zur sachen/walts gott.

Auffs erst lieben kinder/wie macht sich der geist so vnnütz
über dem wort vñ namen / Sacrament/ Da hat die saw ein
panzer an. Schand ifts /das man dauon sol handeln / Aber
doch/weyl der geyst so herlich her feret/ Christus vñ die Apo
steln habens nicht so genennet / Er wölle ein wort auß der
Biblia haben/ Gott gibt seinen creaturen namen/ Wir men
schen sollen nit namen geben gödelichen dingen. zu letst würt
er ein Jude vñ heisset es Seckerment / wie die jüden vns Chri
sten spotten vnd heissens Secker Theminit / das heist/ein
falsch gleichnis/Wie wol die Ebreisch sprach zu Naschusen
Seckerment spricht/wie du hie sihest/ vñnd Ment zum bilde
macht. Wa zu dienet nun difer wort pracht: Dazu/dz d tolle
pofel solle maul vñ nasen auff sperre vñ sage/ Trawē/ich mei
ne ja/dz sey etwas/dz ist ein man/der kans/da ist der geyst.

Aber im grund ist das die meinung/wie ich droben sagte/
das solch eüsserlich namen vnd scheyn/dauon gott weder ge
potten noch verpotten hat/ sol das recht hauptstuck sein/da
alle macht anligt/wie er auch mit dem namen Messe vñ Jes
ben droben gethan hat. Wers nun nicht Sacrament heist/
der hat den geyst vñ ist heilig/wer es aber Sacrament heist/
der heist schwarz weyß/vnd verführet die leüt von gott/vnd
der grewliche laster mer. Summa/Er verleügnēt Christum/
Ist das nicht ein verdriesslich ding/von dem freuel geist/der
so groß ding macht/auß dem das nichts ist: Tun wolan du
seelmörder vñnd sündengeist / Wir bekennen / gott hats nit
ein Sacrament genennet/nach gepotten ein Sacrament zu
nennen/Saget mir aber widerum/wa hat ers auch verbot
ten: Zui doch nur ein tittel / Wan dan: Wer hat dan dir die
macht geben zu verpieten/ das gott nit verbeit: Wie bistu
so freuel/das du so grosse sünde machst / da gott keine haben
wil: Bistu nicht der rechte seelmörder/ der sich an gottes stat
setzt über vns/ vñnd nimpt vns vnserē Christliche freyheit/
B

vnd würfft die gewissen vnder sich.

Ja ir nennet es nicht wie Christus vñ die Aposteln. Warumb leügstu so gröblich? Wir heissens auch des Herin abentmal/oder brot vñ kelch des Herin/seintemal wir ja den Apostel. 1. Cor. 11. lesen. Also soltestu vns verklagen du toller geist/Sye gepietens ein Sacrament zü heissen/ vñnd verpietens des Herin abentmal zü heissen. Wan du solchs auff vns kündest bringen/so hette dein bitter giffziger groll etwas an vns eriagt. Nun wirs aber nicht gepietē noch verpieten / sonder mit freiem gewissen ein Sacrament heissen/ so bistu ein verleügnen vñ lesterer Christi/der du on befelch gots auß eigener thurst/solche freyheit vns von gott erworben vñ geben verbeütest/verdampst vñ schendest. Vñ auß deinem eüßerliche namē vñ schein/ein solch nötig/ geystlich groß ding machst.

Soltich meinen Herin Jesum Christum nicht mügen nennen mit ein namē/der nicht in der schrifft stünde? Wie wan ich in hiesse meins hertzē krone / meins hertzen wonne/ mein Rubin / so fer ich mir kein gewissen dran mechte / als müste ich in so vñ nicht anders heysen? Wo steen aber dise namen in der schrifft? Item wan wir solten von der täuße vñ abentmal samplich reden / Wie wolten wir im thun? Es ist kein name in der schrifft/der samplich alle Sacrament oder zeychen begreiffe. Sie müsten wir still schweygē oder nit samplich dauon reden/oder dise propheten vrteylen vns/ als Christus verleügnen. Item es seind vil artickel des glaubens/vil stuck Christlicher lere / vil Capitel in der Bibel. Wie wollen wir im thun? Dise namen/artickel/stuck/Capitel/steen nicht in der Bibel/so thürffen wir nun nit meer sagen von den artickeln des glaubens/von stucken der lere / von Capiteln der Biblia. Ja wie wollen sye selbs thun die himlischen propheten/sye füren ja die Capitel auß d schrifft mit namen: Seind sye nit auch Christus möder/nach irem eigen vrteyl: das sye namen geben götlichen dingen/die nit in der schrifft steen.

Wan narren in der fastnacht so gauckelten / gieng es wol hin. Aber dz solche hohe geister/solche himlische propheten/

in solchen ernstlichen sachen / so kindisch narren / vñ wöllens
dazü so groß machen / als alle Christliche hauptstuck / dz ist je
kein guter geist / Was liechts solt in den köpffen sein / da sol
che greiffliche finsternuß innen ist : Das rede ich darü / das
ich dir den teüffel auffdecke vñ greifflich zeige / wie ich drobē
geredt habe. Darumb sihe nur auff den schalck / wie er eüsser
liche ordnung anricht / die gott nicht gepotten hat / vnd geist
drauß macht / dz er selbst ertichtet. Widerumb die Christliche
freyheit / so wir haben im geist vñ gewissen / zü nicht vnd zü
schanden macht. Lieber / laß dirs nit gering ding sein / Ver
bieten da gott nit verbeit / Christliche freyheit brechen / die
Christus blüt gekostet hat / Die gewissen mit sünden beladen
do keine ist. Wer dz thüt vnd thün darff / der darff auch alles
übel thün / Ja er verleücket schon damit alles was gott ist /
leret vñ thüt / sambt seinem Christo / Das kein wunder ist / ob
er im Sacrament auch schlecht brot vnd wein haben wölle /
vñ noch mer vnglück anrichte / was solt d teüffel güt thün :

Darumb höre zü / mein brüder / Du weißest / dz wir bey der
Christlichen freyheit / als bey ein jeclichen artickel des glau
bens / sollen leyb vñ leben lassen / Vnd alle das thün dz man
da wider verpeüt / vñ alles lassen was man da wider gebeüt
Wie sant Paulus zün Galatern leret. Weyl dan die selbige
Christliche freyheit über disem wörtlin vñ namen / Sacra
ment / not leydet / bistu hynfür schuldig / disen teüffels pro
pheten zü truz vnd wider / das abentmal Christi ein Sacra
ment zü heissen. Vñ wo du bey jnen bist / oder zü inē kompst /
müstu es ein Sacrament heysen / nit dz dirs deins gewissen
halben not sey / sonder dz es not ist die Christliche freyheit zü
Bekennē vñ erhalten / Vnd nicht gestatten / das der teüffel da
ein gepot / verpot / sünde oder gewissen mache / do gott keine
haben wil. Wo du aber solche sünde laffest machē / so ist kein
Christus mer / der sye weg neme. Dan mit solchem gewissen
verleücket man den rechtē Christum d alle sünde weg nimpt.
Darumb sihestu / wie in disen geringen dingen nicht geringe
fahr steet / wan man damit auff die gewissen will.

Gleich als wann dir verpotten wurde fleysch zu essen auff einen fischtag / so müstu es essen. Wann dirs auff einen fleisch tag gebotē würde / müstu es nicht essen. Wann dir die Le verpotten wurde / müstu Zelich werden / oder ja so stellē / als thetstu es gern. Vnnd so fort / Wo man gebot / verbot / sünde / gut werck / gewissen vnd fahr machen will / da gott freyheit haben wil / vnd nichts gebeüt noch verbeüt / müstu ober solcher freyheit fest halten / vn̄ imer das widerspil thun / bis du die freyheit erhaltest. Also wolt Paulus Titum nit lassen beschneyden Galat. 2. da man drauff drang vnd wolts nöttig machen. Vnnd beschneyd doch Timotheum Act. 16. da man in nicht drang. Also magstu hie ein Sacrament oder nit heissen. Wa aber dise propheten drauff dringen vnd verpieten / müstu vnd solt es ein Sacrament heissen.

Auffs ander / da er nun wil beweysen / dz Christus fleysch vnd blüt nicht sey im Sacrament / bekennet er zwar selbst / dz in bewege die predig / so man bis her gesagt hat / nemlich Christus natürlicher leychnam sey so groß / weyt / dick vnd lang im Sacrament / als da er am creüz hieng. Vnd spricht / er könne es nit glauben ꝛc. Das hat in gott gezwungen (wie Caiphaz) von sich selbs zu reden / da mit jederman sehe / das er seine meynung nicht auß der schrifft geholet hat / sonder hineyn getragen / vn̄ willens gewesen sey / mit solchem won zu der schrifft lauffen / vnd die selbige biegen / reissen vn̄ martern auff solchen seinen dunckel / vnd nicht seinen tollē sym biegen oder richten nach gottes wort vnd schrifft.

Nun ist's war / solche rede vnd dunckel / höret der posel vn̄ vernunfft gern / vnd were für war kein not / das sye sich der hymlichen sym vnd so treffliches hohes geists rhümeten. Es ist kein vernunfft so gering / die nicht dazu geneygt sey / vnd lieber glaubte / das schlecht brot vn̄ weyn da were / dan das Christus fleysch vnd blüt da verborgen sey / Man darff da zu keins geists / Ein secklichē ist's leicht zu glauben. Vnd dem tollē posel ist nichts mer hie not / dan das nur einer der ein klein ansehen habe / so küne sey vnd prediges / so hat er

schon schüler gnüg / Es were mir auch leichtlich zu glauben
vñ zu predigen gewesen / das sich D. Carlstat nicht darff hie
grosses verstands oder kunstrümen.

Aber wann man also mit vnserm glauben will vmbgeen /
das wir vnserm dunckel zuvor in die schrifft tragen / vnd dar-
nach die selbige nach vnserm syn lencken / vnd allein darauff
sehen / was dem pofel vñ gemeinen dunckel eben ist / so würt
kein artickel des glaubens bleybē / Dan es ist keiner / der nicht
über vernunfft sey von gott gestellet in der schrifft / Vñ eben
dis ein vrsach ist / die D. Carlstats irthumb veriat / das er so
von dem glauben vñ gots wort redet / dz die vernunfft gern
vñ williglich auffnimpt / die sich sunst wider alle gots wort
vnd artickel des glaubens leynt / vnd darff solchs zu seiner
fürnemesten grund einen von sich schreiben. Also möcht ich
auch sagen / Ich kans nit glauben / das gots sün ein mensch
sey worden / vñ habe sich die maifestet / so hymel vñ erden nit
begreiffet / in einen engē leyb eins weybs beschlossen / vñ dar-
nach sich creüzigē lassen. Vnd wolt darnach alle schrifft vñ
gots wort reissen vnd deüten nach meinem syn / wie der Ma-
nichæus thet. Nun es ist auffs erst gnüg bekennet / das er sein
dunckel habe in die schrifft getragen / vñ nit herauß geholet /
wie er dan auch nicht kan herauß holē. Er hette des grunds
wol mügen schweygen / Aber gott hats so wöllē haben / das
der guckuk müste seinen eigen namen aufsprüffen.

Darnach nimpt er die schrifft für sich da für sich sein haut
fürchtet / vnd will sye besaubern / das sye in nicht hawen sol /
Vnd spricht / der vers 10. Aber weyl er so mumelt im finstern
für furcht / will ich seine meynung ein wenig klärlicher setzē.
Er will also sagen / Vnder den Worten da die Euangelisten
das abentmal beschreyben / Nämlich.

Jesus nam das brot: danckt vñnd
brachs / vnd gabs seinen Jüngern vnd sprach / Nemet hin /
esset / das ist mein leyb / der für eüch gegeben würt / das thüt
zu meinem gedechtnis.

Vnder solchen worten / spricht er / ist das stuch /
Das ist mein leyb für euch gegeben
gantz ein eigen stuch / vñ hanget
nicht an dem das für her geet / **Nemet hin: esset**
sonder ist ein sonderliche rede vñnd meynung / die hin zu ge-
setzt ist / da doch on dasselbige die rede volkomen were.

Summa D. Carlstadt will da mitt so vil sagen / Christus
hette di- **Das ist mein leyb der für euch**
se wort /

gegeben wol möcht aussen lassen im abentmal / vñ were
d3 abetmal gnügsam mit disen wortē ingesetzt.
Jesus nam das brot: dancket vñnd
brachs vñnd gabs seinen jünger vñ
sprach. Nemet hin: esset das thüt zu
meinem gedechtnüs Syntemal / d3 sein leyb
für vns gegeben werde
an vilen andern orton d schrifft vermeldet ist. Er hats aber
zum uberflus hynzü gesetzt / sye zü erinnern / wo von sye sein
gedencken solten. Wie du magst wol dencken / das der trunck
enholz Christus / sich so voll geflossen hat am abent / das er
mit übrigen worten die jünger hat überteübet.

turpe dictu est

Wie dunckt dich? Ist das mit ein toll künner geist / der gott
so frech in seine wort greysst / vñnd herauf zwacket was im ge-
felle: Tun weyl dan dise geyster sich rümen / das sye kein
wort wöllen sagen / sye wöllens mit hellen sprüchen erzwin-
gen / es müsse also sein / wie er dan im selben büch / seinen ar-
men gemiser imer treybt / vñ spricht / zeige grüd / zeige schuffte
du müsts erzwingen / düngen / engsten / vñ treiben / das man
dir nicht entlauffen müge .c. So brauchen wir billich auch
solcher seiner regel vñnd sprechen. Lieber geyst / du sagest hye
zwey stuch / das
erst d3 dis stuch **Das ist mein leyb für euch**

gegeben sey ein sonderlich stuch / vñnd hange nicht an
den andern / Wir bitten dich / mach vns mit

sehenden augen blind / vñnd zeige grund / zeige schrifft / er
zwingt / nötige vns solchs zū bekennen. **Hui doch:** wan dan:
hui vmb gots willen / zeige ein wörtlin das da klärlich sage
oder zwinge / dz diß stück sey ein sonderlichs / so wöllen wirs
glauben. **Wiltu nit:** Wo ist eüwer geyst: **Wo ist ewer gott:**
schlafft er: oder ist er über felt: **Wanne liebe kinder / wie stille**
vñ stumme ist hie der geyst / d so vil bñcher schreibt / vñ doch nit
ein wort zūm grund zeygt / dz diß stück ein sondlich stück sey.

Wolan / so dan der hohe geisterstummet vñd kein anzeyg
ung gibt / so bitten wir vmb gnade / wir müssen den augen
vñd oren trawen / **Wir sehen ja vñd hören / das diß stück nit**
ein sonderlicher zūsatz ist / wie diser geist freuel / sond es steet
mitten vnder andern Worten / vñnd hangt dran so hart / das
nit neher künd dran hangē / **Dan** es folget on mittel dē stück.

Nemet hin vñ esset: das ist mein

leyb: das / wer sye nach einander höret reden / nit mag
dencken / dz ein ander new stück sey / Darumb muß
hiegar ein starcker grund sein / vñd mechtige vsach auß der
schrifft geben werden / sol man beweysen / dz ein new sonder
lich stück sey / vñd hange nicht am vorgehenden. Die selbige
vsach vñ grūd vermütē wir vns tröstlich vñ seind gewiß dz
diser geyst werde auffbringen / wan nun d teüffel gott würt.

Dan wo es ein zūsatz solt sein / müste es nicht mitten in an
dern Worten steen / noch zwischen eyngemenget sein / da er
vom essen redet / sonder solt hernach wan die andern rede all
auß weren / hyn zūgesetzt sein / dz der text nach Carlstädisch
er meinung also stünde.

Nemet hyn vñ esset: das thut zu
meinem gedechtnis: dan ich sage
euch: das hiesitz der leib der für
euch gegeben würt.

ist

So wurde Christus haben geredt/wan er hette wollen ein
nen zusatz/ vnd D. Carlstadts meynung verstanden haben.
Dan er ist nicht so vnberet oder so verwirrets kopffs als D.
Carlstats/wie wol D. Carlstat meinet/wie er eins ins ander
plumpt vnd biewet/on alle ordnung/Christus thue auch so/
Er solts aber zuvor beweysen / Dann das er selber solchen
kopff vnd weyse hat/ist gnügsam beweyset.

Das ander das der geist beweysen sol. Ist/das er spricht/
disß sonderlich stück (Das ist meyn leyb) sey darumb hyn zu
gesetzt/sye zu erinneren vnd lernen / war auff ir gedechtnüß
steen solt ic. Wolan dz ist heraus / der geyst hats gesagt/Wo
ist nun der grund vnd ursach / das Christus darumb habe dz
hinzü gesetzt. Zui Peter von Maschusen zeige dem armen
gempfer ein kleins wörtlin/dinge/zwinde/nötige in/dz ers
muß so bekennen. Dan gempfer höret wol das du es sagest/
Es ist aber ein grosse schand / das dir das hertz so entfelleth/
nun du es beweysen solt/ wo steets geschriben: welche schrifft
sagts:das darumb sey hinzü gesetzt das gedechtnüß zu vn-
derichten: Ich weiß/ das man Christus todt sol bedencken/
Aber das disß stück sey darumb hinzü gesetzt weyß ich nicht/
Syntemal das abentmal on solch stück vollkommen ist/ vnd
ander orter wol gnügsam zeigen/ warumb man Christus ge-
dencken sol. Were ich bey dir gewesen / mein Peter/ich wolt
dir ein andern gempfer haben fürgestellt / der ein solchen
rülzen solt den pflug wol gekeylet haben.

So steet nun dise sache also / Ist D. Carlstadt der man/der
macht hat artickel des glaubens zu stellen/vnd wir im glau-
ben müssen/wan er on schrifft redet / was im träumet / so ist
sein schreiben recht/so ist disß stück heraus zu zwacken/vn hat
ein sonderliche meynung/zü dem ganzen völligen Text hyn
zu gesetzt vnd auffgeflickt/ wie ein muschel auff ein Jacobs
mantel / vnd geet das abentmal nicht an. Ist er aber nit der
man / so sihestu / wie in der teuffel reyt / das er gottes wort/
reyt/setzt/ändert/dehnet/ martert nach sein mütwille/das
ich selbs glaube/ Es sey sein ernst nit / sonder hab sich in die
schanz

*mit luthy
es da abgethen ist
für die. bletten ge
it auch hie her*

schantz ergeben/das er wider nach got noch nach menschen
fragt/Den wie mag ein mensch/on einen sonderlichen teüfel
fürnemen? Das er helle klare wort/Beyde auß den augen vñ
oren/reysen wil/vnd on alle schrifft/reden vnd sezē/wie es
in dückt.Vnd solchē dückel so hoch vffmugen/als sey nichts
bestendigers aufferdē gehört/dz er auch darumb auff die wi
derwertigen/also leßert vñ schmecht/als were er voller teüf
fel/wie seine büchlin außweyßen.

Es gemanet mich solichs seins reysens vnd marterns in
Gottes worten/gerad als ihener/dauon ich ein büch las, da
ich ein iunger Magister war / die dz Vatter vnser also rissen
vnd marterten. Vatter vnser der du bist/im hymel werde ge
heyligt/Dein name zukome/Dein reich geschehe ic. vñ war
wunderlich vnd selzam zerteilt / hatten auch ire vsache dar
auff. Item gleich wie etliche Juden gethon haben Gene. 2.
Got schuff den menschē zū seinem bilde ein mendlin vñ frem
lin/Er schuff sie/vnd meineten/Got hette Adam also gema
cht / das sein einige person zū gleich eins mans vnd weybs
bilde were. Wans solte so zereissen vnd teyle geltē/welch ein
seyne Bibel wölten wir zūrichtē: sonderlich so mans an den
orten thet/da macht an ligt vñ artickel des glaubens gegrün
det seind. An andern orten leg nit so grosse macht daran.

Darum ist das vnser grund/Wa die heylige schrifft etwas
gründet zū glauben/da soll man nicht weichen von den wor
ten/wie sie lautten/noch von ordnungē/wie sie da steet/Es
zwinget dann ein aufgedruckter artickel des glaubens / die
wort anders zū deütten oder zū ordnen / Was wolt sonst die
Bibel werden? Als da der psalter spücht/Got ist mein fels/
Zie steet das wort fels/das einen natürlichē stein sonst heist/
Aber weyl der glaube leret/das Got kein natürlich stein ist/
Zwinget er mich/das ich an dem ort/muß das wort fels/an
derst deütten/dan seyne natürliche deütung gibt. Also auch
Matth. 16. Auff disen fels wil ich meine kirche bawen. Weil
aber hie kein artickel zwingt / das dis stücklin sey abzūson
dern vñ herauf zū zwacken / oder das das brot nit Christus

das got kein nat
lich brot ist

leyb sey / soll man schlecht die wort nemen wie sie lauten / vñ
mit nicht endern / vnd lassen das wort Christus leyb seyn.

Ja spricht mein Peter Kultz / das ein sündlich stuck sey /
beweyset das / Dann es hebt mit ein grossen büchstaben an
nämlich (Das ist mein leyb / ic. Item es stet ein gross punct da
für ic. da bey man pflegt newe stuck anzufahen. Was höre
ich? Ich hatte grund vnd vrsach auß der schrifft gefordert /
so gibstu mir einen punct vñ grossen büchstabē / heyst punct
vnd grosser büchstabe heylige geschrifft zu Naschhusen bey
dem pflüge: So höre ich wol / dz du mir abermal deinen dü
ckel an stat götlicher schrifft gibst / vnd dreck für gold bezalst.
Dann weil dich dunckt / das ein punct vñ grosser büchstabe
mache ein sonderlichs vnd newes / wilt du mich berede / ich
soll on schrifft mich auch so lassen duncken. Vñ es gile nit
dunckens / Schrifft Schrifft Schrifft her / zwingē / dunge /
nötige mich mit gottes wort / das punct vñ grosser büchstab
allzeyt ein newes machen. Wa sagt ein klarer spruch in der
schrifft also / Ein punct vñ grosser büchstabe machen ein
sonderlichs: Hörestu nicht Peter: Peter hörstu nicht?

Ist das nit ein sünd vnd schand von dem geyst / das er so
liche grosse sach will gründen auff solch faule geschwetz / der
doch so greulich tobet / wenn man jm nit schrifft anzeigt. Wie
wenn mein büch keinen punct noch grossen büchstaben hette
vnd dein büch hettes beydes: So hör ich wol / vnser glaub
stünde vff d dinten vnd federn / ja vff dem gütten willen der
schreyber vnd drucker / Ey da stünde er seyn / Wir sagen vñ
wollen auch kurz vmb haben / Es sollen dürre / helle sprüch
vnd text da sein / die mit klarem vñ stand vns zwingē / Got ge
be / es sey mit grossen oder kleinen büchstaben / mit puncten
oder on puncten geschribē / Dan obs gleich bey den mensche
also sich hielte / das punct vnd grosser büchstabē ein newes
machen (wie es doch nit thut) solt darüb in d heyligen schri
fft auch also mein glauben on alle sprüch vñ wort / allein vff
ein onachtigen punct vnd büchstaben steen / d doch nichts
sagt noch singt: So stünde er ia vff ein pelzermel.

Wie wann man in etlichen Büchern (dann sie seind nit alle
gleych) darumb einen grossen büchstaben vnd punct setz/ zu
vermanen/ das da selbst von grossen ding gesagt wirt/ das
sich der leser soll deß bass erinnern vñ darauffmercken: Vnd
nit darumb/ das etwas news da anfahet: Wie seyn stünde
den auff dem zweyffel mein glaube/ der da hette gehalten/ Es
were der punct vnd büchstab darumb da/ das ein neues an
fieng: Wie offte schreibt man den namē Christus mit grossen
büchstaben durch vnd durch: Wie offte streicht man ein liniē
vnder her/ oder malet ein hand oder sonst ein sonderlich zey
chen bey einem text/ da doch nichts neues anfahet. Ist doch
punct vnd büchstab ein menschlich ding vnd werck/ vñnd
stret gar ins menschen gewalt zu machen vñnd setzen wie er
will/ vnd mein D. Carlstat will götlichen glauben vñ wort/
vff solich menschlich vnbestendig ding gründen.

Ach was soll ich sagen: Es ist warlich dē geyst kein ernst.
Man sihet wol/ das eyttel ersuchtding ist/ vñ im nit vil an
glauben vnd Gottes wort gelegen ist. Wee dem glauben/ dē
man also müß stürzen vnd hülffe suchen vnd betteln/ das er
kein wort auß der weyten grossen schrifft mag vffbringen/
so doch alle articel sonst/ so reichlich vnd mechtig seind ge
gründet. Vnd weñ D. Carlstats meynung gleich recht vñnd
war were/ so möcht vnd künd ich doch nit glauben/ weyl er
so alsenget mit puncten vñ büchstaben/ vñ kein wort vffbrin
get/ vnd darnach nit meer thüt/ deñ spricht nein zu vnserm
hellen/ seynen geordneten text/ deñ ich müste doch dencken/
Awe/ es ist gauckel werck/ vnd kein grund da.

Hie wil ich nun angerebt haben alle die sich D. Carlstadts
meynung annehmen/ vnd sage/ D. Carlstats höchster vnd ey
niger grund ist di^{sey ein} **Das ist mein leyb 2c.** ^{sonder}
ser/ das diß stuck/ ^{lich} vnd newer anfang vnd zusatz/ wie gehöret ist/ Wann er
das nicht beweyset vnd erhelt/ so felt all sein ding. Er hat
nichts mer/ dan alles was er von seynem Tuto vnd andern
sachē hernach handelt/ das stet alles darauff/ dz diß stuck ein
C ij

sonderlichs new anfang sey / felt das / vnd bleibet vnser grüß
das diß stück hanget am andern / so hülfte Carlstat weder Ta
to noch tatta / wir haben gewonnen / so dilinget vnd zwinget
solich anhangen mit gewalt / das das brot sey Christus leyb /
Dann so lauten die wort

Nemet hin- esset: das ist mein leyb

Das zwinget mit gewalt / weil es an einander hanget / das
das jenige das er sie essen heysse sey sein leyb . Das sahe auch
D. Carlstat selber wol / darumb müet er sich / das ers von ein
ander teylet vnd reisse / vñ fand doch nichts / dan einen püch
vnd büchstaben / welche doch / wie gehört ist / nit in allen bü
chern steen / Vnd ob sie in allen stunden / nichts gewiß ist / ob
sie darumb da steen / das ein neues anfang / oder vmb des le
sers andacht willen / Vnd diß ist glaublicher denn ihenes .

Der glaub aber soll vnd müß gewiß seyn / vñ nit punct
oder büchstaben sonder helle durre sprüche vñd ganz deut
liche wort auß der schrifft zü sein grund haben . Wolan / da
ligt jr Carlstadter auff ein hauffen / so vil ewer ist / Ewer ges
barw vnd kunst stet auff oumechtigen / vngewissen punct vñ
büchstaben / daruff wage der Belial sein gewissen vnd selig
kcyt / Ich nicht . Darumb lieben herren meine Carlstadter / jr
macht vil bücher / sehet hie her vmb Gottes willen / das jr
not leydet / vnd dencket / das jr diß stück in

Das ist mein leyb

Das beweyset / das ein neuer anfang sey / Da ligt es alles an
da bömet es lieben Brüder / da scheydet / da reysset / da teylet .
Ob ir so vil bücher schribt / als sand am meer ist / Wan ir der
sachen hie nit helffet / so habe ir verloren / Dann wie ich ge
sagt / vnd nach ein mal sage / So lautet der text auff einand .

Nemet hin: esset: Das ist mein leyb

Laset ir das essen am leyb Christi hangen / so ist es erstritten /
das das brot sey der leyb / vnd der leyb sey das sie essen sollē .
Da mügt ir nicht für über / trug euch allen vnd aber trug .

Nun sage mir/ was von dem geyst sey zu haften/ der eine sol
che trefliche sach thar wage/ on alle schrifft vnd wort/ allein
vff einen einigen punct vnd büchstaben: Ist der nit toll vnd
tonicht gnüg: Meynstu auch/ das er ein gewissen hab: Was
solt er nit meer wagen/ wann er raum hette: Welch fromm hertz
wil sich was güts oder redlichs zu im versehen? Wolan/ ich
hab das mein gethan/ Wer darüber irren wil/ der jre jemer
hyn. Vnd wie wol hie mit gnüg geantwort were allen Carls
stats büchern/ Dan weil das bleybt/ das die hostia sey Chri
stus leyb/ so wirt sichs wol selbs leren/ dz er die pfeiffen muß
einziehen/ das er vns so schentlich lefert vnd hundschlager
nennet vnd mit suß vol schmachwort überschüt. Er hat mit
seinen punct vnd büchstaben (welcher sein einiger elend har
nisch ist) wider vns gestrittē/ als wenn einer mit einem zerbro
chenen strohalm vff eine fels rennet. Vnd ist im recht gesche
hen. Warumb bleyb er nicht von seinen propheten?

Doch wollen wir weiter antworten/ die sach dest stercker
zu gründen. Vnd vffs erst/ ob er würde sagen/ Ich sol mei
nen glauben auch be^{hange}
weyssen/ das diß stück **Das ist mein leib** ^{am ne}
hesten darvor/ weil ers leücket vnd seins nit beweyssen kan/
das sie von einander zuscheyden seind. Antworte ich/ Ich
lass sie darumb aneinander steen/ das ichs so finde im text/
wann mans redet/ liset/ vnd höret/ das es aneinander han
ge/ nach natürlicher rede art/ Vnd weiß kein vsache/ war
umb ich solich natürlichen orden vnd anhang der rede solle
oder müge scheyden. Ich find es an einander hangen/ solt
aber zuteylen sein/ das muß mir ja jemant beweyssen. Das ist
mir bewerung gnüg. Gleych als ichs vatter vnser lasse also
steen/ Vater vnser der du bist im hymel ic. darff ich keiner be
werung mer/ dann das die natürliche rede so auff einander
volget/ vnd weyß keyn vsach/ warumb ichs solt also teylen
Vater vnser der du bist/ im hymel werde geheyligt ic. Ist
aber zu teylen/ wil ich die vsach hören vnd trutz bieten. Also
(ist die natürliche rede /

Nemet hin esset: das ist mein leib

ic. das es an einander hange vnd volge/ vnd weiß kein vrsach/ darumb es solt geteylet werden/ Den Carlstats punct vnd büchstab schafft nichts/ So hat er selbs vnd niemand kein andere. Doch hernach wollen wirs auch auß heller geschriefft/ nit mit ein punct oder büchstaben beweyßen zum ußerfluß/ das an einander solle vnd müße hangen. Jetz sey diese bewerung gnüg vff einen trutz wider den teuffel.

Auffs dritte kumpt er mit seiner Kriechischen sprach herfür/ vnd würet sich über dem wort Tuto/ Dan vff Kriechisch lauttē die wort also/ Tuto est to Soma nu. Welchs vñ anfang der Kriechischen sprach hette müssen/ vñ noch müß also vñ dolmetscht werden/ Das ist mein leyb. Vnd lateinisch hoc est corpus meum. Da ist das kriechische ganz vñ gar geben/ das nit vmb ein har felt/ wie das müssen zeügen all die da Kriechisch künden/ On Peter Kütz zu Olemude/ d hatt was neues da fundē/ vñ gibt für/ man müg es nit gnüg verdolmetschen/ sonder wer billich/ man liesse dz Tuto steen/ vñ spreche/ Tuto ist der leyb mein. Was soll ich sage: Ich wolt des affenspils gern lachen/ wañs nit so grosse ernst sachen betrefe. Der eselstoppff will kriechische sprach meystern/ vñ kan noch nit deütsch noch lateynisch recht/ schweyge des kriechischen vnd Kbreischen/ Vnd tritt so vnuerschampt auff/ vor aller welt/ als weren eyttel Peter Kützgen von Talschhusen hie/ die sich vffs Kriechisch nit verstünden.

Nun es ist dem rottengeyst nur darumb züthun/ das er dē tollen pöffel errege vñnd an sich ziehe/ der sunst lust zü selzamen neuen dingen hat/ der soll hie das maul rüffeln vnd sagen/ Ey wie ist D. Carlstat so ein treflich man/ der solchs findet/ das aller welt verborgen ist/ vñ tregt doch einen gravē rock vnd filzhüt für grosser demüt/ vñ wil nicht Doctor/ sonder Tachbaur Andries heysen/ hie wonet Got vnd der heylige geyst mit allen federn vnd eyern. Dann was des pöfels Carlstat züfelt/ thüts freylich nicht darumb/ das sye seynen

grund versteen/welchs ist vnmöglich/Dan er mummelt/Bri
chet vnd würet sich über den worten / vñ kans schleche nit
herausf redē was er wil/Got weret jm vñleicht/oder ist sonst
nicht geschickte deütsche zū reden. Ich weys auch/das ir key
ner sagen kan/was D. Carlstats grund sey wenn er gleich sei
ne bücher alle fresse. Aber darumb fallen sie jm zū/das er gro
ße kunst vnd prechtige wort fürgibt/vnd getröst lestert/vnd
zeygt an/wie es der vernunfft so nerrisch anzusehen ist/das
Christus leyb im Sacrament sol sein. So muß man aber den
pöfel regen vnd äffen/Es ligt nit vil daran/ob er den grüde
nit wisse. Es hat aber nit bestand.

Darüb muß ich zwo arbeyt thun/Die erste/dz ich D. Carl
stats grund vnd meinung klerlicher darlege. Die ander/das
ich darauff antworte. Nun D. Carlstats traum von seim Tu
to helt sich also/Die deütsche/Lateynische vnd Kriechische
en sprachen alle drey/reden von allerley dingen/auff dreyer
ley vnder scheyd/Von etlichen/als vñ mans bilden/vñ nen
nens der/diser/jener/Von etlichen als von weybsbildē vñ
nennens/die/dise ihene/Vonetlichen/als weder von mans
noch von weybsbilden vnd nennens/das dis ihenes.

Also spricht man/der hymel/der mon/der stern/der man
der knab/der hund. Item die sonne/die erde/die luft/die statt
die fraw/die magt/die kü/Item dz wasser/das holtz/das feür
das liecht/das pferd/dz schwein. Aber die Ebreische sprach
hat keyn das/sonder eyttel der vnd die.

Nun sicht Carlstat also. Brot in Kriechischer vnd Latey
nischer sprach ist ein der/vnd nicht ein das/Dan sie sagen/
Der Artos/der panis/Wir deutschen aber sagen/Das brot.
Leib aber ist ein Das in Kriechischer vñ Lateinischer sprach/
Dann sie sagen/Das Soma/Das corpus/Wir deutschen
aber sagen/Der leyb. Weyl dann Christus hie spricht/Tuto
esti to Soma mu/Das ist mein leyb/vnnd spricht nicht/Der
ist mein leyb/so zeyge er ia nicht auffs brot/welchs ein Der
ist im Kriechischen/sonder vff seinen leyb/welchs ein Das
ist im Kriechischen. Versteest du nun was D. Carlstat will:

Das ist sein kriegisch Tuto/welchs vff deütsch/das/ heist
damit wil er/als ein newer krieche/auff der kriegischen spr
chē erstritten haben/das Christus leyb nit sey im sacrament
weil er nit sagt/der ist mein leib/sond/das ist mein leyb/den
es sol vnkriegisch vom brot geredt sein/Das ist mein leyb.

Soliche kunst hat nye kein Kriech ersehen/die doch in der
sprach geborn seind von Christus zeyt her. Aber jetzt ist sie zu
Oleimunde funden/villeicht in ein alten bilde/da sie bilder
stürmeten/oder habens auff der hymnischen stymme. Vnnd
der man der kaum das a be ce im Kriechischen gesehen hat/
gibt nit so vil ere denen die darinnen geborn vnnd erzogen
seind/noch denen/die yez in deütschen vn allen landen köst
lich kriegisch künden/dz sie es auch gefült vnd gemerckt heb
ten in so langer zeyt/so doch nichts leichtlichers zu füle vnd
zu mercken wer gewesen/Dan kein kind ist in deütscher spra
ch/wan jemand vor im vō einer frawē redet also/ Der fraw
ist schön/Das man ist from/es wurd lachē vn sagen/Du bist
ein Tatter oder Zygeyner. Vnd ganz Kriechen land vnd al
le welt/solt nit im Euangelio eben solchs auch gefült habē/
da Christus spricht/Tuto ist mei leib/so doch alle welt weist
dz man mit dē Tuto vffs brot gedeüit hat/vn nach heüts ta
ges deüiten. Wan ein Kriechisch kind höret/das einer sprech
das artos/so solts auch bald lachē/vn hat doch niemand ge
lacht/da alle welt vō artos od brot gsagt hat/Dz ist mei leib.

Vnd diser tölpegeyst/wil noch aller erst alle Kriechen zu
schüle führen. Aber wie ich gesagt hab/styrn/augen/hyrn vn
hertz hat der mensch verloren/das er sich nit schämet noch
fürcht/vn thar alles wagen/wie es ym einfelt. Er weyßt für
war das er nit Kriechisch kan/vnd beweiset auch redlich/
da er das kriegische tuto est i to soma mu/also vōdolmetschet
vff Latinisch/Istud panis est hoc corpus meum/Vnnd vff
deütsch/Tuto ist der leyb mein/macht auß dem artickel/To
ein pronomen/vnd setz panis drein ic. Welcher deütscher
redet aber also/das ist der leyb mein/Tochthar er vff solche
sein vnwissenheit/wissentlich hawen seinen glauben/vn all
welt mit im.

welt mit im. Wan einer vff seinen bewußten vnd erkandten
vnuerstand / thar articke des glaubens gründen vñ die welt
lernen / wie vil mer thürst ers thun vff einen vngewissen won
oder zweyfel? Ja was thürst ein solcher frecher geyst nit wa
gen: Mein hertz erschücket mir im leybe für dem türst vnd fre
uel des menschen in Göttlichen sache / der doch so blöde / flü
chtig vnd verzagt ist gegen menschen vfferden.

Num wir wollen vrsach sagen / Warumb Christus Tuto
oder Das / vnd nicht Der / vom brot saget. In deutscher zun
gen gibts die art der sprache / dz wan wir vff ein ding deut
ten / das für vns ist / so nennen vnd deütten wirs ein / das / es
sey sonst an im selbst ein der / oder die / als wann ich spreche /
Das ist der man dauon ich rede. Das ist die Jüngfraw die ich
meine / Das ist die fraw die es kan / Das ist die magt dye da
sang / Das ist der gesell der mirs saget / Das ist die stadt dye
es thet / Das ist der thurn da er auff ligt / Das ist der fisch den
ich bracht. Hie beruff ich mich vff alle deütsche / ob ich auch
deutsch rede. Es ist ye die rechte mütter sprach / vnd so redet
der gemein man in deutschen landen.

Eben so thüt auch die Kriechische sprach mit irem Tuto
das sie vom brot sagt / wen sie drauff deütet vñ spricht / Das
ist mein leyb der für euch geben wirt / Des beruff ich mich vff
alle die / so Kriechisch künden. Aber die Latinische sprach kan
nit so reden / Dan sie hat kein articke wie Kriechische vñnd
deütsche. Vnd sonderlich eben lautet es vnter meinen Sach
sen / die da tuten vñ tatten / gleich wie die Kriechen / das sie
schir mit den Kriechischen übereinstimmen / Tuto esti to soma
nu / Tut es te lif / Tut es te fruwe / Tut es mein lif. Sonst wa
D. Carlstats traum solt geleē / müste man auch sagen / das es
nit deutsch were gesagt / wan ich spreche / Das ist mein leyb
der für euch geben wirt / Sytemal leyb ein Der ist in deutsch
er zungen / dan so sagen wir / Der leyb ist groß / vnd sprechen
doch / Das ist der leyb der mir gefelt ic. Also auch. Das ist der
leyb d für euch geben wirt. Aber D. Carlstat zeigt hie mit / dz
er schir so vil deutsch kan als kriechisch.

Also wenn ich vff Deütsch wolt im Sacrament reden/ vnd hette ein semlen oder hostien für mir in d hand/ welche doch beyde ein/Die/seynd/spreche ich/das ist die speyse/ vnd nit Die ist die speyse/ also auch/ von der selben semlen oder hostien spricht Christus / Das ist mein leyb ic. Frage du nun dar nach/warumb ich nicht kan sagen/Das man/ vnd sag doch das ist der man. Ich kan nit sagen/das fraw/das magd/dz fiat/das gefelle/vnd müs doch sagen/das ist die fraw/das ist die magd/das ist die statt/das ist der gefell. Ich weiß kein ander vrsach/dan das die art der sprachen so gibt vnd habē wil/wie sie Got geschaffen hat. Also kan kein Kriech sagen das artos/ vnd müs doch sage/dz ist der artos/ also sagt er auch / Das ist mein leyb/ der für euch geben wirt.

Noch eins/ lieber Peter rüßz/ Der Gensler sol versuchen ob er dir künd die oren vffkneüßlen. Du sprichst/ Dein Tuto soll deüten vff den leyb Christi/ vnd nit vffs brot/ da er spricht/ Tuto oder das ist mein leyb. Sag mir doch lieber Peter/wor auff deuttet das ander Tuto / das bald hernach volget: Da Lu.22.vnd Paul.1. Corin.11. sagen vom andern teyl des sacraments also / Desselben gleichen (nam er) den kelch / nach dē sie zū abent gessen hetten vnd sprach / Tuto od diser kelch ist das newe Testament in meinem blüt ic. Hie stet das wort Tuto außgedruckt/ vñ deutet im text vff den kelch den er dar reicht/ vnd nit vff dz blüt Christi/ das da saß. Dan so lautet es vff Kriechisch/ Tuto to potirion hi keni diathiki estin to emati mu. Diser kelch ist das newe Testament in meinē blüt. Sage an/ so das Tuto ia sol vnd müs vff Christum deuten/ vnd deutet doch hie im text außgedruckt vff den kelch/ ob eu wer glaub Christus blüt oder Christum selbs für einen kelch halte oder nenne: Wer es nit ein meinung/ vff das alle ewer ding eytel new ding sey/ jr hießet sein blüt nit ein kelch/ son d einen schüssel korb oder leffel futter:

Hört jrs heri Peter: Wie schwitzet jr so fer: Jhs doch winter vnd hart gefron: wolt jr ein schweistüchlin haben: Wil hie kein grosser büchstab noch punct heiffen: od wil das Ta

wo hie nit ein Das sein/vñ d̄ kelch ein Der: vff das die grāma
tica zū hülff keme/weil der geyst nit kan. Dan̄ kelch ist im krie
chischen auch ein Das/vñ nit ein Der/Tuto potirion. Seyt
jr nit der man/der die stracke warheyt liebt: vñ wie jr rümet
jr seyt halßstarig wider die lugē/aber weich gegen der war
heyt/Wolan seyt nun hie weych/vñ laßt euch sagē/geb̄t der
warheit die ere/vñ bekent/das jr das tuto nit recht angesehē
habt/vñ dz̄ man der zū euch kam/vñ sagts euch/nit sey eu
wer hymlicher vatter/wie jr ligt vñ lestert/sond̄ der leydige
teüffel oder seine müter gewesen/dz̄ er euch das eine tuto bey
dem brot hat gezeygt/vñ das and̄ bey dē kelch lassen faren.

Was wolt jr nun hie wider mucken / Zui alle Carlstadter
vff einen hauffen: Da müst yr erstunnen/vnnd ewer lesters
schriffte vnd lügeumaul straffen/vnd als die offentlich vñ vn
widersprechlich überwunden bekennen/das gleich wie das
tuto bey dem kelch/nit auff den sitzenden Chistum/sond̄ vff
den kelch vnd blüt deutet/den Chistus seinen Jungern dar
reycht vnd trincken heyst/vnd spücht/der selb sey ein new
Testament in seinem blüt / Also müst jr auch bekennen / das
das Tuto bey dem brot deute nit vff Chistus leyb/sond̄ vffs
brot/das er yn reicht vñ essen heyst/ Habt jr dawid̄ etwas
laßt höien. Sibe/ so kan Got die klügen fangen in irer eigen
klügheyt/ Dan̄ dise propheten meyneten mit dem Tuto bey
dem brot/ die ganze welt vmbzükeren / sahen aber nit/ das
das tuto bey dem kelch würde sie augenblicklich in direct̄ tret
ten/das sie nit mer gicken türsten.

Ist das nit ein vnglück über dem man: Die Euangelistē
haben das tuto eben drumb da hyn gesetzt/das sie vffs brot
wolten gewißlich deuten / vnd vffs aller einfältigst redē/vñ
dem yrrhum weren / den D. Carlstat daruff treibt/ Vnnd er
nympt vnnd reyßt es eben zū sich/ sollichen yrrhum damit
zū stercken. Sage mir nun lieber Peter Rülz / Wer hat das
schwerdt nun bey der schneyden / oder wer hat es bey dem
hefte: Ich/ mein du seyst troffen/vnnd der Gemser hat dich
mit dein eigen tuto gestossen/damit du trefflich fechten sūr̄

gabst. Du soltest ia schier mercken/welcher vnder vns beyde
den geyst habe vnd die rechte kunst wisse. Wann ich nun solt
auch mit lasterworten dich bezalen / wie du das hochwirdig
Sacrament den heyligen leyb vnd blüt Chuzi / so greulich
vnd erschrecklich schendest / wa wolt ich wort gnüg nemen:
Dañ deine sünde vnd lestrung ist über alle masse.

Wañ aber gleich D. Carlstat aller dinge mit seim Tuto be
stünde / vnd were wie im trewmet / so hab ich doch diobē be
weyset / das in nichts hülffe / weil er dz nit erfritten hat noch
erstreyten kan / das diß stück (Das ist mein leyb) ein sonderli
chs neues sey vō den andern abgesondert / Das mein armer
rotten geyst / wa er hynauß wil / allē pūsschen zū fern ist / Dañ
wa das stück nit ein sonderlichs ist / sond am andern hangt /
so reyfts hynweg alles was D. Carlstat Tutret oder thattet /
kuckelt oder kackelt / vnd bleibt mit allem trutz fest steen / das
im Sacrament Chustus leyb sey. Wa aber das bleibt / so hat
der heylige geyst macht auch also zū redē / der magd / dz man
Vnd es thūt gar nichts zur sachen / hyndert vnd hilfft auch
nit / ob er sagt / der brot oder das brot. Nicht das er hie so thū
sond weñ er gleich so thette / das doch D. Carlstat damit nitt
gewönne. Es müs alles etwas höhers seyn / daß regule grā
maticae seind / was den glauben sol gründen. Den auch Joan
nes in seim Euangelio Cap. 1. da er vō liecht redet vñ nennet
es ein Das / bald hernach nēnet ers ein Der / vñ spricht / Die
welt kant in nit / spricht nit also / Die welt kant es nit / das D.
Carlstat gar lächerlich hyerinnen feret / nit allein mit seiner
kriechen kunst / sond auch das er aus der gramatica / artickel
des glaubens wil setzē / Sol den mein glaub vff dem Donat
oder Sibel steen / so steet er warlich übel.

Wie vil newer artickel werden wir müssen setzen / weñ wir
die Bibel an allen orten nach den grammatischē regeln wöl
len meystern? Wie oft redet sie contra conuenientiā numeri
generis / personae &c. Ja welche sprach thüts nit? Wir Deut
schen haben Nacht für ein Die / vnd sagen / Die nacht. Den
noch machen wir auch zū weylen ein das drauß / vñ sprechē /

Des nachts / Es ist des nachts still vñ güt schlaffen. D3 mei
D. Carlstat wol hett mügen daheim bleyben mit seiner grā
matica / Vnd hett vns dafür sprüche vnd tert auß der schrifft
fürbracht / wie sichs gepürt / damit er hette überwüden / das
sein Tuto müste vff Christus person / vñ nit vffs brot sich rei
men / Den er wil von vns schufft habē / So wellen wir wid
von jm. Wolan hui / noch frisch vff lieber Peter / Seyg doch
nur ein wörtlin auß der schrifft / Das Tuto vff Christus per
son / nit vffs brot deüte: Wan den: Wir gläuben ewer gram
matica nichts / d grund ist zū sandich vnd vngewis.

So sihest u nun / mein lieber leser / wie die sache steet / über
dise Tuto. D. Carlstat truzt allein damit das er nein dazū
sagt / es deütte nicht vffs brot / vnd sey nit hell vnd gewis ge
nüg / drauff steet er / welchs ist ein lautterer freueler mütwill /
wider die natürliche art vñ folge der sprache / vñ wils bewey
set haben / das es deüte vffs brot. So haben wir / ob wol die
art der rede vns beysteet / noch zum überflüß / beweiset gwal
tiglich auß dem tert / es müsse vffs brot deüte / weil es im an
dern teyl vff den kelch deüte / Damit ist im dz maul gestopft.
So tretten wir nun auch widumb vff vnser nein / vñ södern
das er beweyse / wie dz Tuto vff den leib Christi deüte / wy er
sagt vñ setz / Den wer da setz / der müß sein ia beweisen wid
den so nein sagt. Truz truz / er bünge auch einen tert für sein
ia / wie wir für vnser ia bracht habē. Den das er zū vnserm ia
nein sagt / welchs doch die art der rede nit leydet / vñ vff vn
ser nein ia sagt / ist nichts / Er sol vnser nein mit hellē spruch
aus dē tert straffen / vñ sein ia bestetigen / gleich wie wir sein
nein mit hellem spruch im tert gestrafft / vñ vnser ia bestetigt
habē. Wan er vns dē truz legt / so sol er gewönnen habē. Wir
bittē aber / dz er vns gnedig hie sey vñ vseng vns dy rubē nit.

Aber es geet wie ich gesagt hab / Es ist dē geyst kein ernst
in der grossen sachen / Der teüffel treibe nur sein spil vñ spott
drauß. Wolan so wil ich D. Carlstat mit seiner kriecherey dē
Kriechisch vstendigen befehlē / dz sy im den künzel vreyben /
vnd pütschen in recht wol / dz er ein and. mal nit ee kriechisch

fürgebe/er künde es dan züvor. Ich wil mit der schuffte gegē
im handlen/ vnd schuffte vō im dargelegt haben/Wan er dz
ehüt/so sol er mit seim Tutor ritter wordē sein. Ich hoff aber
wir wöllen züm wenigsten ja dise fastnacht für im sicher blei
ben/in des hilffte gott weyter. Das sey von dem lieben Tuto
geredt/darauff die grossen himlischen propheten so truzlich
gepocht haben.

Weyter wöllen wir den tert für vns nemen vnd sehē/wie
sein sichs doch reymē würde/wan dis stuck (Dz ist mein leib)
solt ein sonderlichs sein/vnd vff Christus person deüten/nit
auffs brot/Dan weyl Christus das brot in die hand nimpt/
dancft vnd brichts/gibts seinē Jüngern vñ spricht. Nemet
hyn vñ esset/vñ flur drauff sagt/on alle mittel/Das ist mein
leib/zwingt die art vnd natürlische folge der wort/das er vō
dem brot sage/das er in die hand nam vnd gabs vñ hießes
essen/anders habens die Jünger nicht mögen versteen/vñ
künd auch noch niemāt anders versteen wer es vō im hōite.
Den ir augen haben ja müssen sehen auff seine hende/wie er
dz brot nimpt/bricht/gibt vnd darreychet/vñ ire o:en müße
ja die wort hören/die er über dem darreychen vnd in dem ge
ben spricht. Nun spricht er ja kein ander wort in dē darreychē
dan dise/Das ist mein leib ꝛc.

Solets nun nicht sein leib sein/das er darreycht vnd essen
heißt/wan er spricht/Eset/das ist mein leib/so hett er sie ge
teuscht vnd mit wortē generet. Wie solts lautē/wan ich einē
einen grawen rock gebe vñ spreche/Nim hyn/zeuch an/das
ist mein mardern sammete schauben ꝛc. vnd deütet die wort
auff mein kleyd das ich an hette: Were das nicht generet vñ
geteuscht: so ich nach dē ich hett gesagt/nim hyn/zeuch an/
on alle mittel drauff folget vñ spreche/Das ist mein mardern
schauben: Es müßen ja ander wort dazwischē fallen/die in
vō grawē rock/dē ich im reychte vñ anziehē hießē/auff mein
schaube fürten/auff disen wortē were es im vnmüglich züuer
steen. Also wie lautet es/wan ich einē ein stuck brots gebe vñ
spreche/nim hin vñ is/vñ in dise darreychē vñ heisse esse/flur
drauff folgte vñ sprech/Dz ist ein pfūd golds in meiner taschē.

Es muß warlich hie nicht ein tuto od er tatta noch punct
noch büchſtaben dazwiſchen kōmen/die einen vnder ſich idli
chen vnd newen verſtandte anſehen/es laut zügewaltig auff
einander. Es müſſen außgedruckte ſtracke wort dazwiſchen
kommen/die es vnderſcheyden./Nemlich alſo./Nim hyn vñ
iß/dañ ich hab/od da iſt noch ein pfūd goltz in miner taſchē.
Alſo auch./Nim hin züch an/hie hab ich noch/od da iſt noch
ein mardern ſchauben. Alſo hett Chriſtus hie auch müſſen ſa
gen./Nemet hyn/effet/dañ ich ſag euch/dz hie ſitz mein leib
der für euch gebē würt./ſunſt wer es extel ſpot vñ ſophiſtiſch
geweſen. Als wañ einer anderē ein trüef reyhet/vñ ſpreche/
Nemet hyn/trinckte/hie ſitz ich Hans mit den rotē hoſen/od
alſo./Nemet hyn/trinckte./Der Türck hat dē Soldan geſchla
gen/od füret ſunſt deßgleichen einen frembdē boſſen herein/
d ſich gar nichts aufs trincken reymete. Ebē ſo lautets/wañ
Chriſtus ſpricht./Nemet hyn/effet/das iſt mein leib für euch
geben./Wañs ſolt ein ſunderlich newer anfang ſein.

Wañ er ſolchs wort nicht hett geredt/gleich vnd eben/in
vnd über dē darreychē/ſonder ein wenig zū vor od hernach/
ſo hett es einen ſchein. Aber nun er gleich in dē da ers gibt vñ
darreycht vñ eſſen heyſt/ſpricht./Das iſt mein leib/vermag
kein menſch auß art der ſprachē/andrs verſtehen/dañ das ſein
leib ſey/das er darreycht vnd eſſen heyſt/od müſſen hynfür
ter zulaffen/das niemāt gewiſſ ſey/was einer mit dē andern
redet. Dañ ſo man diſe helle vñ dürre rede wil ſo züreyſſen/ſo
ſol niemant meer mit mir reden/ich wils anders deütē/oder
müß ſorgen das ers anders deütē. Was were Chriſtū not an
gangen/das er ſolch wort ſo eben ſolt über dē darreychen vñ
da er heyſt eſſen/ſagen/ſo er wol ander zeyt darzū hett/vnd
wol wüſte/das ſie es mit andrs möchtē verſtehen/dañ vō brot
das er jnen darreycht vnd eſſen hieß.

Darum̄ es nit war iſt/da D. Carlſtat ſagt./Er hats drüb
hynzū geſetzt/ſie zülernen/warauff das gedechtnis ſtehen ſolt.
Das ſagt er mit gewalt auß ſeim eygen kopff/vnd kans we
der mit ſchriſtē noch ſunſt beweifen. Das heyſt nicht leren/

*et ſich habet nam
dixisset ante qua
dixit eis requirit
remediſſet p adu*

so zur vnzeyt/tückisch vñ kurz die rede abbrechen/vñ vnuer
sehens vñ vnuerwarnt vff ein anders fallen/ eben im darrei
chen eins andern dings/da er nit vß redet. Es heist vil mer
vtruncfelt/betrogē vñ geteuschet. Leren muß einfeltiglich klär
lich zügeen/vnd eben zeygen dz/daus man leret/vnd nit ein
anders gebē od zeygen/vnd zü gleych ein anders lerē od nen
nen. Es ist nit seyn gelert/wen ich dir weiß zeyge/vnnd lere
dich vom schwarzen/oder zeyge dir den teuffel vñ lere dich
von Got. Büben vnd bößwicht oder spotter vnd scherzer
thünd also/die entweder verfüren/oder ein leckerey anrich
ten wöllen. Ein from man dem es ernst ist/thut nicht so.

Auch was were es von nöten gewest/das Christus zwey
mal vff sich weyset: ein mal vff den leyb/das ander mal vff
das blüt. Es were gnüg gewesen/das er hette gesagt/ Ich
bys/oder/das ist mein leyb davon die Propheten gsagt ha
ben/das er für euch geben solt werden: wie D. Carlstat will.
Nun aber schickt sich alles züm essen vnd trincken/serzts bei
derley. Er nimpt etwas hertlichs dz d speyse enlich ist/näm
lich seinen leyb/vñ etwas weylichs/das dē tranck enlich
ist/nämlich sein blüt. Was wer im das von nöten gewesen?
Er hett eben so mer ein anders genomē/dz d speyse vñ trāck
nit so enlich were. Den wie gesagt/Er hett wol mügen schle
chte sagen/ Ich bin d mensch der für euch gebē ist/darin keine
ggestalt eins esselichen vñ trinckliche dings wer gewesen.

Nun er aber alle beydes gibt/im brot eins dz esseliche dig
gleich/vñ im wein eins das trinckerliche ding gleich ist/vnd
thut das zü keiner zeyt/den über tisch vnd dē essen/Vñ dazü
eben in dē augenblick da ers darreicht vnd essen vñ trincken
heyst/mag nymer mer kein gewissen sicher sein/das solchs
laugnet. Vnd ich weyß fürwar/dz auch D. Carlstats gewis
sen selbst hie zappelt vñ vngewiß ist/als dz soliche püffe nit
vderwen kan/wer er noch so vstockt vñ vblent. Den Christus
hets wol zur andn zeyt mügen leren/vñ nit sparē bis sy essen
vñ trunckē/vnd bis er darreicht vñ hiesse essen vñ trincken.

Item was bedeuert das: da er das brot geben vnd gesagt
hatte

das ist erlogen

hatte/ Das ist mein leyb ic. fahet er ein newes mit dem kelch
an/vñ gibt aber mal den weyn vñ spricht/ Das ist mein blüt
Wen das ein newer anfang were/ da er spricht/ Das ist mein
leyb/ vñ wolte damit gelert haben/ waruff die gedechtnis
steen solte/ solte ers nit also gestucket/ vñ vñ einander getey
let/ sond leyb vñ hüt flür aneinander geknüpfft vñ also ge
sagt habē/ Das ist mein leyb vñ mein blüt/ das für euch ge
geben vñ vñ gossen wirt/ so wer die lere seyn vñ gerad volbra
cht gwesen. Nū ers aber scheydet/ vñ eins vff dē essen behelt
vñ das and vffs trincken spart / vñ setzt so vil wort zwischē
beyde/ nemlich. (Des gleichen nam er den kelch/ danckt vñ
gab in den vñ sprach/ trinckt alle darauff) mag man ja wol
greiffen/ Das es umb das essen vñ trinckē dem **3. Text**
zū thun ist/ das er spricht/ Das ist mein leyb/ dz ist mein blüt.

Ja sihe/ wie feyn sich diser geyst in seiner klügheit bethüt.
Er gibt für/ dis stück (Dz ist mein leyb d für euch geben wirt)
gehöre nit zū dē/ dz hart vorher get/ nēlich (Nemet hin esset)
sonder soll ein eigens news ding sein für sich selbs/ vñ bekent
net doch/ muß auch bekennen/ das dis letzte stück (das thüt
zū meinem gedechtnis) gehöre zū dem ersten/ als (nemet hin
esset.) Ist das nun nit ein mütwilliger freuel/ wen in einer re
de/ drey stück nach einand volgen vñ an einand hangē/ Das
jemand thar sagen/ Das erst vñ lest gehōn zū samen / Aber
das and vñ mittelst gehōre zū der keinē. sond sey ein sonder
lichs: vñ thüt das on grund der schrifft/ auß eignem kopff.
Wie mag die vernüfft das leydē/ das dz dritte oder letzte sol
le hangen am ersten/ vñ das ander das mittē zwischen den
beydē stet/ solle zū d beyd keynem gehōren.

Das were eben als wen ich in diser rede (Jesus sprach zū
seynen jungern/ hüt euch vor den falschen Propheten/ die zū
euch kōmen in schaffs kleydern) wolt sagē/ das das mittelst
stück (hüt euch vor den falschen Prophetē) nit gehōrt zū dē er
sten noch zū dē letzten stück/ sond wer ein new eygen ding für
sich/ Das diser text nun solte also lautē/ Ihesus sprach zū sey
nen jungern/ Die zū euch kōmen in schaffs kleydern/ Dan ic

Ⓝ

solte euch hüten vor falschen propheten. Ein frecher müttwill
möcht wol so sagē. Aber niemand ist so toll, d̄ im solichs glau
be. Eben solichs ist̄s / d̄z diser frecher geyst an disem ort tobt
Da er sihet / das dis̄ stuck (Das ist̄ mein leyb ic) on alle mittel
volgt dē ersten / also / das auch nit ein / vñ / dazwischē stet / vñ
dazū zwischē zweyen stuckē geret wirt / die doch zūsamē hōrē.

Das aber D. Carlstat sich hie flickt mit einer glos̄ / vñ sprū
cht / Es sey also vil gesagt / als̄ hett Christus wölln sagē / Lie
ben Jünger / jr habt gehōrt / das die propheten verkündigen
von ein leyb / d̄ für die sünd sol geben werdē / so sag ich euch
Das dis̄ ist̄ d̄ selbig leyb ic. Antwort ich vffs erst / Wer hats
gesagt / Wer hat jm befolhen solche glos̄ hie her zū setzē / Wie
werden wir gewis̄ / das dise glose vñ zūsatz recht sey / Wa ist̄
hie geschriefft vnd grund / Wa erzwingt solichs d̄ tert / Ja wa
zeygt ers mit einer einigen syllaben / Carlstat sagts / Ist das
gnüg / so sey es vil mer gnüg / das ich anders sage / der ich dē
hellen tert vñ natur der sprach für mich habe. War Christus
nit so klüg als̄ D. Carlstat / d̄z er solichs hette selbs hynzū ge
setzt / weyl es so hoch von nöten war / d̄z solche meynung hie
v̄standen werdē / Wa sind hie die hohen propheten / die auch
das abentmal nit ein sacrament nennen / sonder einen namē
auß der Bibel haben wöllē / Item das wörtlin / *Enim* / wōllē
len sie nit leyden. Sag du nun mir / Ein wörtlin oder namē
(da keyne faar ist̄) hynzū setzen / das schreyen sie auß für d̄z al
ler höchst laster / Aber das sie solch ein groß geschwetz vñ
glose hynzū setzen / die es alles v̄derbt / das heyst ablas̄. Si
heft du abermal den teuffel da / der auß dem das nichts vnd
frey ist̄ / alle not macht / vñ auß dē wort gottes / da alle macht
anligt / niches macht. Das ist̄ sein art durch vñ durch.

Lieber Got / wañ wir gleich helle vnd gewisse sprūch der
schriefft vor vns haben / ist̄ danuoch mit vñ arbeyt / das wir
vor dem teuffel bleyben / Vñ diser lügengeyst wil vns vff sei
ne eygne wort führen / das wir keinen andern behülff sollē ha
ben / dan̄ das wir sagē / D. Carlstat hats gesagt. Ach wie sein
soltē wir da bestē / Das heyst meyne ich / die leütte auff

Christum führen: Ja zum teuffel in hellen grund hineyn. Ich wil aber seinen radt melden/ Er dacht wol d̄ schalcks geyst/ Sie werden mich mit disen hellen sprüchē angreifen / was wil ich thun: ich will zuvor komē / vnd die selben mit glosen matt vnd stumpff machē. Er sahe aber nit der tolle narz/ das matt vñ stumpff machen mit eigener glos/ on schrifft/ nichts thet/ dan̄ das er nur dest scherpffer wurde. Dan̄ weil man si het/ das er kein schrifft für sich bringet/ vñ allein mit eygner er dichter glos heraus feret/ das er selbst hat müssen fülen/ der text sey im zu mechtig vnd zu hell gewesen. Das also seyn leuckē wol so gut ist/ als ein zweyfeltig bekennen/ vñ sein flicke wol so böß ist/ als zwen risse. Es flicke sich nit also lieber lügengeyst/ du müst schrifft vnd text führen.

Vffs ander/ Ich möcht auch gerne hörē einē text auß den propheten/ die von ein leyb vñ blüt verkündigen/ d̄ für die sünd sol geben werden/ wie diser lügengeyst allfanzet. Sie sagen wol von der ganzen person/ das sie leyden soll/ aber vō leyb vñ blüt nit. Weil den̄ hie Christus klärlich leyb vñ blüt nennet/ vñ damit vff die propheten weyset/ wie d̄ geyst sagt solt ja das wort/ leyb vñ blüt in den propheten mit Christo über eins stymen vnd etwa an ein ort funden werden/ Vff d̄ er die junger recht erinnert vñ sie in v̄sten möchten. Zui du lügengeyst/ d̄ du kein wort leydest/ das man zu Gots Worten seze/ weyse vns/ wa die propheten vō ein leib oder blüt sagē. Wa habens die Junger gehört in einigē propheten: Sihstu abermal/ das eytelersucht vñ erdicht ding vnd zusatz ist mit dem geyst: Der ganz Christus solt leyden/ aber über tisch teilet ers also/ das er den leyb zu essen/ vñ d̄ blut zu trinckē gibt. Welche teylung nicht not war nach sein kund im leyden. Darumb haben auch die propheten vom leyden/ vnd nicht von diser teylung oder abentmal gesagt.

Auffs dritte. Wann auch solcher grosser zusatz solte da zu machen sein/ wie will sich daruff reymen/ das bald hernach volget/ Das thut zu meynem gedechtnuß: Welichs auffs essen/ da er spricht/ Nemet hyn esset/ sich reymen soll. Soll d̄

zuruck springen über so vil wort vnd lange predig/das es kō
me zu dem da zu es gehört: Weliche sprach hat solche weyse
oder art zu reden/das sie zwischen zweyen Worten die an ein
ander gehōren/ ein solchē hauffen wort vñ solche ein predige
einwerffe: Müß man doch greiffen/das ein mütwilliger fre
uel sey. Doch wie gesagt ist/ er sols beweyßen/ des wöllē wir

Das sey geantwort vff die grund vñ vrsachē/ (warten.
so D. Carlstat fūrt für seinen traum/auf d̄ schrift/Wellicher
sind drey gewesen / Der erst / Das ein grosser b̄uchstabe da
stünd in etlichen b̄uchern/nit in allē. Der and̄ / das ein p̄uct
da war. Der dritte war das liebe Tuto. O heylige treffliche
gründe/weliche niemandt fūren solten on soliche hymliche
propheten die Gottes stym hōren. Die vierdte ist/das er nit
ein einigen spruch auß d̄ schrift kan für sich bringen / vnd di
ser grund ist der aller sterckste/der will wol bleyben ewiglich/
Ich wil in auch nit umbstossen/sonder helffen stercken. In
fūrter leret er vns / was fraw hulde die natürliche vernunft
zu disen sachen sagt/gerade als wusten wyr nit/das die ver
nunft des teuffels hūre ist/vñ nichts kan den lestern vñ schē
den alles was got redt vñ thūt. Aber ee wir der selben erzū
ren vnd teuffels braut antworten/Wöllē wir zūvor vnsern
glauben beweyßen/ vnd nit grosse b̄uchstaben noch punctē/
oder tuto tato/sund durie helle spruch darlegen/die d̄ teuffel
nit sol umbstossen.

Auffs erste/kan ja niemand leucken/das die drey Euange
listen/Matheus/Marcus/Lucas/auch Paulus darzu 1. Cor
11. da sie vom ersten teyl des sacramēts eintrechtiglich schrey
ben/auch fast mit einerley wortē. Das Christus hab das brot
genommen/gedanckt/gebroschen vnd seinen Jungern geben/
vnd gesagt/Komet hin vñ esset/das ist mein leyb d̄ für euch
gegeben wirt/ Haben sie ia wöllē von einerley ding reden/
Das/wa von man des Euangelisten Mathei rede verstet /
an disem ort/dauon müß man auch vñten des Euangelisten
Marci/Luce/vnd Paulus rede / Ist den nit gewißlich also:
Truz d̄ anders sag. So ist nun gewiß/dz aller vier meinūg

ist/ Christus hab die Junger hie nit tangen od pfeiffen/sond
essen heysen/nach laut d wort/ Nemet hin/ esset/ dz ist mein
Wolan/ so wirt man auch vnwidersprechlich (leyb ic.
müssen bekennen/ das die selbigē viere/ da sy vom andn teyl
des sacraments schreyben/ auch einerley meinung sein/ vñ ge
leych alle viere vñ einerley sachen haben wollen reden/ an dē
ort. Trutz der hie auch anders sagen künde. So muß nun das
da Matheus sagt (Das ist das blüt des newen Testaments/
das für vile ygossen wirt/ zür vergebüg d sünden) eben das
selb sein vnd so vil wollen/ als da Marcus sagt/ Das ist das
blüt des newen Testaments/ das für vil ygossen wirt. Item
also auch da Lucas vñ Paulus sagen/ Das ist d kelch das ne
we Testament in meinem blüt das für euch vergossen wirt/
Muß eben das selbig sein vnd wollen/ das Matheus vñ
Marcus mit disen worten wollen/ Das ist mein blüt für vile
ygossen. Wer kan hie doch jmer anders sagen oder dencken?
Weyl dan Lucas vñ Paulus mit den wortē/ Das ist d kelch/
nit deutten vff den sichtbaren leyb od vff das sichtbare blüt
Christi/sond vff den sichtbarliche kelch/ wie die wort mit al
lem gwalt erzwingen/ vnd hell da steen vñ sagen/ Das ist d
kelch. Christus leyb aber oder blüt/ ist weder kelch noch krüg
noch schüssel noch teller/ So müssen wir auch sagen/ dz Ma
theus vñ Marcus eben von dem selben sichtbarē kelch redē/
vnd nit vñ sichtbaren blüt Christi/ da sie sagē/ Das ist mein
blüt. Das also das wortlin/ das/ Bey allen Euangelisten sich
nirgent wil nach mag lassen hyn deutten od ziehen/ on alleyn
vff dz das Christus darreicht/ nämlich den kelch oder träck
vnd sie trincken heysit/ oder werden müssen sagē/ das die E
uangelisten mit einerley gemeynet/ noch von einerley sachen
geschriben haben/ im andern teyl des sacraments.

Damit haben wir vff diß mal gnüg/ dz wie d oben gsagt
ist/ Carlstats tutten vñ tatten verlorn ist/ vnd bleybe vestig/
lich steen/ das die Euangelisten vñ Paulus nit vom sichtba
ren blüt Christi reden/ sonder vñ kelch oder weyn müssen zü
verstehen sein/ da sie sagen/ Das ist mein blüt des newē Testa

ments. Item das ist der kelch das newe Testament in meinē blüt. Wa wir aber das erhalten haben/das im sacrament dz blüt Christi sey warhafftig/wie dise wort erzwingē. So muß das auch zū gleich fest bleyben/das im andern teyl des sacraments auch der leyb Christi warhafftig sey. Vnd ligt also er nider/alles was D. Carlstat da wid sagt/vñ findet sich/das nichts deñ sein eigen traum ist/den er ganz vnfürsichtiglich hat in die schrifft treybē wöllē/vñ muß sta foris heysen.

Das er nun vil spöttischer vñ hōnischer wort daher lefert wie man mäg Christū ins Brot vnd weyn bringen/ob er müß se vnß vffspeiffen wen wir wöllē/vñ d̄ gleichē vil schentlich er lesterwort/sihet man wol/dz es wort sind eins leichtfertigen geysts od teuffels/die dazū dienē/dz man den losen pōffel errege/vñ die ihenigen reytze/den nit vil am glaubē vñ gewissen gelegen ist. Wa aber güte hertzen sind/die nach dē gewissen vnd glauben fragen/die lassen in warlich mit solchen scherz vnd schimpffworten vñ lestern/nit benügen/sie wöllē Gottes wort haben/Vnd sprechē also/Was ligt mir an Carlstats trewmē/spotten od lestern Ich sihe die dürre/helle/gwaltige wort gottes/die mich zwingen zū bekennē/das Christus leyb vñ blüt im sacrament sey. Da solt man vffantworten/vñ spottē dy weyl lassen. Wie Christus ins sacramēt bracht werde/oder vnß muß vffspeiffen/weiß ich nit/Das weiß ich aber wol/das gottes wort nit liegē kan/welchs da sagt/Es sey Christus leyb vnd blüt im Sacrament.

Ich wil hienach nit antworten/vff die Sophistische vñ arme glöflin/die hie D. Carlstat über dē kelche flicke vñ lapset/O es muß baß beyssen/was disem tert sol woz abbrechē/Carlstats wort thünt nit/sie seind Carlstadisch vnd nichts mer. Aber hernach wil ich seine sophisterey anzeygen/ Jetz sey gnüg/das es krefftiglich beweyset ist/wie die Euangelisten vnd Paulus mit den worten/Das ist mein leyb/Das ist mein blüt/Das ist d̄ kelch/nit vff den sichtbaren leyb noch blüt Christi deutet/wie Carlstat trawmet/sond vff dz das er den jungern darreicht vnd essen vñ trincken heist. Das stück

lin haben wir so erobert vñ gewonnē/das weß Carlstat noch
alle teuffel mit aller Sophisterey mügē vn̄bstossen/dz weiß
ich fürwar. Aber es ist des geysts art/wie ich gsagt hab/An
eüsserlichen wort gottes vnd zeichen ligt jm nichts/dz greift
er frisch an/vnd machts damit wie er will/vñ sagt vns dar
nach einen eigen tand auß seinem kopfferdicht/on alle grūd
der schuffte/dz muß den d̄ rechte geyst heysen.

Vffs and haben wir über dise vier gwaltige sprüch noch
einen andern 1. Cor. 10. 8 lautet also/ Der kelch der benedeyung
welchen wir benedeyen/ Ist d̄ nit die gemeinschaft des bluts
Christi: Das brot/dz wir brechen/ist das nit die gemeinschaft
des leybs Christi: Das ist ja/meine ich/ein spruch/ja ein don
nerarst vff D. Carlstats kopff/vñ aller seiner rotten. Der spru
ch ist auch die lebendig arzney gewesen meines hertzens in
meiner anfechtung über disem sacrament. Vñ weñ wir kein
spruch mer hetten dan̄ disen/künden wir doch damit alle ge
wissen gnügsam sterckē/vñ alle widersechter mechtiglich ge
nugsam schlahē. O wie hat D. Carlstat den spruch gefürcht:
vñ sieng an ein groß starek gwelb über sich zubawen/wid̄ di
se donerarst. Aber da er nach steyn vñ kalck greiff/ergreyffer
spinnweb vñ ainē/wie wir hören werden/wañ wir vff die zar
te glos̄ seins geystreichē vñ schuffelosen kopffs komē werdē.

Merck aber hie zūm erstē/ Das Paulus nit tuttet nach tat
tet/nit groß od̄ klein buchstaben fūrgibt/sond̄ hell herauf sa
get/ Das brot dz wir brechē. Vñ sonderlich spriche er/Dz wir
brechen/nit allein das Christus im abentmol brochē hat/vff
das hie mit D. Carlstats lügen im dreeck lige/da er fūrgibt/
Wen̄ gleich Christus im abentmal hette seinen leyb vñ blūt
zur speyse geben/wurd̄ drüb nit folgen/das es auch die Chri
sten hernach od̄ wir thūn mügē/Daruff antworten wir mit
disem spruch/ Das brot dz wir brechē/ Wir/Wir/Wir/Wer
sind dise wir? Ich hoff D. Carlstat wirt noch etwa in kriechi
scher sprach ein and̄ tuto finden/dz vns lere das/Wir/heisse
so vil als Christus selbs alleyne/vñ wirt darnach sein Peter
Külz rümen/die kriechische sprach leyde es nit anders.

Das fūrgeben rardt

Merck zū andern / das Paulus ia redet vñ Brot im Sa-
crament / welchs Christus brach / vñ hernachmals die Apo-
steln auch brachen. Welchs brechē nit anders ist den stuck ma-
chen oder auß teylen / vñ Ebreische weyse Isaie .58. Brich
den hungerigen dein Brot. Tren. 4. Die jungen hysesche Brot /
vñ niemant brachs in ic. Vñ das wir hie nit abermal von
den rotten geystern gescholten werden / als Christus vñreher
das wirs nit mit fingern Brocken od brechē / sonder vil parti-
ckel vñ hostien nemen / den das heissen sie brechen / vñ habē
nit gnüg dran / das es sunst zū stuckē gemacht wirt / es gesche-
he mit hand / messer oder wie es wölle / wie es in Ebreischer
weyse gebrochen heyst. Auch vergiß nit / das ers nit gestalt
des Brots heyst wie die Papisten / sonder frisch vñ schlecht
Brot / das wir wissen / wie wir auch vñ diser seyten nit sündi-
gen / so wirs Brot heysen vñ halten / nach S. Paulus weyse
welchs die Papisten ein Ketzerey machen.

Merck zū dritten mal / das er hell vñ klar herauß sagt /
Dasselbige Brot welchs wir brechē / ist die gemeinschaft des
leybs Christi. Hörstu mein lieber Brüd : Das gebrochen oder
mit stucken außgeteylet Brot / ist die gemeinschaft des leybs
Christi / Es ist / Es ist / Es ist (sagt er) die gemeinschaft des
leybs Christi / Was ist die gemeinschaft aber des leybs Chri-
sti / Es mag nit anders sein / den dz die jenigen / so das gebro-
chen Brot / ein jeglicher sein stuck nemen / in dē selben den leyb
Christi nemen. Das dise gemeinschaft sey so vil / als teylhaf-
tig sein / das den gemeinen leyb Christi / ein jeglicher mit dem
andern empfahet / wie er daselbst sagt. Wir seind alle ein leyb
die wir eins Brots teylhaftig seynd. Daher es auch von als-
ters her Communio heyst / das ist / gemeinschaft.

Hie übersicht nun meysterlich D. Carlstat / vñ wole gern
disen spruch auch zūuo: stumpff vñ matt machē / Das niemā
solt merckē / wie er troffen damit sey / vñ braucht seins geysts
vñterter art / Der alles w: Got eüsserlich vñ leiplich setzt / geist-
lich vñ innerlich macht / vñ widerüb / was Got innerlich
vñ geystlich habē wil / das macht er eüsserlich vñ leyplich /
wie ich

Das mit kumbt vñ
solcher gemeinschaft
den fleischlich vor
von solcher wort
ist dar dot

wie ich droßē gesagt hab. Also nimpt er hie dz wort/ gemeynschafft/ für sich/ vñ wil damit hynein in dē geist/ vñ ein geistliche gemeynschafft drauß machen/ vñ gibe für/ das die des leibs Christi gemeynschafft habē/ die mit aufgestrackter lust dz leiden Christi bedencē/ vnd auch mitleyden ꝛc. wie sie dan ire newe rede zū solchem newen verstandt haben erfunden.

Was man aber fragt/ wa ist grund vnd schuffe/ die solche glosß beweisen: oder wa ist der text/ der es zwinget: so weist er vns ins rauchloch/ od vff den man der zū im kam vnd sagtes jm. Wie solt er anders thūn: Der spruch war jm nit zū leidē/ vnd kund jm doch nit weren/ Darumb ee er in so ließe/ dacht er/ Es ist besser/ ich mach im ein nase wie ich kan/ wil schuffe nicht helfen/ so helffe mein toller schelliger kopff/ der ist voll geists/ dz ist ebē gnüg dazū/ d sagt mir dazū noch wol meer/ nemlich/ das gemeynschafft des leidēs Christi/ vnd gemeynschafft des leibs vñ blüts Christi/ ein ding sey. Ists nit fein: Awe ja/ ganz fein. Es ist nur vmb einen büchstabē zū thūn/ das man das D ins B vnd das B ins D verwädele/ so wirt auß dem wort leid/ das wort leib/ vnd widerüb. So hastu es wie den al bey dem schwanz/ darffst kein schuffe dazū füren.

Ach laß faren den tollen geist. Wir antwortē auff sein glose also. Erstlich/ Das gemeynschafft des leidēs Christi/ nit kan sein die gemeynschafft des leibs vnd blüts Christi. Dan wer mit Christo leidē/ oder seins leidēs sol teylhafftig sein/ d muß frwñ/ geistlich vnd glaubig sein. Ein sündlicher fleischlicher mensch thüts nit. Aber des leibs Christi werdē auch teylhafftig die vnwürdigen/ wie Paulus sagt. 1. Cor. 11. Wer das brot vnwürdig ist/ d ist jm dz gericht/ wie auch dē veräter Juda geschach im abēmal/ der sampt andern Jüngern/ des leibs vnd blüts Christi gemeynschafft hett vnd teylhafftig war. Dan er empfieng es/ aß vñ tranck mit ebē so wol/ als die andern Jünger.

Das aber D. Carlstat auß der gemeynschafft des leibs vñ blüts Christi/ ein geistliche gemeynschafft macht/ vñ nit wil dz es sol sein die empfangung des leibs vnd blüts/ im brot vñ

mes rorol Study

S

ist 1
bedeutet

was man was man
der reiff was wol do
es war aber kein was

bedeutet

kelch/das laß ich S. Paul. hie aufrichten/ & hie spricht. Das
brod das wir brechē/ ist die gemeynschafft des leibs Christi.
Nun ist das brod brechē ja ein leiblich eüsserlich ding/ dz kan
niemant leucken. So sagen sie auch selber/ das ein eüsserlich
brechē oder essen sey nichts/ mā müsse Christus leib geistlich
essen ic. Wie kan dan das eüsserlich brod brechē vnd essen ein
geistliche gemeynschafft sein/ wie D. Carlstat sagt: Item dz
brod brechen vnd essen auch die vnwoirdigen vnd gottlosen/
als Judas Ischarioth/ vnd etliche Corinthen thetten. 1. Cor.
11. Die selben haben ja gemeynschafft des leibs Christi/ vnd
seind des selbē teylhafftig/ wie diser spruch zwingt/ das das
brod brechen sey gemeynschafft des leibs Christi. Dann man
muß ja disen spruch lassen stracks steen/ dz/ wo man diß brod
bricht/ das da sey/ die gemeynschafft des leibs Christi.

So schleüßt sichs hie mit gewalt/ das Paulus hie nit rede
von der geistlichē gemeynschafft/ die allein die heyligē habē/
da D. Carlstat vō trawmet/ Sonder von einer leiblichē/ wel
che beyde heyligen vnd vnheiligen habē/ gleich wie auch dz
brod brechen/ dz man sehe/ wie D. Carlstats trawm ein lugen
ist/ & also hat villedicht gedacht/ Ich wil allein dz wörtlin/ ge
meynschafft/ angreifen vñ martern/ vñ wil nit sehē das da
fürher steet/ Das brod dz wir brechē ic. Es wurde sunst mein
glose nit leidē. Wan ichs dan nit ansehe/ so ist niemāt der es
wirt ansehen/ oder gegē das wörtlin/ gemeynschafft/ haltē/
so hab ich dan gewonnen/ Es kost mich nicht meer/ dan das
ich dencke/ Die leüt seind alzumal blind.

Warüb spricht dan S. Paulus nit schlechts/ Das brod dz
wir brechen/ ist der leib des HERRN/ sonder thüt hynzü die
gemeynschafft des leibs des HERRN: Antwort ich/ Warüb
spricht er nit auch schlechts: Das brod ist d leib des HERRN/
wie die Euangelisten vnd er selbst. 1. Corin. 11. sonder setzt das
bey/ Das wir brechen. Das hat er beydes on zweyfel dunn
hynzü gesetzt/ das er auff das aller hellest vñ deutlichst wolt
reden als er ymer kündte/ vnd D. Carlstats yrchum mit aller
gewalt weret. Dan er wolt vō brod des Sacraments redē/ dz

Fund er nit bast thū / dan̄ das er vom gebrochen brot redet.
Item er wolt leren / das ein yeglicher in seinē stuck Chriſtus
leib empfienge / darūß wolt ers nit allein den Leib Chriſti nen
nen / als in einē ganzē brot / sonder den Leib der in die gemeyn
aufgeteylt vnd durchs brot brechē allen gemeyn gebē were /
das also diß brot brechen nit allein der Leib Chriſti / sonder die
gemeynschafft des leibs Chriſti sey / das ist / ein außgeteylter
vnd von allen in der gemeyn empfangen. Zeller vnd stercker
hett er nit möcht dauon reden. Dan̄ er sihet mit disen Worten
mitten ins brot brechen / außteilen vñ empfabē / wie es geet /
wan̄ man dz brot bricht / vnd darreycht vnd empfabet. Vnd
spricht / solchs gebrochē brot sey die gemeynschafft des leibs
Chriſti / Das sie alle in gemeyn vñ in ein / den einigē Leib Chri
ſti nemen vnd des leiblich teylhafftig werden.

Also sihestu vnd merckest abermal / wie diser außflüchtig
teüfel keinen andern behelff hat / dan̄ den eynigen / dz er geist
lich macht (wie sein art ist) was gott leiblich macht / vñ zeigt
noch gibt doch solchs seins machens / keinen grund noch vrs
sach / Sonder sagt daher / als einer d̄ da macht hett artickel
des glaubens nach seinem wolgefallen zū setzē. Also muß hie
die leibliche gemeynschafft des leibs Chriſti geistlich sein /
wie er hernach auch thū wirt mit dē vnwürdigen essen vnd
trincken / Item mit dem vnderscheidē des leibs Chriſti / als
wir sehen werden. Allein das du nur auff den tūfel merckest /
vnd kennen lernest / Ich wil dir in feyn zeygen.

Es ist ein güts feyns sündlin / das ich auch vast wol künz
de / wann mir ein spruch zū mechtig were der von leiblichem
thū redet / vnd schlug mich auff den kopff / das mir dz hyrn
schwancet / Ich zūfür vñ spreche / Er hat mich nit troffen /
Er redet vom geistlichen thū / vnd were darnach frey / das
ich solcher deutung dürfft keinen grundt beweisen / So were
es leicht ein hymliſcher prophet zū sein / Vnd wa ich gezwun
gen würde grundt zū zeygē / da steen müste wie butter an der
sonne / vnd ein schweyßlin dafür lassen vñ sagē / Er dauchte
mich so feyn vnd recht sein.

Also steet nun diser spruch Pauli/wie ein fels/ vnd erzwin
get mit gewalt/das alle die/ so diß brot brechen/ essen vñ em
pfahen/den leib Christi empfabē / vnd desselben teylhafftig
werdē. Vnd das kan nit sein geistlich / wie gesagt ist / so muß
es leiblich sein. Dañ man kan Christus leib nit ands teylhaff
tig werden / on auff die zwo weise / geistlich oder leiblich. Wi
derum dise leibliche gemeynschafft kan nit sichtbarlich noch
empfindlich sein / sunst würde kein brot da bleibē. Widerüb
kan es nit eytel schlecht brot sein / sunst wer es nit ein leibliche
gemeynschafft des leibs Christi / sond des brots. Dañ muß
da das gebrochen brot ist / auch warhafftig vnd leiblich sein
d leib Christi / wiewol vnsichtbarlich. Da stōt d spruch / Wer
nun ein eyssenfresser ist / d beisse im ein schartē / ich wil zū sehē.

Auffs dritt haben wir den spruch. 1. Corin. 11. Welcher vn
würdig von disem brot isset / oder vō dem kelch des **HERN**
trinckt / der ist schuldig am leib vnd blūt des **HERN**. Hie se
ret abermal der rothē geist daher / vñ macht geist / da S. Paul
lus leib setz / vñ heißt vnwürdig essen / wer Christus gedech
nis vñ erkenntnis seins leibs nit recht hat ic. Fragstu abermal
wa ist schrifft: wa ist grūd: wa gibe d: der text: so zeygt er dir
seinen geysfer / vnd beweist nichts meer / dañ das im solche
sprūch das gebrandt leyd gethon haben / vnd sie zū vor gern
wolt vntüchtig machē / gleich als wañ ich einē wolt beredē /
der ein bloß schwerd über mich zucht / das er glauben solt / es
were ein strohalm / auff d: er mich nit schläge. Es hilfft aber
nit zittern für den tod. Du anmechtiger geist / wie lāg last du
dir truze / d: du schrifft od text bringest: Schemest du dich nit /
d: du dir so lang last auffruckten / wie du deinen geysfer / deine
lugen / deine trewme in die schrifft tregst:

Wolan / da Pau. hie spricht / Wer vnwürdig ist vñ trinckt
ic. d: ist nit recht geredt / sond solt also gesagt habē. Wer vn
würdig des **HERN** gedencet oder nit kennet ic. das das vn
würdige essen vnd trincken / sey eben d: vnwürdige erkenntnis
vnd gedechtnis des **HERN** / Es were dañ / das D. Carl
stats geist hie selet / Wer wil aber d: glaubē: Dn muß denckē

S. Paulus war des abens trunckē/ vnd da er vō vnwürdige
essen vñ trinckē redet/ vergaß ers vñ verschnapt sich/ dan er
solt vō vnwürdige gedechtnis geredt habē. Aber D. Carlstat
hats troffen auff den nächtern morgen / vnd hat S. Paulus
wort nun feyn in sein ordnung bracht/ Des danck̄t jm billich
Peter rülz vnd die braut von Orlamunde.

Tun dz wir vnsers sagen S. Paul. fügt hie dz brot vñ den
leib Christi in einander/ eben wie er drobē hett da er sprach/
Das brot dz wir brechē/ ist die gemeynschafft des leibs Chri
sti/ Wolt nit sagen/ Das brot das wir brechē/ ist die gemeyn
schafft des brots des **HERN**/ wie es gar fein hett für D.
Carlstat geklungē. Alld wolt er hie auch nit sagē/ wer vnwir
dig ist diß brot/ der versündigt sich od̄ ist schuldig an dē brot
des **HERN**/ wie es auch D. Carlstat wol gern hett / sonder
versündigt sich am leib des **HERN**/ auff dz er an beyden or
ten/ erhielte/ dz des **HERN** brot sey des **HERN** leib. Dan
wa er hett dz nit gewölt/ hett er also müssen sagen wie drobē.
wer vnwürdig ist diß brot/ d̄ ist schuldig am brot des **HERN**
HERN. Wie köp̄t die sünd am leib des **HERN** zum essen/ so er
nit im essen od̄ brot sein solt/ Oder hett also müssen sagē/ Wer
vnwürdig ist diß brot/ der versündigt sich an dem ab̄tmal/
oder an gott/ od̄ am gebott/ oder an d̄ ordnūg des **HERN**.

Tun zwingt die natur vnd art der rede/ dz der ienige d̄ vn
würdig ist/ sey schuldig an dē das er ist. Darūb ist nit gnūg
dz D. Carlstat neyn sage vñ ein glose daher trage/ sond̄ weyl
da heller text steet/ vñ natur vñ art d̄ sprach gibt/ wer vnwir
dig diß brot ist/ der ist schuldig am leib des **HERN**/ das
da d̄ leib des **HERN** gessen werde im brot/ vnd die sünd ge
schehe am essen vnd trinckē/ so muß er gar mechtige sprüche
vñ text fürē/ dz wir jm glaubē. Dan der text erzwingt mit ge
walt/ das die sünd geschehe am essen vnd trincken / weyl er
spricht/ Wer vnwürdig ist vnd trinckē/ vnd spricht doch/ dz
die selbig sünd geschehe am leib vnd blüt des **HERN**/ das
laut gewaltigklich/ das er im essen vnd trincken/ den leib vñ
blüt Christi habe beleydigt vnd übel mit im vmbgangen.

Den dz man nit recht des **HERN** gedēckt/ist ein sonderliche sünd über das vnwirdig essen/ von welcher S. Paulus hie nit sagt. So weisens auch alle wort im gantzē Capitel da selbst/da er sie strafft vmb irs vnwirdigē essens willē/ dz die sünd gantz im essen vnd trincken geschach. Darumb schreckt sie S. Pau. vnd wil/das sie nit sollen dencken/es sey schlecht brot oder wein dz sie essen vnd trinckē/ vnd sich so vnwirdig halten/sonder sey der leib vñ blüt Christi/daran sie sich versündigen mit solchem vnwirdigē essen. Solchs sag ich/gibt natur vnd art der rede auffeinander/das man greiffen mag/es sey eitel ersucht/genōtigt vñ mütwilliglich erdacht ding/was D. Carlstat darwid gauckelt/darauff kein gewissen noch glaube rühen mag.

Es gilt nit/das man die sünd die S. Pau. dē essen gibt/ auff eygner turst wil dē gedechtnis zueygen/ da Pau. nit vō sagt. Dan er sagt nit/ wie sie vnwirdig des **HERN** gedechtnis halten/sonder wie sie vnwirdig essen vnd trinckē. Nun hats ia keinen schein noch grūt/ dz mā sich durch vnwirdig essen/am leib des **HERN**/ vnd durch vnwirdig trincken am blüt des **HERN**/ solt schuldig machen/wa nit der leib im essen/ vnd das blüt im trinckē wer. Was war es not:das ers so ebē teylet in zwey stuck/dz im vnwirdigē essen/ d leib des **HERN**/ vñ im vnwirdigē trinckē/dz blüt des **HERN** beleydigt wurde:

Warumb setzt ers nit also/Wer vnwirdig isset diß brot/d ist schuldig am blüt des **HERN**. Wer vnwirdig trinckt vō diesem kelch/d ist schuldig am leib des **HERN**: Syntemal der beyder eins were gnüg gewesen/dz D. Carlstats meynüg bestände. ja es were gnüg gewesen wañ er het gesagt/Wer vnwirdig ist vnd trinckt/d ist schuldig an Christo/oder am tod Christi/weil D. Carlstat durchs vnwirdig essen die sünd versteet/das man Christus leiden vnd tod nit recht ere vnd übert. Nun aber weyl Pau. die schuld am blüt/ so eben auffs vnwirdige trinckē des kelchs/vnd die schuld am leib/auffs vnwirdige esse des brots treibt/zwingt die natürlich helle rede/das der leib im essen/vnd das blüt im trincken sey/Vnd kan

niemant dawider grund auffbringē/ der eynigē schein habe.

Aber summa summarū/ Es ist des geist/ da ich droben vō
gesagt hab/ der alle das ienige innerlich macht was gott eüs-
serlich macht. Darüb müß er hie auch so thūn/ vñ die schuld
so S. Paulus dem leiblichen essen vnd trincken gibt/ hynein
ins geistlich essen vnd trincken zuehen. Dan das er geiffert/
wie sie drüb vnwirdig essen vñ trinckē/ dz sie nit Chustus leib
inwēdig erkennē noch sein rechte gedencke/ greiffte man ia/ dz
er zeucht dz essen vñ trinckē hynein in den geist/ das Pau. her
aussen setz. Dan geistlich essen ist Chustus leib recht erkennē
vñ sein gedenccken. Sihestu abermal den teüfel mit seiner
grossen geisterey/ on allen grōd/ schufft/ vsach/ oder eynige
beweisung auß eygnem kopff gespunnen.

Auffs vierde spricht abermal S. Paulus am selbē ort. Der
mensch prüffe sich selbs/ vnd so esse er von disem brot/ vnd
trinckē von disem kelch/ Dan wer vnwirdig ist vnd trinckē/
der ist vnd trinckē in das gericht/ weyl er nit vnderscheidet
den leib Chusti. Zie kompt Peter Rülz aber eins mit seinem
tarantara daher/ vñ wirt abermal ein Kriechischer man/
vñ spricht/ Das wort Diakrion/ welchs verdeütscht wirt/
der vnderscheidet/ gehört auch auffs gedechtnis/ das man
den leib Chusti müß geistlich/ scharpff vnderscheidē/ vnd
mit außgestrackter lust vnd begyrd dem leiden Chusti nach-
folgē. Es müß alles vffs geistlich gedechtnis Chusti geen/
was diser geist hie leret. Der rülz kan kein ander liedlin meer/
vnd wolt gott/ er kündte das selbige wol/ vnd wendets nit
so zūm schein für/ seine giffte auß zūbreiten.

Lieber Peter/ ich bitt euch/ setz die brill auff die nasen/ od
schneüßst euch ein wenig/ das euch das hanbt leichter vñ dz
hyrn reyner werde. Sehet mit vns den text bas an/ Ir sagt/
Das vnderscheidē gee vffs gedechtnis/ Paulus aber sagt/
Es gee auffs essen vnd trinckē. Dan er spricht nit also/ Wer
vnwirdig des herin gedechtnis helt/ der verdient in das ge-
richt/ weyl er nit vnderscheidet den leib des J. Ern/ sond
at so/ Wer vnwirdig isset vnd trinckē/ der ist vnd trinckē in dz

gericht/ dan er vnderſcheydet nit dē leib des **HERN**. Hört
irs herr Peter: im vnwürdige essen vnd trinckē geschicht dise
vnderſcheydung nit/ darumb das gericht verdient wirt. Ist
das nit klar gnüge? Erzwingets nit der text:

Ich dürfft D. Carls stat noch zwen guldē gebē/ das er doch
nur ein mal/ in all disem handel/ nit mir/ sonder seiner eygen
sach zū güt/ der zweyer eins thet/ eintweder / dz er sprüch vß
der schuffte füret/ oder vß fürgenomē text erzwingē/ das sein
ding recht were. Nun aber thüt er nicht meer / dan erwischt
etwa ein wörtlin/ vnd schmiert seinen geyffer daran / wie es
in dunct/ vnd syhet dieweyl nit/ das neben dem selbē wört
lin/ and text steen/ die beyde schmirer vñ geyfferer stossen/ dz
er alle vier in die höhe keret/ als hie / da er lang schmyrt vnd
geyffert/ dz die vnderſcheydūg gehöre auffß gedechtnis des
HERN/ sihet er nit/ das der helle text da steet/ vnd spricht/
sie geschehe im vnwürdigen essen vñ trincken/ Wie auch d: 9
bē/ da er die gemeynschafft des leibs des **HERN** wolt geist
lich machen/ sahe er nit das das leiblich brot brechen im den
halß brach.

Es geet im wie dem strauß/ das ist so ein nerrichter vogel
wan er mit dem halß vnder einē zweyg kumpt/ so meynet er/ er
sey gar bedeckt. Vnd die iungen kinder / wan sie die hend für
die augē haltē/ vnd sehen niemant/ so meynē sie/ man sehe sie
auch nit. Also thüt diser geist auch/ er greift ein wörtli damit
er sich schmuckte/ vñ last den ganzē text steen/ d in auffdeckt
vnd zū schandē macht. Ich weyß nit/ ob er sich last dunctē/
es seyen kein Biblia oder kein leüt meer auff erdē. Vnd zwar
gegē mir solt ers ja nit thün/ d ich in zū Ihena trewlich war
nete/ er solt ebē d: auff sehē/ das ers tresse/ ich würde sein nit
felen. Aber er hat meine wort verstäde/ wie er die Biblia ver
steet/ vñ heyst das troffen/ das er mich einē tollē Sophistē /
saw im blüt/ zwifeltigen Papistē/ vnd vil dergleichē heyst.
Ich meynet aber/ er solt der sachen wol warnemē vnd recht
treffen. Ich wolt schier sagē/ wider herüb seelmesse/ der pfen
nig ist kupffern. Doch es seind gottes werck / d Pharao hertz

verstockt vnd verblent / seiner warheit vnd wort zu eren / zu
trost allen glaubigen / vnd zu schrecken allen hoffertigen.

So bleibts nun / das dise vnderscheydung soll geschehen
im essen vnd trincken / wie drobe die schuld vñ sünd / am leyb
des **HERN** / Das / wer vnwürdig isset vñ trincke / der isset
im das gericht. Warüb das: Darüb spricht Paulus / Das er
nit vnderscheydet den leyb des herin. Nun sag mir / wie soll
man im essen vnd trincken / des **HERN** leyb vnderscheyden:
Das kriechische wort Diakrinin vff Lateinisch / discernere /
heyst ja / dz man ein vnderscheyd hab / vnd nit eins wie das
ander / sonder eins edler / besser vnd köstlicher halte / dan das
and. Das S. Paulus also wil / Wer vnwürdig ist vñ trincke /
der vdiert billich ein vteyl oder gute straffe / Dan mit seym
vnwürdigē essen vñ trincken vnderscheydet er nit / ~~non discer~~
~~nit~~ / den leyb Christi / Sond hele vnd feret mit dem brot vnd
weyn des herin / als wer es sonst schlecht brot vnd weyn / so
es doch des **HERN** leyb vñ blüt ist / den wa ers mit ernst für
des herin leyb hielte / wurd er nit so zu faren / vnd mit vnwür
den als sonst ein brot / sond mit forcht / demüt vñ eren essen.
Dan er wurd sich ja müssen für des herin leyb schewen.

Ist dise meinung nit recht / so gib ein andere / vnd sage du
was Christus leyb vnderscheyden sey. Dan des worts art gi
bet nit mer / den so vil / das man Christus leyb soll lassen etwz
bessers vnd köstlichers vnd sonderlichs sein vor andern dū
gen. Das ist starck gnüg auß art d sprach erzwungen. Weyl
dan solchs vnderscheyden / S. Paulus zeucht vñ haben will
in essen vnd trincken des herin brot vnd kelch / Ists ye starck
gnüg auch erzwungen auß dem text / das man den leyb Chri
sti soll besser vnd höher halten / dan das brot vnd kelch. So
müß ye darauf volgen / das der leyb vnd blüt Christi / alda
im brot vnd kelch sey / weyl die das gericht essen / die mit vn
würdigem essen den leyb Christi nit vnderscheyden vnd die
es würdig essen recht vnderscheyden.

Doch D. Carlstat ist nit zuuerdencken / Den weil sein geyst
das im sin hat / wie ich gesagt hab / dz er geystlich wil machē

Ⓞ

*das vnderscheiden
des luthers
fleißlich*

was Got leylich haben wil / muß er ia hie mit d vnder schei
dung auch so faren / vñ ein geystliche vnder scheydung inwē
dig setzen im geyst von dem erkantnuß vnd gedechtnuß / da
Got ein leyliche vnder scheydung will haben / zwischē dem
brot vnd leyb Chusti. Das er aber solt des auch grund vñ vr
sach anzeygen od auß dē tert erzwingen. Lieber da laß in vñ
uerworen mit / sihestu doch / dz er and ding zū thun hat / Es
ist gnüg das ein solcher man sage. Wiltu im nit glauben / so
glaub doch seinem graven rock vnd filghūt / darinnen d hei
lig geyst sein muß / wie du wol greyffen magst.

Es gemanet mich diser hohen kunst / D. Carlstats eben /
wied ihenigen / die mit allegorijs vmbgeen. Weliche S. Zie
ronymms im Prologo den gaucklern vgleicht / als wenn ich
auß Dieterich von Bern wolt Christum machen / vñ auß dē
Rysen mit dem er streyt ein teuffel / vnd auß dem zwerge die
demüt / auß seinem gefencknuß den tod Chusti / oder sonst ir
gent ein ritterspyl oder historiē für mich neme / da ich meyne
gedancken an übet / vñ damit spilet / wie der gethon hat / der
Quidij Metamorphosin ganz vff Christum zogen hat. Od
vff das meine geyster nit zürnen / das ich jr ding so vergleich
den weltlichen fabeln. Wann ich S. Georgen legend neme
vnd sprech / S. Georgius wer Christus / die Jungfraw so er
erlöset / were die Christenheyt / Der trach im möi / were d teuf
fel / Das pferd were die menschheit Chusti / Der sper were dz
Euangelion ꝛc. Item da S. Petrus ins möi sanct vnd Chri
stus im halff / möchte ich sagen / das möi ist die veruolgüg vñ
trübsal in d welt. Petrus ein yeglicher Christen wann er zwey
felt / vnd Christus die gnad gottes ꝛc.

In solchem tand stet alle kunst diser propheten / d fleissigē
sie sich / vñ weil sie im alten Testament auch vil ander solche
deüttung funden haben / finden sie auch der selbigen teglich
mer / vnd leren vil von den siben besprengungen / vnd füllen
ire Bücher mit solcher küst / gerad als sey es köstlich ding / vñ
künd niemant dan sie allein / vnd deutē doch gemeinglich so
nerüsch tölpisch ding / dz ein darfür köcken möchte / sondlich

die sibenfeltig bespiengung. Dencken auch nit/das man sol
che deütung müsse auß d̄ schrifft beweysen/vñ sie nichts gel
ten/es sey dan am andern ort klärlich außgedrucht/Wie ich
dauß im Sermon vß den zehen außserzigen geschriben hab.

Sie aber weiß sie es nur erdiecht habē/ists gnüg/so ists schō
Also thut hie D. Carlstat auch. Nach dē er so (beweyset.
lichs vß seinen propheten gelernt/vñ vß natur ein wünderli
chen kopff hat/d̄ jmer was sunderlichs sucht/dz vorhin nie
mant wisse/feret er zu/vñ wil hie mit S. Paulus wortē auch
so würffel spilen/vñ wie er im alten Testament gewonet/al
legorias machen. Darumb muß jm hie S. Paulus von geyst
licher vnd nit von leyplicher gemeinschafft / von geystlichē
vnd nit von leyplichem vnderseyd / von geystlicher vnd
nit von leyplicher vnwürdigkeyt im essen/vß geystlicher vñ
nit von leyplicher schuld am leyb des **HERRN**/ reden.
vnd der alber onmechtig teüffel meynet/man solle in nit ses
hen/Neyn gesell man sihet dich wol/du hast dich nit genüg
gemalet/du müßt mer vnd andere farb nemen.

Nöchstu sprechē/ Ey ist doch das war/das dz moß verfol
gung bedeütte vnd Christus die gnad gottes/vnd das sinck
en/die schwachheit oder verzweyfflung. So ists auch war
das Gotes gnad hilfft in der verfolgung. Also ists ja auch nit
vnrecht noch falsch/das man geistliche gemeinschafft hab/
geystlich den leyb Christi vnderscheid/geistlich vnwürdig es
sen/vnd geystlich sich verschulde am leyb Christi/Vnd sind
gmeinglich soliche allegoryen oder deütungen alle war vnd
gar hübsch vñ feyn. Antwort ich. Ich sechte yetzt nit/ob sie
alle falsch seynd oder nit. Das weyß ich aber wol/das sie oft
felen/vnd ein lautter traum seind/weyl sie on grund d̄ schrifft
dar bracht werden/gleich wie diser propheten bespiengung
gantz nichts ist/wie sie dauon gauckeln.

Das sechteich/das D. Carlstat solichs alles nit allein on
allen grund der schrifft vñnd text an disem ort setzt/sonder
wil auch durch solichen hohen geystlichen scheyn/den rech
ten schriffelichen verstand mit gwalt dempffen/laugten vñ

schenden / welchen doch der text natürlich erzwingt vnd seine geückerley nit leydet. Wa er vns den selben ließe vnuerfert bleybē / wolt ich zwar gescheen lassen / das er allegorisiert vñ geystlich deutet / gauckelt vñ spilet biß das ers müd würde. Also / wañ mir einer ließe bleyben / das Petrus nach dē schifflichen sin vff dem meer were gangen vnd gesunckē ic. Frage ich nichts darnach / wie ers darnach deutet / so ferne / das onschaden des glaubens geschehe.

Also wen D. Carlstat hie ließe bleyben die leypliche gemeinschafft des leybs Christi / die leyplich vnderscheydung / die leypliche vnwürdigkeyt im essen / die leypliche schuld am vnwürdigen essen ic. ließe ich in widerüb machen was er wolte. Den auch S. Paulus Ro. 12. spricht / Die propheceyen sollen dem glauben enlich sein / das nit ein jetlicher deutet / was vñ wie in gelüste / vnd darnach die gewissen daruff für. Den dz ist eygēlich ein recht gauckelwerck / da ein ding scheynet / als geschehes vñ sey war / vnd ist doch nichts dahinden / Gleich wie dise D. Carlstats geystlich auflegüg über S. Paulus bey jm vñ den seinen / scheynt ein köstlich treflich ding sein. Wen mans aber bey dem liecht vñ nach dē text ansihet / ist ein recht gauckelspyl. Dañ es ist wed grūd nach warheyt da / sond vñ im selbs erdiecht vnd dē text mit gwalt vffgedungen.

Wañ sollich geystlich gauckelspiel solt gelten / so wolt ich hierin D. Carl. mit allen seinen prophetē noch wol drey iar zū schülen führen / Ich byn wol so fast dünnen geübt / da ich zū erst anfieng die Biblen zū lernen / vor zehen jarn / ee ich vff dē rechten grūt kam. Ich wolt auch leichlich sagē. Am anfang schuff Got hymel vnd erdē. Gen. 1. Hymel (das ist Engel vñ geystliche creaturn) Erde (dz ist die leypliche creaturn) meinstu nit es wer feyn vñ gar recht gsagt: Ja wa bleybt aber die weil d text: Wie wil ichs beweysen / dz an disem ort hymel vñ erden / nit den natürlichen hymel vñ erden heysse wie d sprachen art ist: Lieber / die natürliche sprach ist / frau Keyserin / die geet über alle sübtile / spizige / sophistische tichtung / Vñ der muß man nit weichen. Es zwing den ein offenbarlicher.

artickel des glaubens / sonst blibe kein büchstab in der schrift
für den geystlichen gaucklern.

Auff diese weyse hat auch der grosse lerer Ougenes genant
vnd hat S. Hierony. vnd vil ander mit jm verfür. Das vor
zeytten seine bücher / solichs geystlichs gauckelspils halben /
billich verbotten vnd vdampt wurden. Dan es ist ferlich / al
so mit Gottes worten spülen / dardurch die gewissen vñ glau
ben sollen regiert werden. Darüb soles hell vnd gewis sein /
vnd alles einen vesten / sichern / güten grund haben / darauff
man sich mag tröflich verlassen.

Das seind die heubtsprüch in disem artickel / Damit wir
von gots gnaden allen güten gewissen gnüg thun zu sterckē
jren glauben. Bekeren wir aber damit die verstockte Carlsta
ter nit / so haben wir doch zweyerley damit wid sie erstryttē.
Das erst / das sie jr ding wed mit schrift beweyssen / noch auß
dē text erzwingen mügen / sonder eyttel eigen dunckel vnd ge
dancken führen / damit sie die hellen sprüch zuuerdückeln sich
vnd standen / aber doch gefelt haben. Dan dzer zu vnser mei
nung / Meyn sagt / Sondern wir nit grund / sond sollen grund
anzeeygen / wie wir den thun. Aber das er ein anders setz / vñ
keinen grüd zeygt / o dz laut schenlich von solchē hohē geyst.
Das ander / Das alles was sie wider vns vffbringen / nicht
schleüft noch den stich hellt / vñ bitten jnen zu lest auch truz
das sie jr bests thun / Wir wollen in mit keinem andern / den
mit disen sprüchen / mans gnüg sein / Bayde vff all jr vouige
jertzige vnd künstrige kunst vñ klüghey / Sie sollē sie vns nit
so nemen. Dan D. Carlstats einiger truz ligt / da er alles was
die Euangelisten vnd Apostel mit klaren sprüchē vffs essen
vnd trincken ziehen / er mit eignē tunckel on allen grund vffs
gedechtniß des Herrn zeücht. Ein and her / ders baß kan.

Wan nun gleich D. Carlstats toben aller dinge bestünd /
vnd vnsern glauben aller ding falsch überwünde (wie es vn
möglichen ist) was hett er doch den außgericht: Sein glaub
wer darüb nit recht nach gewis. Dan er beweyset nichts / son
der sagts nur daher / wie man ein merlin sagt / für keine grüt

noch geschriefft/nach vrsach/dz sich kein gewissen kan daruff
stonē oder vlassen/ es wōit dan sich lassen vff lauter wort D.
Carl. Also/das wer D. Carlstats meinung volgt/ d mūß zwī
schen zweyen stūlen nider sitzen/vñ zwischen hymel vnd erdē
schweben/vñ ganz nichts vom sacrament behalten. Dan er
verlast vnsern glauben/vñ kan jenen nit ergreifen/ als der
nit ein einigen grund noch spruch hat für sich. Vnd das ist
auch/das ich jmer gesagt hab/dass des teuffels entliche mei
nung ist/das ganze Sacrament vnd alle eüsserliche gottes
ordnung vffheben. Das man allein mit dem hertzen vff den
geyst gaffe innerlich/wie die propheten leren.

So sihet nun (mein ich) yederman wol/das D. Carlstats
geyst der sey/ der die leüt mit dem wort/geystlich/essen wil/
vnd alles fürnimpt geystlich zū machen/was Got leyplich
haben wil/Da mit er seiner gyfft einen grossen scheyn vñnd
anschen mache. Wan er aber auch grund dazu setze/vñnd
spreche nicht allein/So So ist/sonder beweysets/Es solle
vnd müsse also sein/auf dem vñnd in dem tert. So were es
ein feyner geyst. Aber nun er allein das seyne saget/mügen
wir sagen. Du leugst lieber geyst/Dan alle menschen seynd lu
gener/ Der Babst hat auch so gelogen. Aber sein geyst hat
mer gehandelt/das er das geystliche leypliche macht/wie er
die geystliche Chriſtenheyt ein leypliche eüsserliche/gemey
ne macht. Diser rottengeyst widerumb damit am meysten
vmbget/das er geystlich mache/was Got leyplich vnd eüss
erlich macht. Darumb geen wir zwischen beyden hyn/vnd
machen nichts weder geystlich noch leyplich/sonder halten
geystlich w3 got geystlich/vñ leyplich was er leyplich machte
Ob nun etliche gleich in solchem irthum vnd Carlstadi
schem Sacrament bleyben vñ verharren/oder nach darein
fielen/Was were im dann? Ja wann g'eych alle welt vnser
meynung abfiel. Wie müssen wir mit dem Euangelio thun
da wol mer macht an ligt? Selt nicht al'e welt dawon/vñnd
sicht dawider? Wie wenig seind jr/die recht daran hangen/
Also laß dichs auch nit irren/ob wenig das Sacramēt reche

handeln oder glaubē. Laß faren was feret/ Siche wa du bley
best. Es ist nicht wunder/das vil irren. Wunder ist/das et
liche seind die nit irren / wie wenig der auch seynd. Christus
spricht selber. Meynstu/das des menschen sin/glauben fin-
den werd/wan er köpft? Doch wer hie irret/der irret on mein
schuld/ Ich hab treulich gnüg geweret vnd geleret.

Don Fray Hulda der klugen ver- nunft D. Carlstats/in diesem Sacrament.

Nun wir grund auß der geschriffte gelegt vnd vnsern
glauben beweiset habē/Daneben Doctor Carlstats
grund verlegt/wollen wir nun sehen/wie fein er vñ
diser sachen redet/da er begyndt die vernunft zu rat-
nemen/die sagt im aller erst den rechten grund. Dan D. Carl-
stat ist nit vil toller worden dann die Papisten ye gewesen
seind. Die Papisten haben sich doch allmal gefleyssigt/spri-
che auß der schriffte zu führen / wie wol sie falsch damit seind
vmbgangen. Aber D. Carlstat hat nur tuto vnd tatto/püet
vnd büchstaben/vnd eygne gloß auß seinem kopff/nit ein
einigen spruch der schriffte. So bekennen die Papisten/das
im Sacrament nit der vernunft/sonder Gots wort zu vol-
gen sey. Aber D. Carlstat raffelt auff vnd tregt zu samen/als
les was vernunft hierinnen zeygē/leren/richten kan. Sind
mir das nit fröliche propheten vnd hymlisch;e geyster?

Das erst stuck diser hochberümbten vernunft ist/Das sie
schleüßt/wa im Sacrament Christus leyb vñ blüt wer / mü-
ste volgen/Das das brot für vns gekreüzigt vñ geben wer/
vñ nit Christus selbs/weil d' text spricht/Das ist mein leyb d'
für euch gegeben wirt. Welche wort deutet fray Hulda also
es sey ebē so vil gsagt/als/dz brot wirt für euch gebē. Itē sey
auch so vil/als/mein leyb wirt nit ee für euch gebē/dan weiß
es brot worden ist ic. Wie dunckt dich vmb die klügheyt?
Truz vnd sagnun/das diß nicht hymlische propheten seyn.

Frage nun / wa sie solich grāmatica gelernt haben / oder auß
was grund sie Christus wort so deutten. So wirstu velleicht
die hymliche stym hören.

Lāst vns fort faren. Es ist lautter büberey / da der teuffel
mit vmb get. Sagt mir fraw Hulda / die jr sonst so reyn seyt /
dz jr nitein wörtlin zūsatz oder abbruchs von vns leydet im
gots wort. Wie seyt jr den hie so vnstetig: vñ setz so vil wort
hynzū vñ spricht. Mein leyb wirt nit ee für euch gebē / er sey
dan Brot worden: Itē waramb brecht jr im andern stück abe
vñ spricht. Das Brot wirt für euch geben: zeygt mir / welche
sprach hat die art: das sie diß stück. Das ist mein leyb der für
euch geben wirt / also verstee oder außrede. Das Brot wirt für
euch gegeben. Oder also. Mein leyb wirt nit ee für euch gege
ben / dan wan es Brot worden ist: Wie wan aller sprachē art
diß stück nit anders verstünde also: Das ist mein leyb der für
euch ic. Es ist mein leyb der für euch ic. Es ist keyn and leyb
der für euch geben wirt / dan diser den ich euch hie im tod zū
essen gibe / Darauff nit volget / das er zū gleich gessen vnd ge
kreuziget werde / sonder der yetz vff die stunde gessen wirt / d
selb wirt hernach / da er nit gessen wirt / gegeben für euch.

Ich wil hie den teuffer Johannes zūm Exempel nemen /
da er vff Christū zeygt vnd spricht / Sibe / das ist das lamb
Gottes / dz d welt sünde weg nimbt. Hört hie her rottēgeyst
Da spricht Johānes / Christus trage oder neme der welt sün
de weg / vnd ist doch nach nit am kreuzge. Lieber geet hyn vñ
spricht / Hierauff volget / das Christus nit sey für vns gekreuz
iget / Dan die wort lautten / das Christus nit ee / dan da Jo
hannes vff in zeygt vñ gottes lamb nennet / die sünd d wele
treget / vñ dz für vns kein and Christus gekreuziget sey / noch
zū keiner andern zeyt vnd stat / dan da Joannes am Jordan
vff in zeygte / Dan da treget er die sünd ee er gekreuziget wirt
gleych wie er hie im Brot für vns geben wirt.

Item Johānis 10. spricht Christus / Ich bin ein güter hir
te vñnd lasse mein leben für meine schaffe. Hui lieber rotten
geyst / last vns hie von euch lernen / Das / weyl Christus hie
vff sich

auff sich deutet/er lasse sein leben für vns / so müsse volgen/
das es zu der selbigen stund in der Juden schul/ da er die wort
auff sich vnd von sich redet/ vnd nit am kreutz geschē sey/
dz er nit für vns hernach gekreuzigt sey. Dan die wort gebes
nit ands/ da er spricht/ Ich lasse mein leben/ spricht nit/ Ich
würd mein lebē lassen/ gleich wie er hie spricht/ Der für euch
gegeben wirt/ vñ nit spricht/ Der für euch gegeben sol werde.
Item so müst man auch das versteē/ da er daselbst spricht/
Ich gib in das ewig leben/ spricht nit/ ich würd in gebē. Itē
da er spricht Johā. 19. Ich heylige mich selbs für sie/ spricht
nit/ Ich würd mich heyligē für sie. Ach schemet euch in ewer
hertz/ ir grossen groben esels köpff/ die ir so groß kunst vñ pro
phecey fürgebt/ vnd laßt solchs in die welt außgeen/ daran
man greiffte/ das ir für grosser bosheit nit wöllet/ od vor gros
ser vnwissenheit nit künd recht reden/ noch reden versteē.

Steet aber der teüfel ja so fest auf dē wort/ das da spricht/
der gegeben wirt/ als yetz gegenwertiglich/ vnd nit spricht/
der für euch sol geben werden zukünfftig/ so stossen wir eben
seine eygne wort in seinen rachen vnd sage. Wan dise wort/
Das ist mein leib ꝛc. vff Christus sitzendē leib deutē/ so volgt/
das Christus nit sey für vns gekreuzigt/ Dan die wort lautē
auff den sitzendē Christū/ welcher ist nit für vns gekreuzigt/
er kund nit am kreutz hangē/ vnd zugleich im abentmal sitzē.
So müst er nun nit ee für vns geben sein dan wann er da saß
vñ vff sich dütet. heyst sich dz nit sein in d klügheit beschiffet

Dan nun bey euch hymlichen propheten Christus gleich
sitzen vnd von im sage lassen/ Der wirt für euch gegeben/ vñ
ir das wort/ Wirt gegeben/ müstet also deutē/ der für euch
sol gegeben werden/ oder der beschlossen vnd verordnet ist/
das er für euch geben werde/ vnd müst ein andere zeyt auff
sein sitzen vnd zeygen/ vñ ein andere zeyt auff sein kreuzigūg
vnd übergebūg stymen/ so bittē wir/ ir wöllets auch nit hin
dern lassen/ dz sein leib yetz im brot sey vñ darnach am crutz
nit im brot sey/ das wir auch mügē sage über dē brot/ Das ist
mein leib/ der für euch gegeben wirt/ das ist/ der für euch sol

gegeben werde/ od̄ schon dahyn verordnet ist/ vñ beschloffen
das er gegeben werde/ als were er schon bereyt gegeben.

Wa seyt ir nun frau Hulda mitt ewer klügheit? Ja wa ist
das zeugniss in ewer inwädigkeit/ das ir des eüsserlichē zeug
niss nit dürfft für euch: Dis sag ich darumb mein lieber leser/
das du den leydigē teufel/ der sich in D. Carlstat für einē geist
vßbeüt/ kennen solt. Dan̄ bey disem ersten stuck der vernüfft
rümet sein Peter rülz fast hoch seinē geist/ vnd redt trefflich
von der sachē vff der hymllischen prophetē weiß/ welche ist/
wie gesagt ist/ das sie nicht zūvor durchs eüsserlich wort zūm
geist/ sonder zūvor auß dem geist vff das eüsserlich wort kom
men/ vnd füre daruff den spruch Chusti. Jo. 15. Der geist der
warheit wirt zeugniss gebē vñ ir werdet auch zeugniss gebē/
gerad als hetten die Apostel den geist überkömen on dz eüsser
lich wort Chusti. Daher rümet Peter rülz/ Er habe für sich
sat am innerlichen zeugniss/ Das eüsserlich neme er an für die
andern sie zūleren vnd zūstraffen.

Da hö:stu ire Theologia/ Andere sollēs durch ire wort eüs
serlich lernē/ welchs sie ein eüsserlich zeugniss nennē. Aber sie
selbs seind besser vñ höher dan̄ die Aposteln/ vñ wöllens on
eüsserlich wort vnd on mittel inwädig im geist lernē/ welchs
doch den Aposteln nit ist gegeben/ sonder dē eynigē sun Jhe
su Christo allein. Da sihestu den tūfel/ wie ich dir drobē sagt/
das er das eüsserlich wort nichts achtet/ vñ gar nicht wil ha
ben zūm vorauff des geists. Da wisse dich für zū hüten/ vnd
sey gewis/ dz dise prophetē vol teüfel seind/ Wie du auch hie
sihest am erste stuck irer vernüfft/ vñ noch baß sehē würdest.
Solchē hobē geist der über der Apostel masse ist/ solt warlich
auch grösser zeychē beweise. Aber wie sie ire lere vñ eüsserlich
zeugniss mit geschriffte beweisen/ so beweisen sie auch irē geist
vñ innerlich zeugniss mit zeychē. Ist ein teüfel wie der ander.
Wan̄ aber D. Carlsta vnd seine rotten künden ire Sophi
sterey vnd vernüfft lassen/ weyl sie so hart ansicht/ das Chri
stus über das brot sagt/ Das ist mein leib/ vnd nit wöllens od̄
künden versteen/ wie doch brot mög der leib sein/ vnd theten.

der zweyer eins / Entweder geben gott die eet / vñ liessen seine
wort recht vnd war sein / ob sie gleich nit vñständen wie es zu
gieng / dz sie recht vñ war werē / liessē in genüge vñ glaubtes /
weyl sie hörē dz gott so redet vñ habē wil / Oder wolten sie ia
klüg sein / thetē dz nach gewöheit d̄ schrifft vñ einfeltiger art
d̄ sprachen / vñ liessen ir subtil vnd spitzige gedancē ansteen.

Dañ so man die einfeltige art d̄ sprachen ansihet / kan mā
sagen von ein ferwrigē eysen / Das ist feür / ob also / das eysen
das da ligt / ist eytel feür. Wan nun hie ein zectischer sophist /
sein spize klügheit zu beweisen / sich auffmächet / vñ wiß alle
welt sechten wolt / Eysen vñ feür werē zweyerley / vnd künd
nymer mer war sein / dz eysen feür sey / sag mir / ob der nit ein
vñsynniger nar werē / der die leüt von der einfeltige weiß zu
reden / auff sein spize / scharpffe sophistische weiß wolt fürē /
So doch die einfeltige sprach nichts meer wil mit dē spruch /
Das eysen ist eytel feür / dan das sie deüten wil / wie da eysen
vnd feür in eināder seind / das wa eysen ist / da auch feür sey.
Vnd niemā so toll ist / d̄ hie bedürffe der grossen sophistische
klügheit / wie holz nit stein / feür nit eysē / wasser nit erdē sey.

Wie nun eysen feür ist / vñ feür eysen / nach einfeltiger art d̄
sprach / vñ die zweyerley in eināder vñ gleich ein ding seind /
doch ein yeglichs sein wesen für sich helt / Also hetten sie sich
hie auch leichtlich mügen demütigen / vnd ir spize klügheit
lassen / vnd mit Christo vñ aller welt auff einfeltige schlechte
weyß der sprach sagen vō brot / Das ist mein leib. Seytemal
das so vil gesagt ist / da ist brot vnd leib ein ding oder mit ein
ander / wie feür vnd eysen / vñnd ist doch niemant so toll / der
darüb solt sagen / das leib vñ brot nit zweyerley vnder schid
liche wesen seyen / Gleich wie wir auch von dē menschē Chri
sto sagen / Der ist gott / vñ widerüb gott ist mēsch. Vnd doch
niemant so toll ist / der nit wisse / das gottheit vnd menscheit
zwo vnder schydliche natur seind / welcher keine in die ander
verwandelt wirt / sond̄ die einfeltige rede wil so vil sagen vñ
deuten / das da in Christo sey gottheit vñ mēschheit in einand
wie ein ding / dz wa d̄ mēsch ist / daselbst auch gott ist leiblich
wie Pau. sagt.

Sihe/ so hett sie die einfeltige art d̄ sprachen leichtlich kün-
den entrichtē/ die durch ire spize vnd ersüchte scherpfte der
vernunfft/in selbs vñ andern so vil vnnützer müe vñ arbeyt
machen. Vnd du solt sehē/weyl sie auff der ban geen/das sie
gottes wort wöllen nit mit dē glauben eren/ oder nach einfelti-
ger weise der sprachen annemē/sonder mit der sophistischē
vernunfft vnd spizer subtiliteten messen vnd meystern/wer-
den sie gar seyn dahyn kōmen/dz sie auch laugē werdē/ Chri-
stus sey nit gott. Dan̄ bey der vernunfft laut es ja so torecht/
Mensch ist Gott/als Brot ist leib. Vnd weyl sie eins laugē/
werden sie gar bald vnd frisch das ander auch laugē. Das
sücht auch der teüfel/der sie auß der schrifft in ire vernunfft ge-
fürt hat/das er all alte ketzerey wider hereyn bringe. Dan̄ du
solt wunder sehen/wie klüg die vnunfft sein wirt/sonderlich
im tollen pöfel/vnd den kopffschütteln vnd sagen/ Ja gott
heit vñ menscheit seind zweyerley ding/vnmesslich von ein-
ander gescheyden/als ein ewigs von ein zeitlichen/wie kan
dan̄ eins das ander sein/od̄ yemant sagen/ Mensch ist gott:
So müstestu auch sagen/zeytig ist ewig/sterblich ist vnsterb-
lich/vnd dergleichen/wie sie hie in D. Carlstats kopff wider
dz sacramēt auch allsägt/da wirt sie es dan̄ sein troffē habē.

Oder wa dise art der sprach in nit gefiele/möchten sie sich
nach der weiß der schrifft richten/die da im gemeynē brauch
hat die figur/so da Synecdoche heist/dz ist/wan̄ sie ein gan-
zes nennet vnd doch nur ein teyl meynet/wie sie thūt/da sie
dz Israelisch volck/ein eygenthum heist vnd ein sonderlich
volck gottes/so doch das grösser teyl darüder allzeyt des teü-
fels/vnd das weniger teil gottes war. Wie auch Paulus die
Galather/Corinther vnd ander stette/gottes gemeyne nenn-
et/so doch das weniger teyl rechte gottes kinder darinnen
seind/Ja. 1. Corin. 10. nennet er alle die ein brot vnd einē leib/
die von einem kelch teyl nemen/so doch vil der selbigen den
kelch vnwürdiglich namen/wie er selbs sagt.

Also hetten dise sophistische vñ spize klüglinge an disem
ort auch mügen/das ganze stück/als brot vnd leib/da Chri-

stus von redet/deütet allein auff den leib/da er spricht/Das
ist mein leib/vnangesehen das brot. Nit/das brot sol nit da
sein/sonder das in der rede/so groß am leib gelegē ist/das er
dauon redet/als wer eytel leib da/vñ alles was da ist/es sey
brot od farbe/nichts dan der leib were. Gleich als wan auch
ein mäter auff die wiegen da ir kind innen lege/deütet vnnd
spreche/das ist mein kind/Vnd ein Sophist spottet ir vnnd
spreche/Wie ist die wiege dein kind:meynstu nit/sie wird in
für ein narē od scherger haltē:als der mäter williglich nit wolt
die sprach vñ steen/da sie beyde auff wiegen vnd kind deütet/
vñ doch dz kind fürnemlich meynet/als were kein wiegē da.

Item S. Paulus Roma. 1. nennet das mündlich Euange
lion ein krafft gottes/Las hie einen klügē sophisten kōmen/
der gottes krafft (als die ewig ist) wisse zu scheyden von dem
mündlichē schall der stymme die im augenblick vergeet. Di
ser würt sein kunst beweisen/vnd auch ein tuto oder tato her
für bringen vnd schliessen/also/Leibliche stūm kan nit gotes
krafft sein/So muß dan Paulus liegen/das er solich münde
lich leiblich wort/gottes krafft heyst. Item S. Peter würt
auch des gleichen müssen leiden/weyl er. 1. Pe. 1. spricht/Das
wort gottes bleibe ewig/wie auch Isaias sagt/vnd deütet
doch dasselb wort/das vnder vns gepredigt ist. Wie ist hie
war/das ein ewig ding sey ein vergenglichs?

Ein sophist kans nit glaubē/wer aber weyßt den gemey
nen brauch der schrifft/den irret solichs gar nichts/vñ ist im
gantz leicht zu versteen/Dan es richtet die figur Synecdoche
alles feyn auß/welche nit allein in der schrifft/sonder in allen
sprachen mechtiglich regiert. Daher siehestu nun/dz diser böß
geyst/auch noch nit die mäter sprach redē oder versteen kan/
vnd D. Carlstatß grosse kunst in Kriechischer vñ Ebreischer
sprach fūrgibt/wol werdt were/das man in mit seinen pro
pheten wider zur mäter oder in ein deütsche schül fūret/das
er zu vor deütsch leret reden vnd versteen.

Das ander stück der hohē vernūfft ist/das D. Carlstat ein
her feret/als hab ers erstritten/das nichts dan brot vñ wein

im Sacramēt sey/ vnd sagt/ wa Christus hab seinen leib zu
empfehen befohlen/ der doch hab gesagt/ Nemet dz brot vñ
esset. Darumb soltē die huzelprediger (o schön deütsch) habē
gepredigt/ wie mā des Herrn brot würdiglich esse/ wie Pau.
predigt. Wan ich nun dise hohe geister widerum fragt/ Wa
steets dan/ das Christus spricht/ Nemet das brot vnd esset.
So werden sie nur das zeügnis in irer inwēdigkeit villicheit
zeygen/ dē glaube der kolkrub/ ich nit. Ich weyß nyrgent das
vns Christus heyst das brot nemē vnd essen/ SOND sprucht/
Nemet hyn esset dz ist mein leib. Wie heist er mich seinen leib
nemē vñ essen vñ nit brot/ Doch diser geist hats alles macht
zu setzen/ endern/ zu vnd abthun/ wie er wil/ wie kan er irer
Solichs stücklin der vernunfft zustercken/ gibt er dē bapst
schuld vil grosser gewilicher stuch. Das erst/ Das er gott sein
eer dieblich stele/ darüb dz er vns heysse zur gestalt des brots
sagen/ Mein gott bis mir gnedig. Das ander/ Das er wider
spieche der warheit/ damit das er lere/ wir sollē des brots ge
dencken/ vnd last vns des leibs Christi vergessen. Das drit/
Das er Paulus lere verwüste/ damit/ dz er des brots gestalt
so hoch hebe/ das wir des gedechtnis des Herrn vergessen.
Das vierdt/ Das er vnsynnige leüt mache/ damit/ dz er vns
lere das brot eerlich essen/ ob wir gleich nymer an Christu ge
dencken. Das fünfft/ Das er dz leiden Christi vnnütz mache/
weyl er leret/ das Christus in d gestalt des brots die sünd ver
gebe/ vñ vns erlöset hat/ Dan so wer er vñ sunst am crüz ge
storbē. Da hastu es Bapst/ lauff mir mer nach/ Ich meyn du
seyest troffen. Dise fünff stuch hatt er so wüß in einander ges
speyet/ das mirs sawr ist worden in solche ordnüg zu bringē.
Was sol ich thun? Antwort ich hie/ so bin ich Papistisch.
Aber D. Carlstat hatt gedacht/ des Bapsts gewel ist durch
andie für mir an den tag bracht. Nun wolt ich auch gern an
dē todten Hector ritter werden. Solich aber schreibē/ das an
der geschriben haben/ vnd nichts newes herfür bringē/ so ist
mir/ als ein solchen grossen hymlichē prophetē ein schäd.
Wolan ich wil an in/ vnd solt ich eytel lugē von im schreibē.

Zwar der Bapst hat mir mit den seinē vil meer leidens thon/
dan D. Carlstat/ vnd noch teglich thut. Ja sie haben D. Carl
stat bissher höchlich vacht. Dañoch wolt ich nit so toll sein/
das ich den Bapst solt angreyffen/damit/dz ich selbst wuste
das offentlich erstuncken vñ erlogē were. Der Bapst mit den
seinen gebē nichts drauff/dzich sie mit offentlicher warheit/
vnd heller schrifft hab troffen/Was soltē sie dan achte/dz sie
D. Carlstat mit greifflichē lugē/die er selbs weißt/angreiffet:

Dan des Bapsts leben vnd der seinē sey wie es wöll. Wir
reden yetzt vō seiner leer/nō demouibus sed dogmatibus Pa
pe. Wie sag ich/irret D. Carlstat nit/ sond sein gewissē weißt/
das er auff den Bapst offenbarlich leugt. Dan er ist auch ein
Sophist gewesen/vnd hat der hohē schulen vñ des Bapsts
Theologia beyde gelernet vnd geleret. Nun leret der Bapst
nyrgent/das man zur gestalt des brots sol sagen/ Mein gott
biß mir gnedig/wie alle welt weißt. Item er lernet nyrgent/
das man des brots sol gedēckē/vñ des leibs Christi vgeffen.
Item er leret nyrgent die gestalt des brots so hoch achten/dz
man des gedechtniß des **HERN** vergesse. Itē er leret nyrg
gent/das man das brot sol eerlich essen/ also das mā düber
Christus nymer gedēcke. Item er macht damit Christus lei
den nit vnnützig/dz er leret/Christus in des brots gestalt/ver
gebe die sünd vnd erlöß vns/ Ja er leret solchs auch nit. So
lich fünff stück leügt D. Carlstat wider sein eygen gewissen/
auff den Bapst/das weyst er selbs vnd alle welt.

Darumb wolt er dē Bapst schuld geben/das er gottes ere
dieblich stele/der warheit widerspreche/S. Paulus lere ver
wüßtet/vnsynnige leut machet/vñ das leidē Christi vnnützig
macht/solt er ander stück vnd vsach zeygē/Dan solche stück
beweisen vil meer/das D. Carlstat ein lügenhaffrigen bösen
geist hat/der den leuten ir ere raubet offentlich/ sein eygē ge
wissen widerspricht/vnd als ein vnsynniger narz sich selbs zu
sünden vnd zu schanden für aller welt macht. Welch ein sein
geist solt mir das sein/der den teüfel mit dem teüfel wolt vs
treibē. Ja mit offentlichē lugē die offentlichē warheit schēdē.

Was mag wol D. Carlstat in disen vnuerſchampten lugē
geſucht habē: Ich acht die zwey/ Das erſt/ das der pöfel ſoll
denckē. Es iſt nichts das der Luther od̄ ander an dē Bapſt
gethon habē: Sie heuchlen im alle/ Zie iſt der man/ D. Carl
ſtat wirts thün/ der weyſt den Bapſt recht auff zūneſeln /
Wie dunckt dich neyber Andres/ vnd lieber gefatter Peter:
Das ander/ das er den Luther mit dē Bapſt einwickle/ vnd
ſeinen rülgen vnd trölpfen einblewe/ das der Luther eben dz
lere/ dz der Bapſt/ ia ein zwifaltiger Papift ſey/ wie er mich
dan̄ auch neñet. Solchs thüt der teüfel D. Carlstats nit/ das
er des Bapſts teüfel ſeynd ſey/ vñ welchem er in D. Carlstat
geſant iſt/ dē Bapſtum liſtiglich wider auff zū helffen/ ſond̄
dz er das alles zū nicht mache/ was gott durch vns im Eua
gelio bißher hat gewirckt vnd ſo vil ſeelen errettet/ das geet
dem teüfel ſawr in die naſen.

Wolan/ ſo wiſſe nun mein Leſer widerumb/ Weil D. Carl
stats geiſt ſo frech vnd freuel iſt/ das er vnuerſchäp̄t auff die
leüt öffentlich leuget wid̄ ſein eygen gewiſſen in ſolcher groſ
ſer trefflicher ſachen/ da auch aller yrehum vnd zweyfel (wil
ſchweigen öffentliche lügen) wie giſt zū meiden iſt/ das ein
ſolcher geiſt nit anders dan̄ ein böſer zorniger teüfel ſey/ dan̄
es gar kein ernſt iſt/ diſe ſach zū hädeln/ ſonder durch D. Carl
stats neydichē groll/ ſich gern wolt an vns rechen/ vnd vn
ſer Euangelion zū nicht machen/ Dan̄ wir lerē nit des brots
geſtalt anbetten/ fürchtē oder eerlich haltē/ noch des 3. Kern
todt vergeſſen/ Sonder den leib vñ blüt Chriſti eren wir im
brot/ wie er ſelbs wol weyſt/ vnd dazu auch wider vns ſicht
in diſem ganzē büch/ das wirs nit für eytel brot noch brots
geſtalt haltē/ vnd vns doch ſchuld gibt/ wir eren eytel brot/
als einer der vnſynnig iſt/ vnd wider ſich ſelbs redet.

Darüb mögē wir wol billicher ſagē/ das D. Carlstat gott
ſein eer raubet/ der warheit widerſpricht/ S. Paulus lere ver
wüſt/ vnd Chriſtus leidē vnnütz macht/ weyl er wider hellē/
gewaltigen text leugnet/ das leib vnd blüt Chriſti im Sacra
ment ſey/ vñ gloſen daher tregt/ auß ſeinem kopff/ da weder

*in spiritu et veritate
opys adorare*

scheyn/gründ/schuffte/nach vrsach bey ist/vñ zu letzt auch nit
bas bewerer kan/dañ das er güte/fette starcke lügē auslast.
dazū als ein vnsinniger wid sich selbs redet. Sihe/da hastu
das ander feyne stück der lieben vernunft/wie fein sie in göt
lichen sachen sich weyßt zu zieren. Wie aber das war sey/dz
vns Christus im sacrament die sünd vgebe/wollen wir bass
einhind sparen/da er sich recht vnnütz drüber macht.

Das dritte stücklin fraw hulden/damit sie beweyßt/das
Christus leyb nit im sacramēt sey/ist diß/da Christus spricht
Sein fleisch sey kein nütz Joh.6. Jē/Es ist euch nutz/dz ich
weg gee/gee ich nit weg/so köpft d tröster nit. Wa hat Chri
stus (spricht er) seinen leyb befolhē zu empfabē: Welche frag
er offte anzeücht mit sein tuto/als gewiß/dz er gewonne hab
So antworten wir widerüb/als dē d vlorh hat mit allē schā
den/dz Christus vns seinen leib heyst empfabē/da er spricht
Nemet hyn/esset/dz ist mein leyb/Das sey ein mal gsagt/so
vil als tausent mal/vff solche frage. Dañ das tuto vñ grosser
büchstab vñ püct/habē dz panir vlorē/wie wir drobē erwey

Ists aber nit ein feyne kunst vñ ein mechtiger (set haben.
schluß/Das fleisch ist kein nutz/dum̄ empfabt man nit den
leyb Christi im Sacrament: Keym dich bundschlich. War
umb nit eben so mer also: D. Carlstat ist nit mer zu Olemüde
darüb ist Christus leyb nit im Sacramēt/Syntemal eins ia
so feyn volgt als das ander. Was sol doch das zum Sacra
ment thān od hindern/das Christus fleisch kein nütz ist: wz
ist er nütz/das er da sitzt im abentmal/vnd das tuto vff jnen
deütet nach jrem traum: Lieber last mich ewer kunst brauchē
jr geyster/Christus fleisch ist kein nütz/dum̄ sitzt er nit am ti
sche/vnd das tuto zeygt nit vff jn/Silts nit so starck als ew
er folge: Sagt mir/wa ist christus fleisch nutz: Am creüz: im
hymel: in müter leybe: Wa dan: So hör ich wol/er müste nit
gent sein/weyl er nirgent kein nutz ist. Dañ so das wol folget
Christus fleisch ist kein nütz/darumb ist es nit im Sacramēt.
So folget auch/das es nyrgent sey/Dañ das es nutz sey/ge
höret eben so wol geyst darzu/wañ er am creüz od im hymel

J

*Solche geistliche vront
fleischlich ver
non ist er
dot*

ist/ als wann er im Sacrament ist. Wie dunckelt dich das seind
ja hymelsche propheten/ So sol man das sacrament angreif
fen wenn mans stürzen wil.

Weyter sagt mir/ Ewer sacrament/ brot vnd wein/ was
ists nütz? Ists nicht nütz/ so ists auch nit im abentmal/ so em
pfahets auch niemant. Dañ was kein nütz ist/ das ist nit da/
wie ir selbst sagt/ das Christus leib nit da mög sein/ weil sein
fleysch kein nütz ist. Wa bleibt dañ dz abentmal? Dañ es wirt
freylich keins nymer mer so heylig sein noch werden/ das da
nütz sey/ weyl Christus fleysch kein nütz ist/ das doch dz aller
heiligst ist. Ist das nit geschwermt vnd getobet/ lieber/ was
ist dañ schwermen vnd toben? Ich wil geschweigē/ das der
blinde freche geist Christus wort meystert vnd verkert. Dañ
Christus spricht nit/ Mein fleisch ist kein nütz/ Sonder also/
Fleysch ist kein nütz/ Vñ seinē fleysch sagt er aber also/ Mein
fleysch ist ein rechte speiß.

*er antwortet aber de
Juden die von seinem
fleysch redten. quod
hic nobis sua carnis g.*

Es ist gar vil ein ander ding/ fleysch/ vñ Christus fleysch.
Ite ein and ding/ Christus fleysch ist kein nütz/ vñ Christus
fleysch ist dir oder mir kein nütz. Das muß ich weyter vñ frei
chen/ zū beweisen/ das dise geister/ so gottes eüsserlich wort
verachten/ nichts recht versteen in der schrifft. Gott ist güt/
vñ alles was er geschaffē hat ist auch güt. Gene. 1. Was aber
güt ist/ das ist auch nütz. Ein gottlosen aber ist nichts güt
noch nütz/ nichts reyn noch heylsam/ sonder alles schedlich/
böß/ vnreyn vnd verdamllich/ auch gott selber/ nit gotts od
der creaturen halben/ sonder seins vnglaubens halbē/ der es
alles mißbraucht/ Dürb sol mā nit sagen/ dz Christus fleysch
kein nütz sey/ sonder/ fleysch ist kein nütz/ wie Paulus sagt/
Fleysch vnd blüt besitzē das hymelreich nit/ das fleysch hie
sey/ fleyschlicher syn/ will/ verstand/ vnd dunckel/ wie Pau.
Ro. 8. sagt/ Fleyschlich gesynnet sein/ ist d todt. Also da Chri
stus Johan. 6. von seinē fleysch redet/ das es die rechte speiß
were/ strafft er der Judē verstand/ d es fleyschlich verstünd/
vnd spricht/ solche wort seind geist vñ lebē/ Fleysch aber sey
kein nütz/ das ist fleyschlich solche geistliche wort zū verstee
ist nichts dañ todt.

Ja sagen sie/ Das brot des **HERN** vñ der kelch ist nützig/
wan man würdiglich ist vnd trinckt/welchs geschicht im er
kenntnis Christi/das man in hertzlich vnd brünstiglich erkene
vnd schmecke/Lieber/was sol man sagen: Ewer brot vñnd
wein ist nützig/wan mans mit brünstiger erkenntnis Christi ist
vnd schmecke. Warüb ist nit auch vnser sacramēt nützig/wan
mans mit rechten glauben isset vnd empfahe: oder ist Chi
stus leib vnd blüt nit so mechtig/so es mit rechtē glauben im
sacramēt genossen wirt/ als ewer ammechtig brot vñ weinz
oder gilt rechter glaub nit so vil als brünstig erkenntnis Chri
sti: Sag mir aber du lugengeist/wan oder wa haben wir ge
lert/das dz sacramēt (wiewol es an jm selbst ymer nützig/heyl
sam vnd güt ist) yemants nützig sey/ er neme es dan im glaubē
durch die wort gottes die dünnen seind:

Es sind eytel rechte tūfels grifflin/da D. Carlstat mit vñ
geet. Erstlich führt er treffliche prechtige wort (hertzlich/brün
stiglich/schmack/erkentnis Christi) das man meynen sol/ es
sey sein ernst/ Dan er sahe wol/ das brot vñ wein zū schlechte
ding ist/darumb müst ers mit solchem zūsatz auffblasen/vñ
zeygt doch nit weiß noch weg/wie mā dazū kōmen sol. Düm
andern/braucht er nit des worts glauben/vff das er gesehē
werde/als der vil höher vñ ander ding lere/dan wir/vñ als
sey rechter glaub nichts gegen dē brünstigen erkenntnis/vnd
er weyßt doch eben so vil/was erkenntnis Christi ist/als was
glaub oder güt gewissen sey. Düm dūttē sticht er meuchlings
vnd wil vns dargeben/als leretē wir schlechts dz sacrament
empfahe/on wort vñ glaubē/so ers doch wol ande weyßt/
vñ leugt abermal giftiglich vñ mütwilliglich. Nun hab ich
doben gesagt/mit offentlichen lügen in disen grossen sachē
handeln/ist keins gütē geists werck/sonder eins rachgyrige
teūfels/da auch D. Carlstat mit besessen ist.

Darnach kompt er vff das wort Sacramentaliter/vñnd
spricht/ Das Christus fleisch sacramentlich sey gar nichts
nützig/so wenig als er natürlich nützig sey/dan man drinnen we
der den todt noch die vffersteung sehen kan. c. Vñnd rümet

non sonat homines

sich hie/ er hab mit dem stuck dem Babst ans ore geschlagē/
das im das ganz angficht verschwarzet/ beyde mit newē vñ
alten Papiſten. Rñme dich rūplin dein vatter war ein kol-
wurm. Ich weyß nit ob der geyst sich mütwillig stelle als er
vnſinnig vñ toll ſey/ oder ob in Got ſo grewlich plagt. Er
ſagt ein bloß/nackte/anmechtig wort da her auß ſeinem kopf
on allen grund/das Chriſtus leyb Sacramētlich ſey nicht ic.
Vñ mit ſolchem wort will er Babſt vñ alles geſchlagē ha-
ben/ Ja wens der heyden Priapus were/ der ließe vñleucht
einen ſurtz für ſolchem treſſlichen ſchrecken.

Droben hab ich geſagt/das es mit recht ſey/ ſonđ iſt Gott
geleſtert/wañ man ſpricht/ Chriſtus leyb ſey nit nütz/wie di-
ſer toller geyst tobet/ Er iſt ymerdar nütz wa er iſt/ob er wol
meins vnglaubens halben mir nit nütz ſey. Die ſonne ſchey-
net ymerdar/ob ſie wol d blinde nit ſihet/ Vñ das wort go-
tes iſt ymer heylſam/obs wol dē gotloſen ein giſt vñ geruch
des tods zum tod iſt/ Vñ Chriſtus leyb iſt ymer im ſacramēt
ob er wol diſen tollē blindē geiſtern nit dünnē iſt/die noch nit
ſo vil gelernet haben auß iren hohen hymliſchen geyst/dz ſie
wüſtē/wie fleych vñ Chriſtus fleych/mit einerley fleych iſt
ſonđ eins ein fleych des lebēs/das and ein fleych des tods
iſt/Vñ wñ ligt auch ſolchē propheten beyde am lebē vñ tode-
betten ſie nur die ere/dz ſie heylge geyster werē/dz wer gnüg
Das er aber ſagt/Man müge im ſacrament nit ſehen den
tod vñ vfferſtehung Chriſti/darüb ſey Chriſtus da kein nütz.
Lieber iſts war: O der hohen propheten/Sag mir aber wie
derumb/wie ſihet man den tod vñ vfferſtehung in Chriſtus
leyb d da ſigt im abentmal/vff welchen dz tuto deütet: Iſts
im an d ſtirn gemalt: Tit: Ky ſo iſt er euch da auch kein nütz.
Wie bethüt ſich doch d geyst in allen ſeinen worten/ Nichts
kan er ſagen/das man im nit wiđ vff ſeinē kopff ſtoſſe vñ tre-
ffe/dz er nit allein ſchwarz wirt/ſonder auch dünneln alſ ein
truncken Bold. So nun die wort Chriſti vñ ziehē vñ leren in
dē ſigenden Chriſto ſeinen tod vñ vfferſtehūg erkennē/war-
umb ſolten ſie das nit auch thūn in dē leyb vñ blūt im Sa-

erament: Dañ nit der leyb Christi / er sey am tisch sitzend od
im Brot / sonder die wort da er spricht / Der wirt für euch gebē
leren vns den tod vnd vfferstehung Christi.

Wañ aber gleich jr erkenntniß vnd gedechtniß von Christo
eytel brunst / eytel hertz / eytel hitz / eytel feur were / dz auch die
rottengeyster dafür verschmiltzen / vnd solche ire geysterey
mit nach tausentmal prechtigern Worten vffgeblasen wurde
was were dañ gescheen? Was hette man dauon? Nichts /
dañ neue munche vnd heüchler / die mit grosser andacht vñ
ernst sich gegen dē Brot vñ weyn stellten (weñs wol geriete)
wie bißher die blöde gewissen sich gegen dē sacramēt gestelt
haben. Es wurde eben ein solche angst vñ not sich eben über
disem erkenntniß vnd gedechtniß / wie sich erhabe hat bißher
über dē / das man Christus leyb würdiglich empfangen wolt
Dann das erkenntniß / das sie fürgeben / thüts nit / der teuffel
weist auch fast wol / vnd erkennet / das Christus leyb sey für
vns gegeben / vnd hilfft in doch nichts.

Das erkenntniß aber hilfft / wañ ich nit zweiffel / sond mit
rechtem glauben feste halte / das Christus leyb vnd blüt / sey
für mich / für mich / für mich (sage ich) gegeben / mein sünde zū
vtilgen / wie die wort im sacrament lauten (Das ist der leib d
für euch gegeben wirt). Durch dis erkentniß werden frölich
freye vñ sichere gewissen / Das meinet Isa. 53. durch sein selb
best erkentniß wirt er vil rechtfertig machen. Dise lere ist D.
Carlstats geyst so feind / als dē tod / vnd wolt sie gern zū nüt
machen / vnd gauckelt daher vō bünnstiger / hertzlicher / ernst
licher erkentniß des leybs Christi / als wers sein ernst / vñ last
doch da steckē / meinet nit / das man sehe / wie er auß den wor
ten Christi ein lauter gepot vñ gsatz macht / welchs nit meer
thū / den vns heisse vnd gepiete sein zū gedenccken vnd erken
nen. Vnd dazü dz erkentniß nichts anders deñ ein werck ma
chet / das wir thün / vnd die weil nichts dañ Brot vnd weyn
da empfaßen sollen. Doch dauon weytter hinden nach.

Ich wil dir aber den geyst vbraten. Mit solchen prechtigē
worten / wil er dem geschrey zūvorkomen / das man nicht sol

J iij

dortin Karolff
ler

man hat müssen
wie vil fürcht
halten

sagen/er mache das sacrament gar zu nichte/weil er schlechte
Brot vñ wein da macht/darüb kruset vñ mußt er solche gros
se wort vff/das man sol wenen/er wöll dz sacramēt hoch he
ben. Aber im grūd ist dz des teuffels meinung/das ers gar zu
boden stosse/vñ richte an ein gute collation/da man zu lers si
ge freß vñ sauffe/vnd werff krüg vnd kannē wider die wen
de/rauff vnd schlage sich düber/Dañ so man bißher nit hat
fürcht erhalten mügen/da man glaubt/das Christns warer
leyb da ist/was für fürcht wil bleybē/wañ man schlecht Brot
vñ weyn da zu sein glaubt: Ey wie gute gellen wellē wir da
werdē/schlēmen vñ temen das die liebe heyde wagt.

So sihestu abermal den teuffel klerlich / der das jenige so
Christus verheyst/zum gepot macht / vnd an statt des glau
bens ein werck vffricht / wie ich droben vō jm gesagt habe/
dan all das gespey/dz D. Carlstat von dē erkentnis des leibs
Christi in diser sache außwirfft/sleust auß dē grūd/dz er sein
tuto vff den sitzendē leyb Christi gerichtet hat/auß seinē eigē
kopff/wie wir gehört haben/dañ mit dē tuto/meynet er/sey
vns gepotten nichts anders/den das erkentnis Christi zu übē
in diesem Sacramēt / So doch Christus kein wort von solchē
erkentnis/ gepot oder werck daselbst redet./Er kans auch kei
nen grund schrift noch vrsach setzen/on sein verlorē tuto vñ
seinen eigen dunkel/welchen glaub/wer dem teuffel glaubē
wil/vnd macht dazu solch erkentnis ein lauter werck/damit
er beyde glauben vnd verheystung Christi verstōret.

Auß welchē du magst greiffen/das D. Carlstats Theolo
gia nit höher ist komen/dañ dz sie leret/wie wir christo nach
sollen volgen / vñ auß Christo nur ein exempel vnd gepieter
macht/darauß nichts dan werck gelernt werden. Er weyst
aber vnd leret Christū nicht/wie er vnser schatz vnd Gotes
geschenck ist/darauß der glaube volget/welchs das höchst
stück ist/Vnd vermeint solchs alles zu verschmucken vnd zu
vertunckeln mit disen Worten/brünstig erkantnis/hizig ge
dechnis/vñ d gleichen. Vñ fellt also widerumb sein vō glau
ben vff die werck/das seine ler vnd kunst/wie ich lengst wol

gemerckt habe/ endelich wider da hyn wil/ das der frey wil
sey etwas in gottes sachen vnd gütten wercken.

Dazu ist der tolle geyst so vnuerstendig in der schrift/ das
er das wort / Gedechtnis / da Christus spricht/ das thut zu
meinem gedechtnis / nit anders verstet/ dan wie die Sophi
sten/ von den innerlichen gedanken im hertzen/ wie man an
jemand gedencft/ Dan diser geyst muß hinein vnd geystlich
inierlich machen was gott eüsserlich habē will/ da wirt nicks
anders auß/ Das ist aber noch erger vnd toller/ dz er solchem
gedechtnis gibe die macht/ dz es rechtfertige/ wie der glaub.
Vñ füret des solichē grund. Danes stehet geschribē (sprichet
er) das sye das zu meinem gedechtnis ihon haben. Wie dun
cket dich? Es steet geschriben/ sy habens zu meinem gedech
tnis gethon. Darumb mache soliche gedechtnis gerecht. Da
greyffest du/ wie sein D. Carlstat des **HERREN** abetmal
sein gedechtnis/ vnd die rechtfertigung verstet/ nemlich/ dz
der teüfel nur sein spil vnd spott hat in diser sachen.

Du aber solt wissen vñ behalten/ dz dis gedechtnis Christi
sey ein eüsserlich gedechtnis/ da man von jemand redt vñ sa
get/ wie der schrift art ist / Psal. 15. Ich will ires namen nitt
gedencken in meinem mund. Item Psal. 10. Ir gedechtnis
ist dahin mit jten. Item Psal. 72. Das des names Israel nitt
mer gedacht werd. Item Psal. 111. Der gerecht hat ein ewige
gedechtnis. Das also Christus mit dem wort. Dztut zu mei
nem gedechtnis/ eben so vil will/ als Paulus mit dē. Ir solt
des **HERREN** tod verkündigen ic. das Christus wil haben
man soll von im predigen/ wann wir das sacrament genieß
sen/ vñ das Euangelion sagen/ den glauben zu stercken. Vñ
so sitzen vnd mit gedanken spilen im hertzen/ vñnd ein güt
werck auß solchē gedechtnis machē/ wie D. Carlstat traume
O dz die prophetē vorhiß studirtē/ ee sy bücher außließen.

Darauf du wol merckest/ das solche gedechtnis nicht rech
tfertigt/ sonder sy müssen zu vor rechtfertig sein/ die da predi
gen/ verkündigen vnd das eüsserlich gedechtnis des **HER
REN** treiben sollen/ wie geschribē stat Roma. 10. Mit dem

herzen glaube man so wirt man gerecht / aber mit dem müß
bekent man so wirt man selig. Die rechtfertigkeyt aber so D.
Carlstat auch auß dem erkantnis bringet / ist auch nichts / vñ
hüt dich dafür / Er leüget vñ treüget dich / Dañ er macht so
lich erkantnis nicht geystlich / wie es sein soll / Dañ Isaias re
det vom geyst vñ geystlichē erkantnis / welchs d̄ heilig geyst
in vns wücket / vñ nit wir selbs / welchs ist / so ich weiß / ge
wiß bin / vñ nit zweiffel / Christus sey für mich gegeben. Aber
Carlstat macht ein mēschliche / fleyschliche andacht darauß
vñ ein brünstig / hizig werck im hertzen / doch nicht höher /
dañ das man wisse vñ erkenne / wie Christus für vns gege
ben sey / welchs der teuffel vñ die heuchler auch künden.
Scientiam docet / usum scientie non potest docere. Er speyt
wol vil vom erkantnis / er zeüchets aber vñ fürt es nit recht
sond lastets ein schlecht werck sein / dz ist dañ fleyschlich vñ
nit geystlich erkantnis machen. Dañ sein geyst leydet auch
nit anders / was geystlich ist / müß er fleyschlich machen.

Das vierd stücklin fraw Zuden ist / da sie für sich nimpt
den spruch S. Pauli 1. Co. 11. Nemet hyn esset das ist d̄ leyb
der für euch gebrochen wirt / vñ will den selbē meistern. Hilff
Got / wie erblast vñ erzittert der geyst vor disem donner /
doch nimpt er im einen müß vñ spricht / Ach du armer vnwi
ziger man / meinstu / das Christus leyb gebrochen werd / wie
man das brot bricht .c. Aber lieber laß doch hörē / wie er sich
selb hie würgt vñ martert. Sag mir (spricht er) hat sich Chri
stus selbs gebrochē im brot? War er doch nit im brot als ers
brach / So vmagstu keine Apostel zeygen / d̄ Christus leib im
brot gebrochen hab. Du lest kumpt er da hinauß / dz Christus
kein bein sey zubrochen / darüb muß dis brechē züuersten sein
von seinem leyden / also / Das ist d̄ leyb d̄ für euch gebrochen
wirt / dz ist / d̄ für euch gecreuziget wirt. Sibe / lieber wie get
d̄ geyst hie vff eyern / wie ringt vñ windt er sich / wie hat er
brey im maul vñ mümet / als ein halb todter vzagter mēsch.
Nein liebs geystlin / du entlaufft mir nit also / Vñ wie wol
ich disen spruch droben vñ die andern solt haben gesetzt / so
hat mich

hat mich doch das vndordig sew gestrobe vñ vzwirte schuffte
dieses bûchs verhindert. Erstlich hilffte das nit/dz er durchs
brechen/dz leyden vnd kreuzigen versteẽ wil/den die schuffte
redet nit so/vñ er kans nit beweyssen/so gilt sein eigen traum
vnd gloß nit/Man finde wol/das die schuffte die betrubten
gemüt/zübrochen hertz vñ geyst heist/aber leiplich leyde nit
vnd ob sie es thete/ists darüb nit gewiß/dz hie auch so solle
sein/man mußes bas beweyssen/So thät dz nicks zur sachẽ
das Christus kein bein zübrochen ist/Dan vnser ist keiner so
toll/der da sage/das Christus im Sacrament werde zübro
chen sichtbarlich/wie man die dieber radbrecht. So bewey
ssen wir/dz Christus vñ die Apostel habẽ Christus leib gebro
chen lauts dieses spruchs/Das ist d leyb d für euch gebrochen
wirt/vñ müs ja im brechẽ sein dinnẽ gewesen/Pau.lieg den.

Aber laß vns dẽ schalck an die gurgel/Droben haben wir
gruntlich vnd mechtiglich beweist/das D. Carl. tuto müsse
vffs brot deüten/da er spricht/Nemet hyn/esset/tuto od dz
ist mein leyb/d für euch gegeben wirt.Weil den hie S.Paul.
auch das tuto setzt vñ spricht/Das ist d leyb der für euch ge
brochen wirt/müs es auch vffs brot deüten/So erzwingt d
tert/das disß brot sey d leyb der gebrochẽ wirt/Das kurzüb
mit gwalt disß brechen müß bleyben im abentmal/vnd über
tisch im essen/vñ sey nichts anders/wie ich droben gsagt ha
be/dan das d leyb außgeteylt wirt/in die gemeine/wie man
sonst brot bricht od außteylet in die gemein/das nit not ist hie
zũ traumen/wie Christus leyb im brot gerad brochen werd
sonder ist gnüg/das er gebrochẽ/dz ist/außgeteylt wirt in al
len stücken vnd partickeln des brots ganz vñ volkomen.

Also stet d spruch da fest/dz Christus leib vñ brot eins sind
vñ wa dz brot gebrochen wirt/das ebẽ so vil sey/als den leib
Christi brechẽ od außteylet/dz er vñ vile werd geteilt vñ em
pfangen/Dan wa S.Pau.nit hette gewelt/dz im brot d leib
Christi wer/solt er dz brechen(welchs eigentlich dẽ brot züge
hört/nach d schuffte art vnd brauch)nit dẽ leybe Christi züge
eigent haben. Nun ers aber beyds in einand fasset/also das

B

er auffß brot deütet/ vnd neitt es den gebrochen leib Christi/
das dem einbrechen/ beyde brot vñ der leib gebrochen wirt/
kan niemant für über/ man muß bekennen/ das der leib Chri
sti da sey im brot/ Vnd gleich wie durch dz brechen/ das brot
drüb nit sein wesen oder namē verleürt/ vnd gleich wol brot
bleibt vñ heyst/ obs wol zū stuckt wirt/ Also bleibt auch da d
leib Christi/ ob er wol durch vil stuck/ vnd vil vßgeteilt wirt.

Es ist noch eins dahindē/ S. Pau. spricht vom brot/ Das
ist der leib der für euch gebrochē wirt. Lieber/ wie mag es für
vns gebrochen werden: Vnder vns gebrochē/ were besser ge
west. O wie leichte beyn hatt hie diser geist/ wie feyn springe
er über das wort (für vns) Lieber warüb: Darüb/ Er hat jm
fürgenōmen zū leücken/ das im sacramēt vergebüg der sünd
sey/ Solch fürnemē aber ist ein dieck/ wa das brot bleibt (für
vns gebrochen) welchs mag nit anders sein/ dan das solchs
brot vnd leyb brechen geschehe/ vnd sey eingesetzt/ das vns
zū nutz kōme/ vns vō sündē erlöse/ dā Christus hat die krafft
vñ macht seins leidēs ins sacramēt gelegt/ dz mans daselbst
sol holen vñ sündē nach laut d wort/ Das ist mein leib/ der für
euch gebē wirt/ zür vergebüg der sündē/ wie wir hörē werdē
jcz bald hernach. Darüb war diß wort dē geist nit anzürüre.

Das fünfft stuck fraw hulden/ gilt nun in sonderheit dem
Luther/ welcher geleret hat/ Das/ wem sein gewisse schwer
ist von sünden/ sol zūm sacramēt geen/ vnd da trost vnd ver
gebung der sünden holen. Zie ist Peter rütz aller erst ein feyn
gesell/ vnd spricht freydiglich/ O ir falschen prophetē/ ir ver
heyst den leüten gotts reich vmb ein stuck brots/ Ich weyß
das ir durch ewer heymlich hauchen vnd zischen/ dz brot nit
besser macht/ warüb sagt ir dan/ das sünd vergeben künde/
wan ir drüber geblasen habt: Warüb nemet ir nit so mer ein
hand voll gersten/ vnd essets in gottes namē/ dz ir der sündē
frey werdet: Zie muß ich mit D. Carlstat selbs reden.

Mein lieber D. Carlstat/ da ir disen articel/ nit woltet od
kündtet anders anfechten/ dan also/ warumb bleibt ir doch
nit daheymē: ir habt zū schaffen all hēd voll/ wan ewer noch

tausent werē/ wa ir mich mit schrifftē vnd vsachē solt über
winden/ vnd ir faret zū/ vnd greiffe mich nur mit hōnischen
worten vnd offenbarlichen vnuerschāpten lugē an. Meynet
ir das ich mich für lugē fürchte/ da ir selbst wißt/ dz ir lieget:
Wan in weltlichen sachē yemant dē andern also mit lugē an
sein ere griffe/ das beyde teyl wüßte/ das erlogē were/ Lieber
solt einer nit zū dē selben sagē/ du leugst als ein ertzbüß vñ eer
loser bößwicht: Was sol man aber hie sagē/ da man in gött-
lichen sachē wider das gewissen vnuerschāpt leugt: Wolan
wer noch nit glaubt/ dz dise prophetē voll teüfel seyent/ d hōr
hie zū/ Ich wil sie es überzeügē mit iren vnuerschāptē lugē.

Vffs erst sagt mir/ Er lugengeist/ wan haben wir yemals
also gelert/ das ein stuck brots die sündē vergebe: Zui Peter
rülz vñ Victor Knebel/ zeygt doch des ein einzelē buchstaß
od punct/ ir plegt doch ewer ding damit zū beweisen/ Weil
ir dan wisset/ dz wir dz nit thūn/ was mags dan für ein geist
sein/ der euch so schendlich liegē heyst: Wan ir doch vs ver-
gessen oder vnwissen lüget/ künd ich euch für einen mensche
halten/ Aber nun ir in solchen ernste sachen/ so müßwilliglich
wissentlich vnd gifftriglich lieget/ kan niemāt anders in euch
sehen/ dan den bösen geist. Aber es ist die art diser propheten
also spöttisch vñ hōnisch zū reden von göttlichen sachē/ den
tollen pöfel zū regen/ der durch solche wort sol meynē/ es sey
eytel sig vnd triumph da/ ob sie wol keinen grund hören.

Vffs ander sagt mir/ wan zischen oder blasen wir über dz
brot: Zui doch/ zeygt an. Irē wa haben wir yemals gelert/
das durch vnser zischē vñ blasen das brot besser werde: Zui
doch: wan dan: Wolan ich wil auch einē schwür thūn/ wan
D. Carlstat glaubt/ das yrgent ein gott sey im hymel vnd er-
den/ so sol mir Christus mein her: nymer meer hold noch gne-
dig sein/ Das ist ia theür geschworen. Vsach ist dise/ D. Carl-
stat weyßt/ dz wir über dē brot vñ wein nit blasen noch zisch-
en/ sond die göttliche/ allmechtige/ hymliche/ heylige wort
sprechē/ die Christus im abēmal mit seinē heyligē müß selbs
sprach/ vñ zū sprechē befal/ ich wil schweigē d böse vñ sünd

liche pfaffen/ Das sag ich/ wann die selbigē wort ein esel/ wie
Balaās esel war/ Ja wann sie ein teüfel spreche/ denoch seind
es gotes wort/ vñ dafür zühaltē in allē erē/ wie sichs gepürt.
Nun sag an/ wer da gewißlich weyßt/ dz gotes wort sey/
vñ thar doch wissentlich die selbigē/ für ein menschlich zische
vnd blasen außschreyen/ verspotten vñ verlachen/ vnd den
armen pöfel mit solcher lügen vnd gifft verderbē/ vnd dazü
kein furcht noch schew/ noch rew düber nemen/ sonder sich
frewen vnd lust in solcher bosheit habē/ als werd in gott für
solche lesterung vnd leüt verfürung/ noch dazü krönen vnd
gnad juncker heysen/ Wie kan der glauben oder dencken/ dz
etwa ein gott sey? Er muß nit mit einem teüfel besessen sein.
Nun laß geen/ D. Carlstat wirts findē/ hat ers nit schon sun
den/ Schenckt jm gott das/ so wil ich auch sagē/ dz kein gott
sey/ Ich warne aber D. Carlstat früntlich dz er büß thū/ Es
ist hoch gnüg gott versücht/ Es hat auch lang gnüg gewes
ret/ Es wirt vnd muß bald anders werdē/ Gott geb ja/ das
ich hie müsse ein lugner vnd falscher prophet sein. Ach lieber
gott/ was machen wir/ wann du vns last?

Du ellender geist/ warumb greiffstu nit die recht sach an?
Warumb straffstu vnser lere nit? Du sichrest ein frembde lere
in vns an/ die du vns aufflegest vnd auffleügest/ vnd nit vn
ser ist/ Was ist leichter zühün/ dan ein lugē erdencken/ vñ ei
nem zümessen/ vnd darüber streiten vnd ritter werden? Das
ist aber vnser lere/ das brot vñ wein nichts helffe/ Ja auch d
leib vnd blüt im brot vnd wein nichts helffe/ Ich wil noch
weyter reden/ Christus am creüz mit allem seinem leiden vñ
tod/ hülfte nichts/ wans auch vffe aller brünstigest/ hitzigest
herzlichest erkant vñ bedacht wirt/ wie du lereß/ Es muß al
les noch ein ands da sein. Was dan? Das wort/ dz wort/ dz
wort/ hörstu du lugēgeist auch/ dz wort thüts/ Dan ob Chri
stus tausentmal für vns gegeben vñ gecrüziget würde/ wer es
alles vñ sunst/ wann nit dz wort gots keme/ vñ teylets vñ
schéckt mirs vñ sprech/ dz sol dein sein/ nimm hyn vñ hab dirs.
Also auch/ wann ich Carlstadischer lere nach/ das gedecht?

Luthero lere.

nif vnd erkenntniß Christi/mit solcher bunnst vñ ernst übet/
das ich blüt schwizte/vnd düber verbrennete/wer es alles
niches vnd ganz verloren/Dan da were eytel werck vnd ge
bott/Aber kein geschencf oder gotes wort/das mir Christus
leib vnd blüt darböte vnd geb/Vnd geschehe mir eben/als
wan mir ein kassen voll gulden vnd grosser schatz an einē ort
vergraben oder behaltē wurde/da möcht ich mich zu tod ge
dencken/vnd mit aller lust erkennē/grosse bunnst vnd hitz in
solchē kennen vnd gedencfē/gegebē dē schatz habē/bis ich dū
ber kräcf wurde/Aber was hülffe mich das alles/wan mir d
selbig schatz nymer mer geöffnet/gegebē vñ zūbracht/vñ in
mein gewalt überantwortet würd: Das hiesse warlich liebē
vñ nit genießē/Das hiesse vō geruch sat werdē/vñ vō sehen
ans glas/truncfē werdē/gleich wie Isaias sagt/dz ein trew
met/er esse vñ trinck/wā er aber vfwacht/ist sein sel ledig ic.

Eben solche trewmerey ist die gātz lere D. Carlstats/Dan
mit den prechtigen wortē/brünstig gedechtnis/hitzig erkent
nis/empfindlicher schmack des leidens Christi/effet er vns
vñ bringet vns nit weyter/dan das er vns dz heiltumb zeygt
durch ein glas oder in gefesse/Da mügen wir sehen vnd rie
chē bis wir sat werdē/ia im traum/Er gibts aber nit/thüt
nit vff/vnd laßt es nit vnser eygen sein/Ja mit solchē prech
tigen wortē wil er vns das wort verduncfeln/das vns sol
chen schatz gibt/da es spücht/Nemet hyn/dz ist der Leib für
euch gegeben.Das/für euch/ist im ein gifft vnd d bitter todt/
Es ist aber vnser trost vnd lebē/Dan es thüt den schatz vff/
vnd überantwort in vns zu eygen.

Vff dz man aber vnser lere dest bass verneme/wil ich deü
lich vnd grob dauon reden. Von der vergebung der sünden
handeln wir vffzwo weise. Ein mal wie sie erlāgt vñ erwor
ben ist/Das ander mal/wie sie vffgeteylt vnd vns geschēckt
wirt. Erworben hat sie Christus am creütz/dz ist war/Aber
er hat sie nit vffgeteylt oder gegeben am creütz/Im abentmal
oder sacramēt hat er sie nit erworben/Er hat sie aber daselbst
durchs wort vffgeteylt vnd gegeben/wie auch im Euāgelio

wa es predigt wirt. Die erwerbüg ist ein mal geschee am creuz
ge/ Aber die aufsteylüg ist offte geschee vorhin vñ hernach vñ
d welt anfang biß auß end/ Dañ weil er beschloffen hett/ sie
ein mal zñ erwerben/ galts bey jm gleich vil/ er teylet sie auß
zñ vor oder hernach durch seyn wort / wie das leichtlich mit
schrifften zñ beweyfen ist/ Aber yetz nit not nach zeyt.

Will ich nun meine sünd vergeben haben/ so müß ich nicht
zñ creüze lauffen/ dan da finde ich sie nach nicht außgeteilet
Ich muß mich auch nit zum gedechtniß vñ erkantniß halten
des leydens Christi/ wie Carlstat allfanzte/ dann da finde ich
sie auch nicht/ sonder zñ sacrament oder Euangelio/ da find
ich das wort/ das mir solche erworbnere vergabung am creüz
aufsteyle/ schenck/ darbeüt/ vñ gibt. Drüb hat Luther recht
gelert/ Das/ wer ein böse gewissen hat von sündē/ der sol zñ
sacrament geen vñ trost holen/ Nit am brot vnd weyn/ Nit
am leyb vnd blüt Christi/ sonder am wort/ das im sacramēt
mir den leyb vnd blüt Christi/ als für mich gegeben vnd ver
gossen/ darbeüt/ schenck vñ gibt/ Ist das nit klar gnüg.

So solt nun diser toller geyst also wider vns gefochten ha
ben vnd sagen/ O jr falsch prophetē/ jr habt kein wort im sa
cramēt/ dz euch d sünden vgebung schenck oder gebe/ Ich sa
ge abermal/ Das wort im sacrament solt er habē angefochtē
daruff wir steen/ truzen vñ bochē/ vñ solt beweyset habē/ dz
wirs nit darinnen hetten/ so wer er ein trewer ritter worden
Dañ wo gleich eytel brot vñ weyn da were/ wie sie sagē/ so a
ber doch dz wort do wer/ Neme hin/ dz ist mei leyb d für euch
gegeben ic. so were doch des selben worts halbē im sacramēt
vgebung der sündē. Gleich wie wir in d tauff eytel wasser be
kennen. Aber weil das wort Gotes darinnen ist/ das die sün
de vergibt/ sagē wir frey mit S. Paulus/ die tauff sey ein bad
der widergeburt vñ vernewerung/ Es ligt alles am wort.

Da hastu nun D. Darlstats teufel/ mein leser/ vñnd sihest
wie er jm hab fürgenomē/ gottes eüsserlich wort zñ nicht ma
chen/ welchs er auch nicht achtet noch ansihet/ vnd heist es
ein ziffchen/ hauchen vñ blasen. Item wie er das sacrament

*naß duon dan die
andere euangelia
als am vñ dwo wo
es 9 ruffet mich*

hat wöllen ganz vnd gar vffheben beyd leiplich vnd geystlich / Das leyplich Christus leyb vñ blüt nit soll da sein / Vñ das die vergebung der sünd nit soll da geystlich gescheen / dz weder Sacrament nach sein frucht da bleybe / Vñ an stat solcher Götlicher ordnung vnd wort / seine eigene trewme vñ gedechtniß vñ erkantniß vffrichten. Aber es hat jm die küst gefelt / Nun wisse was du von jm halten solt.

Ziher muß ich bringē / dz er schier am end des büchs spey et auß grosser vnunfft vñ klügheit / vñ spricht / Christus leyb sey im abentmal sterblich gewesen / jertz aber ist er vnsterblich vñ müg nit für vns gegebē werdē / wie die wort lautē / Dz ist d leyb d für euch gegebē wirt. So er aber jertz nit würt / noch kan für vns gegebē werdē / vñ die wort nū auß sind vñ falsch so man sie vñ vnsterbliche leybe redet / so muß es auch falsch sein / dz d sterbliche leyb sey im brot vñ wein gewesen / weil wir eben solchs abentmal halten nach dē tod Christi / nun er vnsterblich ist vñ nit gegebē wirt / wie Christus hielt da er sterblich war. Wie dunckt dich / wie sucht fraw Hulda luckē vñ lö

Zieruff antworten wir vffs erst / Dz Christus blüt (cherz nit Gabriels oder Michaels blüt wordē ist / da es vnsterblich ward / sond ist des selben Christi blüt blibē / Dan wir glaubē vñ ist war / dz Christus blüt / das nun im hymel zur rechtē gotes sitzt / sey für vns ein mal vergossen vñ kein anders. Wan man nū dz geschicht ansihet / damit er die vergebūg d sünd erworben hat / so war es am abentmal nit gescheē / Nun aber istis gescheen vñ vergangen. Wan man aber die aufsteylung der vergebūg ansihet / so ist kein zeyt da / sond ist vñ anfang der welt gescheē / wie auch Johan. in Apoca. sagt / das dz lab Gottes sey vñ d welt anfang getödet.

Weil nun allen die nach sünd haben / die zuuergebē sind d leyb vñ blüt Christi not ist / So istis nach jmer war / das er für sie gegeben / Dan wie wol die geschicht gescheē ist / so lang aber es mir nit zügeteylt wirt / istis gleich / als wer es für mich noch nit gescheē / dz solche Sophistisch spitzerey fraw Hulde nichts schaffe / die nit darauffsihet / wie es alles vmb dz aufteylen zü thun ist / vñ Christus die erwerbung vmb der.

aufsteylung willen gethon/ vñ in die aufsteylung gelegt hat.
Derhalbē auch S. Pau. spricht/wie d'obē berürt ist/ Der leib
Christi werd für vns gebrochē/ Es hindt noch fordert hie dy
vgebung nichts/ sterblich od vnsterblich sein/ es sey gescheen
od sol geschehē/ Es ist gnüg das dz selbig blüt ist. Dann mir
wirts v'gossen/wan mirs außgeteilt vñ zügeteilt wirt/dz für
mich v'gossen sey/welchs noch teglich geet vñ geen muß.

Diß seind fast die besten vñ schönste stück fraw zuldē/in
disen sachē/darinn man siht/wie sie des teuffels Braut ist vnd
redet woz jr d' selbig eingibt. Das nun forð D. Carlst. gauckelt
vñ spricht/Christus kom nit herab vom himel/weil Paulns
spricht/wir sollē des **3. Rm** tod verkündigen biß er kum/
Vñ spottet abermal des worts Gots/ob Christus müsse vff
springen vmb eins stinckenden adtemis willen eins truncken
pfaffen/Vñ ob wir in künden vñ hymel reissen vñ bannen:
Itē das Christus hett müssen seine stat da er saß/lassen/so er
ins brot wer gekrochen/vñ nach müßt den hymel lassen so er
ins brot kōmen solt. ic. vnd der gleichen vil schentlicher lester
wort/das sind alles solch kindische/tölpische/ja schentliche
gdancfē vñ lügen vnd einand/dz sie nit werd sind vantwor.

Dañ wir sagen nit/das er vñ hymel kōm oder lasse (tung.
seine stat ledig/Sonst müste diser geyst auch sagē/das gotes
sun/da er in seiner mütter leybe mensch ward/auch hette den
hymel gelassen/Vnd alles das Carlstat spottet vff dem leib
im sacrament/muß er auch spottē vff die gotheit Christi im
fleisch/wie er auch noch thūn wirt mit der zeyt. Item da S.
Stephanus Jesum sahe/Act. 8. sprach er nit/dz er keme von
hymel/sond stünde zür rechtē Gotes. Vñ Pau. Act. 9. hört in
auch reden/vñ kam doch nit vñ hymel. Sūma/d' tolle geyst
geet mit den kinder gedanken vmb als fare Christus vff vñ
nid. Versteet auch nit Christus reich/wie er ist an allen orten/
vnd wie Paulus spricht erfülle alles Eph. 1. Vns ist nit besol
hen zū forschen/wie es zū gehe/das vnser brot Christus leyb
wirt vnd sey/Gottes wort ist da/das sagts/da bleyben wir
bey vnd glaubens/Da beiß dich mit du armer teuffel/vnnd
forsche darnoch so lange/biß du erfereß wie es zügee.

Item das er auch vnser spottet/ als solten wir sagen vnd
lernen/ der kelch sey im blüt/ vnd alfanzt daher/ wie man kein
blüt da sehe/ vnd jmer die oren von Gots wort keret/ vñ mit
den bloßen augen vff brot vñ wein sihet/ Den diser geyst wil
nit glauben/ was gots wort sager/ sond was er sihet vñ fült.
O ein schöner glaube. Nun wir antworten dem bösen teüfel
also/ Das dise wort Lu. 22. Das ist d kelch dz newe Testamēt
in meinem blüt/ nit sollen nach mügen also zu verstecken sein/
Das dis wort (in meinem blüt) soll gehörien zu dē wort (Das
ist der kelch) wie diser geist fur grosser lauter mütwilliger böss
heyt sürgibt/ sonder zu dem wort (ein new testament) wie sie
auch nacheinand natürlich steen vñ volgen/ Das also vil sey
gesagt/ Diser kelch ist ein new Testamēt/ nit durch sich selbs
dan er vileicht ein glas od silber ist/ sond darumb/ das mein
blüt da ist/ durch das selbig blüt ist er ein new Testament/
Dan werden kelch also empfahet/ das er da Chustus blüt/ dz
für vns vergossen ist/ d empfahet das new testament/ das ist
vergebung der sünden vnd ewigs leben.

Ich wil dir aber sagen/ warumb D. Carlstat an disem ort
müste lestern/ gauckeln vñ spottē. Der spruch war zu hell vñ
zu mechtig/ vñ wuste nichts dazü zu sage/ Den er zwinge mit
aller gwalt/ vñ schier mechtiger dan keiner droben/ das Chri
stus blüt im sacrament sey/ drum dacht er dē pöfel mit andn
bössen die oren zu füllen vñ abzüwenden/ das sie die weil vff
dise wort Luce nit acht hetten. Vnd mich dückt auch/ an dise
ort sey zu spüren/ das D. Carlstat wid sein eigen gewissen lau
cke/ das Chustus blüt vnd leyb im Sacrament sey/ Vnd sey
Got im hertzen feind/ vñ wölle im zu leyd vñ vdrueß/ sein hei
ligs wort vñ sacramēt lestern vñ schendē/ Mich dückt/ sage
ich nach ein mal/ D. Carl. habe sich ergebē vñ erwegē zu sein
ein offentlicher feind Gottes/ vñ wölle in die hell so mer renn
nen als traben/ Got laß mich felen vnd liegen.

Dan diser spruch Luce vñ Pauli/ ist heller wan die son vñ
mechtiger dan d donner. Erstlich/ dz niemat langē kan/ er re
de vō dē kelch/ weil er spricht/ Das ist d kelch. Zum andern/
das er den kelch dz new Testamēt nent/ D3 stoßt mechtiglich

L

Dañ es k̄n̄ nit sein / dz er durch vñ vmb schlechts weins willē
solte ein neu Testamēt sein / Dañ w̄z ist neu testamēt anders /
dañ v̄gebūg d̄ sündē vñ ewigs lebē vō Christo vns erworbe
vñ im sacramēt bescheiden? Sol nū d̄ kelch ein neu Testamēt
sein / so muß etwas dariñ vñ an jm sein / dz so vil gelte / als dz
neu testamēt gile. Ist dz nit Christus blūt / wie er spricht / In
meinē blūt / so laß sagē w̄z den sey? So möchtē wir nū wol zū
disen geystern sagē / O jr falsche prophetē / die jr dz neu Testa
mēt gebt vñ v̄heist dē leūtē vmb vñ in ein ttück weins. Es
müßte auch d̄ text also steē / Dz ist d̄ kelch dz new Testamēt im
wein / Nū aber die wort so lautē / Das ist d̄ kelch das new Te
stament in meinem blüte / ist damit D. Carlstat / Kunst / schuift
bücher / beyde die er gemacht hat / vñ nach machē kan / alles
zū boden gestossen / vnd so überwunden / das er nit mucken
dawider kan / Mucket er aber / so sollers nach erger machen.
Da stet nun vnser text / Beist / freßt / spotet / lestert nū getrost
seyt böß liebē hymlichē propheten / Den kelch müßt jr lassen
bleibē / das er dz neu Testamēt sey / weñ gleich auch kein turo
da wer das druff deutet / vñ werē alle turo vffewer seittē / Jr
müßt auch lassen bleybē / das er sey dz neu testamēt / nit durch
od̄ in seinē wesen / sond̄ durch vñ in dē blūt Christi das blūt /
dz blūt Christi machts dz diser kelch ein neu testamēt sey / we
lichs mag nit vō dē sitzenden blūt Christi verstandē werden
Dañ d̄ kelch kan nit vō dē blūt dz new Testamēt seyn / dz nit
in jm ist / dz in auch nit anrūret noch angeet / Sond̄ kelch vñ
blūt müß hie ein ding sein / wie drobē ḡsagt ist / das / wer den
kelch hat od̄ nimpt / auch dz blūt Christi habe vñ neme. Wa
wolt jr nun hinaus liebē rottēgeyster? So will ich sie nun las
sen tausent iar schreiben vnd schreyē / vñ wil nit mer dañ dz
einige wort wid̄ sie haltē / Das ist der kelch das neu testamēt
O das wort / New Testament wie zürschmettert es die Pro
pheten vnd geyster in einen klumpen wie den Kad̄t.

Ich hör̄ auch sagen (dañ ich hab̄ diser giffte Bücher nit alle
gesehen noch gelesen) wie sy sich behelffen mit dem / da Chri
stus Mat. am 16. zū Petro spricht / Du bist Petrus / vñ vff̄ di
sen fels wil ich meine kyrche bawen. Hie sagē sie findet man

des gleichen/das Christus anfahet zu reden von Petro/wel
lichs heist ein fels/vñ wendet doch flur darauff die rede vff
einen andern fels/vñ spricht. Vñ auff disen fels wil ich mein
Kirch ba wē. Also thū er hie auch/da er spricht. Nemet hin es
set/dz ist mein leib vñ wende damit die rede vō brot/auff sei
nen sitzendē leib. Sihe / wie sücht sichs/helffe w3 da helfen
kan/Ein lüge muß allmal sibē andere lügen haben/soll sye
der warheit enlich werden/vnd einen schein gewinnen.

Hierauff antworten wir/Wans gleich also were/das Chri
stus auff die weiß Mat. 16. redete/so ist doch noch nicht ge
nüg einen artickel des glaubens zūsetzen/vnd gewissen dar
auff zūbawen/das hie auch so sein müsse. Sonder man muß
mit hellem text beweisen / das an disem ort auch so sein solte
vnd müste darumb hilfftes nicht/ob dise geyster sagen Chri
stus Matth. am. 16. wendet die rede flur vonn einem fels auff
den andern/Darum ist hie auch so zū wenden vom brot vff
den leib. Wer will vns sicher dauor sein vnd gewiß machen/
das hie auch also sein müste: Du sagest es wol/aber wie kann
man dir glauben/weil du es nit beweifest: du müst die gleich
niß der rede mit schufft erzwingen / vnd nit von dir selbs da
her tragen. Dann der glaub (wie ich offt gesagt) will nicht
schlecht sagen oder singen haben/Er will gotes wort haben
das da dūre herauf sage. So ist vnd nicht anders/Da er
will kein ro: sein/das der wind webt.

Zum andern/Es ist nit wor/dz Mat. 16. d̄ gleichen rede sey
Da er stat daselbst dz wort (Vnd) zwischen beyden stucken
vñ widerholet dz wort fels noch ein mal/vñ spricht also/Du
bist Petrus/Vñ auff disen fels ic. das alhie/da er spricht. Du
bist Petrus/ein teil auß ist/vnd darnach ein newes anfacht/
nēlich/Vñ auff disen fels ic. Ein soliches/Vñ/vñ widerholē
des worts leib//stat nit da im abēmal /sond spricht stracks
Nemet/esset/das ist mein leib. Wan Matth. 16. also stünde/
Du bist Petrus oder fels auff den oder auff welchen ich mei
ne kirche will bawen/so were es wol ein gleiche red. Oder
wans im abentmal so stünde/Nemet hin esset den leib / Vñ
das ist mein leib/So were es dem Matth. 16. gleich.

Nun aber Mat. 16. ein Vnd / vñ dort kein Vñ dazwischen
stet / vñ Christus dz wort fels Mat 16. nach ein mal wiß holet
vñ spricht vff disen fels / im abentmal aber nit widrüb holet
dz wort leyb / gibts die rede / dz er mit dē wort / fels / vff sich o
der sein wort dz Petrus redet / vñ mit dē wort / leyb / vffs brot
deüte / Dz dise zwē sprüch gleich so enlich sind / als wasser vñ
feür. Auch hat d̄ Euāgelist Mat. 16. solchē vñscheid vñ neu
en anfang anzū zeigen / mit fleiß den fels vñscheidē. Dan er
nennt Petrus als einen Der / aber den andern felsē ein Die / dz
man greyssen solt / dz Petrus als ein der / nit wer d̄ and fels /
den er ein die macht / daruff Christus sein kirch bawen will /
vñ setzt solchē der vñ die in zwo vñ einand geteilte red / wel
ches nit im abentmal geschicht / da er dz wort Das / vff beyds
brot vñ leyb deütet in einer red vñ spricht / Das ist mein leib.

Zu letst / dz er ja nit on schrift aller ding redet / firt er (Gott
lob) ein mal ein spruch / vileicht zur letst / vñ ist Mat. 24. wann
sie euch werdē sagen / hie od̄ dort ist Christus / solt irs nit glau
ben. Nū wir dan̄ sagē / Christus sey in d̄ hostie / so sey es so vil
gsagt / hie vñ da ist Christus / duim̄ seys nit war. da da / das
ist straffen. Wolan ich wil dē prophetē hiemit auch Eli singē
vñ heylgen abēt gebē. So blind macht d̄ haß dise geyster / dz
sie nit mügē vñ sich sehen / w3 vorher od̄ hernach geet bey di
sen wortē / sond̄ fallē druff / wie sies am ersten blick düct für sy
sein / darumb müssen wirs in abermal deütlich zeygen.

Es ist gar vil ein anders / wen̄ ich rede vñ Christo vñ vñ
Christus leyb vñ blüt / dan̄ da d̄ Euāgelist spricht / hie od̄ da
ist Christus vñ d̄ gleichē / ist vñ dē ganzē Christo / dz ist vñ dē
reich christi geredt / wie dz mit gwalt erzwingt d̄ text Lu. 17 da
er spricht / Dz reich gots köpt nit mit eüsserlichē geberdē / mā
wilt auch nit sagē / sihe hie / sihe da ist / Welchs die andn̄ E
uāgeliste also außredē / hie od̄ da ist christus / dz ist alles so vil
gsagt / Christus reich stat nit in eüsserlichē dingē stettē / zeyttē
personē / werckē / sond̄ wie er da selbst sagt / Das reich gottes
ist inwendig in euch / darauff volgt nū nit / dz Christus nū gēt
sey / sond̄ dz er allēthalben sey vñ alles erfülle Eph. 1. Er ist a
ber an keinem ort gebunden sond̄lich / dz er da müst sein vñ

sonst nirgent/wie die thün die vnser gewissen nit frey lassen/
sonder an sonderliche stett/werck/vnd personen binden.

Wie er nun selbs Christus vn̄ sei reich/an kein stat od̄ eüsser
lich dig gebüde ist/so ist auch alles dz zu sein reich gehört frey
vn̄ nirgēt angebundē/als da ist/dz Euāgelio/die tauffe/dz
Sacramēt vn̄ die Chriſtē. Dañ dz euāgelio soll vn̄ müß an al
len enden sein frey/vn̄ an keinē sondern ort gebundē. Dañ es
ist nit zu Rom allein od̄ hie od̄ da vn̄ sunst nirgēt/Also ist die
tauff vn̄ sacramēt auch/Dañ es ist nit von nöten/dz man in
d̄ kirchen vn̄ sonst nirgent predig/tauffe/secramēt hole/Sō
der an allē orten/wa es nur die not fordert. Darauß volgt nū
nit/das Christus im sacramēt sey/als an ein statt gebunden
hie od̄ da/sond̄ er/sampt seinem Sacrament/frey an allē or
ten ist od̄ sein mag/darumb ziehen diſe Prophetē den spruch
nit recht/so vō reich Chriſti redet/vff das Sacrament.

Dañ wa das solt gelten/so müßt man auch leugken/das dz
Euangelion vnd tauff vn̄ sacrament nirgent were. Dañ im
Euangelio ist Christus auch gegenwertig/vnd muß doch ja
müntlich vn̄ leyplich in stetten vnd örttern sein. Jte Christus
müße auch nit im hymel sein zur rechtē des vatters/weil mā
hie auch möcht sagē/sihe/da ist Christus. Jte S. Stephano
hett mā müge sagē/da er Jesū sahe sten 2lc.8. Du leügſt/den̄
Christus ist wed̄ hie nach da/wen̄ die fleischlich gedankē di
ser prophetē tuchten. Ja jr eigē ler vō christus erkāniß vn̄ ge
dechniß/müßt auch nichts sein/den̄ sy müße ja an ein ort da

Darüb muß diſer spruch (hie vn̄ da) v̄standen (mit sein.
werden/Erst/vō leyplichen/eüsserlichen stetten vn̄ dingen.
Düm andern vō solchen leyplichen stetten/die in sonderheit
vor andern außgezogen vn̄ nötig zur seligkeit gmacht werdē
durch falsche prophetē/dz nit alle stette frey bleyben/wie biß
her mit vns vnd dē Babstun ghandelt ist. Aber wir lerē nit/
das Christus leyb vn̄ blüt sichtbarlich in eüsserlichen stetten
sey/sond̄ verborgen im Sacrament/So sagen wir auch nit
das er müße vn̄ soll an sonderlichen orten vnd nit an allen
frey sein/sonder er sampt dē brot vnd wein darzu/müge vn̄
soll frey sein an allen orten/stetten/zeytten/personen.

Das er aber spricht/ Das ist mein leib/ vñ nit das ist Christus/ ist darüb geschehen/ das man nit im sacramēt den ganzen Christum/ das ist/ sein reich/ sonder deutlich vnd eygentlich seinē leib leiblich vñ warhafftig verstünde/ als ein stuck seines reichs vnd des ganzē Christus / Gleich wie man das Euangelion auch nit Christus oder ein reich Christi nemmet/ sond ein mündliche leibliche predig/ als ein stuck des ganzē Christus oder seines reichs/ vnd doch die art auch habe des ganzen Christi/ das es frey an allen/ vnd nit nödlich an sondere stette gebunden sey/ Darumb ist von Christo geredt als vom ganzen/ aber von seinem leib als vō stuck des ganzen.

Hie wil ichs diß mal lassen bleiben/ Dañ das D. Carlstat sicht/ wa wir die gewalt habē/ Christus leib vnd blüt ins sacrament zu bringen/ ist genüg droben beweiset/ vnd er muß vns auch wol lassen/ wañ wir das erhalten/ das das brot dz WJR brechen/ sey der leib Christi. Dise WJR werden freylich die gewalt haben/ ebē in den wortē/ da sie Christus selbst innen hat am abentmal. Item das er gauckelt vō der gerechtigkeit des absterbēs/ das sie für der gerechtigkeit des geists inwendig sey/ ist sein gedicht vñ hat keinē grunt/ Dañ drobē hastu die rechte ordnung gehört/ das der anfang vnd dz erste sey/ d̄ glaub im hertzē/ die gerechtigkeit des geists/ Darnach folgt die tödtung vnd sterben des alten menschen Roma. 8. Wañ ir durch den geist die werck des fleisch tödet/ werdt ir leben. Durch den geist/ spricht er/ als der z̄uor/ da sein muß.

Hiemit sey geantwort vff alle bücher D. Carlstat/ vom sacrament/ da er nun drey iar an gemacht vñ gedicht hat/ dar auff hab ich in dise drey wochen geantwort/ vnd wil in wid drey iar vnd noch drey darzu gebē/ das ir sechs werden/ das sie mir bestendiglich antwortē/ Vnd warne sie noch eins/ dz sie zūsehen vnd treffens/ dañ sie dürffens wol. Ich zwar für mein hoffrecht/ danck inen von ganzē hertzen/ vnd wölt nit groß dafür nemen/ so seyn haben sie mir mein hertz gestereckt in disem artickel/ Dañ ich nun sihe/ wie gar man nichts mög vffbringen wider disen artickel. Ich hab aber so weyteuffig vnd mit vilen Worten dauon geredt/ das ichs ja liecht vñnd

Klar machte/das D. Carlstat so finster vnd vnördig schreibe.
Vñ halts dafür/das vß diesem büch D. Carlstat aller erst sich
selbs bass vñsteen werde/Dañ mir nit zweyfelt/er hab bißher
selbs nit gesehen/was er mache/od wa hyn sein lere reychē/
Dan er kan nichts ordenlichs fassen oder begreiffen/vil wes
niger vñreden oder schreiben.

Am end wil ich yederman trewlich vñ brüderlich gewar
net haben/das er sich für D. Carlstat vnd seinen propheten
hüte/vmb zwo sonderlicher vñsach willen/Die crste/das sie
vñberüffen lauffen vnd lerē/welchs gott durch Jeremians
strafft vnd spricht/Sie lieffen vnd ich sandte sie nit/sie redetē
vnd ich besalb inen nichts/Drumb vñteylt sie auch Christus
Johan. 10. für dieb vnd mördē/die nit zur thür eingeen/son
der anderßwo einsteigen. Sie rüme sich fast hoch des geists/
höher dan die Aposteln/vnd habē doch nun lenger dan drey
jar heymlich geschlichen vnd geschmeyst. Were es der recht
geist gewesen/so were er flur vñffgedretten vnd hett sein berüf
fen mit zeychen vñnd worten beweist. Aber es ist ein meuch
linger heymlicher teüfel/der in winceln vñbher schleycht/
biß er schaden thū vñnd sein giff vñßbreyte.

Die ander ist/Das dise propheten das haubtstück Christ
licher lere/meiden/flihen/vnd schweigen/Dañ sie leren an
keinem ort/wie man doch sol der sünden loß werden/güt ge
wissen kriegē/vnd ein fridsam frölich hertz zū gott gewinnē/
daran alle macht ligt. Das ist das rechte warzeychen/das ir
geist der teüfel sey/der mit selzamen newen wortē die gewis
sen wol erregt/schreckt/vnd irre macht/stellet sie aber nit zū
rüge noch zū friden/kans auch nit/sonder feret zū/vnd leret
etlich sonderliche werck/damit sie sich üben vnd blewen sol
len. Aber wie ein güt gewissen soll gethon vñnd geschickt
sein/wissen sie gar nit/Dann sie habens nit gefület noch ye
mals erkant/Auch wie kōnnen sie es wissen oder fülen/so sie
vñberüffen von in selbs kōnnen vñnd leren/da kan ja kein
güts nit von kōnnen. Gottes gnad sey mit vns allen. Amē.

[Faint, mostly illegible text in a Gothic script, likely bleed-through from the reverse side of the page.]

Et michaelis rhoti a Vigerfemo



